

SEBAST.
VERRONIS
FRIBVRGENSIS
HELVETII,
PHYSICORVM
LIBRI. X.

Nunc primum in lucem editi.

Hen:

Prescott & 1672



LONDINI, M
Ex officina Henrici Bynneman
Typographi.

CID. MD. LXXXI.

Cum Privilegio Regiæ Maiestatis.

SEBAST. VERRO;
CANDIDO LECTORI
SALVTEM.



UANTUM
ingenuorum dele-
Etet animū si sua
natura rationem
& originem, re-
rumq; causas in-
telligant, etsi in
primis ex eo con-
icere licet, natu-
ra cognitionem,
summum Dei do-
num in Adamo primo integritatis statu, & rege Sa-
lomone iudicatam esse, siquidem cum ille omnium re-
rum scientia, hic consummata sapientia diuinitus es-
set dotatus, nihilq; excogitari posset quo incundius
fruerentur, acumen illud in rerum notitia indaganda
& tradenda præcipuè exercuerint, dum alter animā-
tibus vniuersis ad singulorum proprietatem nomen
indidit, alter de orbis terrarum dispositione, solstitio-
rum permutatione, cœli cursu, animalium affectibus
& imaginationibus, virgultorum differentiis, alijsq;
in natura maiestate abditis differuit, ac ter mille pa-
Aij. rabo-

PRAEFATIO.

rabolas de operum Dei consideratione conscripsit: non minus tamen oblectatio illa ex frequentibus illorum qui in erudito hoc pulvere desudarunt experimentis elucescit, cum post nonnullum laborem tantos fructus consequuntur, ut quid vitam sit vivere tum deum cognoscant, cum nature rationem de Solis accessu & recessu, de Luna incrementis, dierum varietate, omnium rerum ortu & interitu, prava suorum affectuum inclinatione ac nobilissimo mentis regimine didicerint: ex quo deinde arumnas aequo animo ferre, virtutes magna alacritate amplecti, originem suam caelestem rocolere, Deumq; conditorem in amplissimo hoc theatro predicare queant, cum non magna solum illius sapientiam bonitatemq; testentur, sed minutissima quoq; ac vilissima inditum quid habeant quod admirationem merito mouere possit. Neque vero quod nonnulla sint abstrusiora, multaq; fiant incerta ratione, quisquam dicat, naturam speculari & venandam non esse: nam Sapiens ille Ecclesiasticus tertio, mundum ob id hominum disputationi à Deo datum asserit, ut meditentur in omnibus operibus eius, & facta manuum eius explicent: unde factum est, ut primo mundi aëre infusa Physiologia caelestis, postea semper fuerit exculta: ac initio statim ne temporum iniuria periret, Adam & Seth columnas geminas erexerunt, in quibus altera aenea, & lapidea altera, Annirationem & scientiarum principia insculpta posteritati consecrarunt: inde a patribus celebrata & in Chaldaeam Aegyptumq; Palestinam confines propagata, per Phoenices in Graciam derivauit,

AD LECTOREM

navit, ubi Thaletem Milesium, atq³ Pythagorā Sa-
mium, à quibus Ionica disciplina & Italica magna
Gracia fluxit, primos habuit authores: quos secuti
Anaxagoras, Architas Tarentinus, Heraclitus, De-
mocritus, Zenon, Empedocles, Parmenides, Plato, A-
ristoteles, Euclides, Aristarchus, Archimedes totum
naturalis historiae negotium ex professo elaborare &
profiteri cœperant, tametsi nimium naturalibus rati-
onibus fidentes, veramq³ rerum originem ac caus-
sam Deum nescientes, non paucos paganismi naus
ei asperserint: denique in Latium aduecta, in nostris
quoque regionibus florere cœpit: ut nullis saculis de-
fuerint, qui eam non egregiè tractarint, auxerintq³,
ac si quæ à veteribus minus certa manassent, ea po-
stea emendarint, aut usu innuerint, comprobarint-
q³. Ceterum quod ad dogmatum physicorum verita-
tem & puritatem attinet, quandoquidem plurima
non minus absurda, quàm supernacanea irrepse-
runt, quæ adolescentes multo plures fatigatos, quàm
solidè doctos dimittunt, ego optimo cuique sincera phi-
losophia sectatori suaderem, memor illius Pytha-
gorici symboli φιλοσοφεί τὸν ἀεὶ ὄν ὁρῶν: cum philoso-
phandum est veritatem quæ è cœlo est, sacrisq³
libris continetur, sequendam sibi proponat: nam
cùm nullus suavior animo cibus sit, Lactantio autore,
quàm cognitio veritatis, ideoq³ studia omnia & a-
ctiones eo tendere debent, ut animi integritas ea e-
nutriatur atque ornetur: diuersis huiusmodi opinio-
nibus atque à veritate alienis quàm parcissimè in-
harendum est: quæstiones verò otiosæ & quæ præter

A. iij.

inanem

P R A E F A T I O

*inanem subtilitatem nihil eruditionis & cognitionis
 afferunt, aspernanda sunt: ne quod frequenter euenit,
 tenerum ingenium primo gustu superfluis argutis of-
 fensum, quicquid reliquum est inutile & insuauis ar-
 butetur, respuatq̃. Piaculum aliquando Lateranen-
 se Concilium censuit, Mentem mortalem, unam om-
 nium animam, aut mundum aeternum profiteri: sed
 non leuius est absurdissima rerum principia omissis
 veris causis asserere ac mordicus tueri. Laudandi
 certè sunt veteres de studio indefesso, & mentis acu-
 mine in ijs quæ benè & rectè docuerunt: sed non idèò
 imitandi in plerisq̃ de quibus certius nos & beatius
 edocti sumus: praesertim cum nec ipsi omnibus acqui-
 euerint quaecunq̃ à suis audiuiſſent, sed ad Persarum
 Sophistas, Egyptiòſue sacerdotes vel India Gymno-
 sophistas immensa itinera susceperint, ut rerum ori-
 gines peruestigarent: dedit namq̃ omnibus pro virili
 portione Deus sapientiam, ut & inaudita inuestiga-
 re possint, & audita perpendere, ne si prauius quis er-
 rore se precipitasset, temerè omnes & inconsideratè
 velut oves quæ iudicio destituta sunt, prolaberentur.
 Fuit hæc ferè causa, cur ego omissis nonnullis, immu-
 tatisq̃ non paucis, vniuersa Physica rationem, exem-
 plis poetarum & usus humani illustratam, & quic-
 quid iure sibi vendicabat complexam, accurata &
 quàm fieri potuit dilucida methodo breuiter ob ocu-
 los ponerem. Scripserunt multi de ea non minus ar-
 gutè quàm ornatè: atque Aristoteles quidem anti-
 quissima Physica monumenta, solidaq̃ theoremata
 omnia quibus reliquum innititur, continet: interea*

tamen

AD LECTOREM.

tamen multum inutilibus disputationibus occupatur:
Plinius varia natura exempla varius ipse narrat:
Cardanus singularum rerum causis indagandis de-
lectatur: Philippus gratus exemplis est, aliq̃ alijs
nominibus præstant: ego imitatus sum quoscunque
ad scopum proximè accedere vidi: tantumq̃ abest
me nouitatis studio magis quàm candore quicquam
mutauisse, ut sæpe quosdam ad verbum sim secutus:
tantum, ut ad naturæ structuram perdiscendam, fa-
ciliorẽ viam recto tramite monstrarem: quamuis
mihi in nonnullis minimè satisfecerim. Nec me fugit,
fore ut quorundam censuram subeam de audacia &
temeritate: tamen, licet dissensiones longè abhor-
ream, veræ methodi commodis, ac verita-
tis qua nihil charius esse debet,
amore persuadentibus, rem
aliter formare & tra-
dere non libuit.


A.iii.j.

IN



Quia huiusmodi in hisce libris occurrunt:
Plurima sunt, quae exemplis illustrata sunt;
Ceterum huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:

Quia huiusmodi in hisce libris occurrunt:
Plurima sunt, quae exemplis illustrata sunt;
Ceterum huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:
Sed huiusmodi in hisce libris occurrunt:



IN SEBASTIANI

VERRONIS PHYSICA EPIGRAMMA

Wilhelmi Techterman Patricij

Friburg.


QVALE Syracusius nomen, famamque decusque
A priscis fertur demeruisse senex :
Astra quod in tenui finxit labentia vitro
Nobiléque ætherei præbuit orbis opus :
Tale decus, laudemque tui meruêre labores
Ingenij, varijs docte Sebaste modis.
Sy dera, nec tantùm, cœlique volubilis orbes
Astrorùmque docet parua tabella vias.
Latiuagi quicquid complexa est fabrica mundi,
Naturæ rerum progeneritricis opes.
Exhibet hic rerum longè pulcherrimus ordo
Singula vbi ad certos sunt reuocata gradus.
Hic motus, series, causæ atque exordia rerum
Et mundi latè forma superba vagi.
Et quæ conuexo splendescant sydera cœlo,
Quæ vaga, quæ maneant limite fixa suo,
Quas elementa vices alterna sorte ministrent,
Vt seruent nexus cuncta creata suos.
Vnde faces, cœloque errantia signa per vmbra,
Quæue maris refluui tingit amaror aquas:
Rorésque pluuiæque & sæuæ grandinis imber,
Et rutili vires fulminis atque fragor.
Vnde trahas varios in nubibus Iri colores.
Qua celeres venti de regione ruant.
Pòst gravidæ telluris opes atque ima parescunt
Viscera, & in lato pulchra metalla sinu.
Et qui fœcundo procedunt semine flores,
Quæue rudem folijs arbor opacat humum.
Et pecudum vitæ, & varijs animalia formis,
Atque homo diuinæ semina mentis habens.
Talia ceu nitido Lector mirêre theatro,

A.v.


Agnos-

Agnoscatque Dei cunctipotentis opus.
Scilicet his hominem voluit præponere regnis
Cura Dei, & vultus tollere iussit humo.
Vt tanta aspiciens rerum miracula noscat
Esse creatorem qui fouet ista Deum.
Esse Deum immensum cuius sapientia mundi
Quod fecit, magnum summa gubernet opus.
Sint procul æthereum nullis qui legibus orbem
Et dubia ferri singula sorte putant.
Nos rerum moueat series & lucidus ordo,
Quæue tenent certas sydera clara vias.
Hinc superas cupidam mentem tollamus ad arces,
Quæue pios cœli regna beata manent.
Æternoque sonent laudes & carmina Regi,
Ista quod humanis panderit ingenijs.
At quorum hæc nobis patefiunt arte virorum
Inclyta non careant pectora laude sua.


SCE-



SCELETON TOTIVS PHYSICES.



LIBER PRIMVS.



LIBER SECVNDVS.

Quid Cælum & Astronomia.


Generatim

Sphærarum cælestium ordo.

De Astronomia considerantur


Imaginaria quedam de Circulis qui sunt

Speciatim




Stel-

LIBER SECVNDVS.




LIBER SECVNDVS,

Primarius, ab ortu in occasum.




C. Con


LIBER SECVNDVS.



LIBER TERTIVS.




LIBER QVARTVS.




Quali-


LIBER QVARTVS.




LIBER QVINTVS.




LIBER QUINTVS.




LIBER SEXTVS.




LIBER SEPTIMVS.




LIBER OCTAVVS.




LIBER OCTAVVS.




LIBER OCTAVVS.




LIBER NONVS.



 Incre-

LIBER NONVS.



(:) Inte-

LIBER NONVS.

Sensus Communis.

Cognitio

Cognitio singularium & similium.

Imaginatio absentium.

Vigilia

Solertia.

Aestimatio

Notio.

Docilitas.

Prænotio.

Formant, ut

Phantasia, cuius operatio in

Somno. Somnium, est vel

Diuinum, quod de rebus gerendis aperte docet, ut Oraculum.

Simpliciter apparet, ut Vifio.

Diuinatorium quod

Figuris agit, ut Somnium.

Naturale

Mirabilem, Phantasma.

Non præfagiens, rerum


Gestorum, Insomnium.

Retinent, ut Memoria.


(:)
Interiores:
quarum alia rerum ideas

):(Af-


LIBER NONVS.



LIBER DECIMVS.



LIBER DECIMVS.



FINIS.

LIBER DECIMVS

Repositio

Repositio
Repositio
Repositio

Repositio

Repositio

Repositio

Repositio

Repositio

Repositio
Repositio
Repositio

Repositio
Repositio
Repositio

Repositio

Repositio
Repositio

Repositio

Repositio
Repositio

FINIS

PHYSICORVM

LIBER PRIMVS

DE NATVRA.

CAPVT I. *Quid Physica?*



PHYSICA est doctrina de natura rerum. Hæc enim cœli, siderum, & elementorum, adeoque omnium quæ ex ijs constant & fiunt, rationem tradit, causasque inuestigat. De ea Virgilius primo Æneidos in hunc modum:

*Hæc canit errantem Lunam, Solisq; labores,
Arcturum, pluuiasque Hyadas, geminosq; Triones:
Quid tantum Oceano properent se ringere Soles
Hybernî: vel quæ tardis mora noctibus obstet:
Vnde hominum genus, & pecudes, unde imber, & ignes.*

CAPVT II. *Quid Natura?*

NATURA est essentia per se constans: quicquid enim vspiam existit, quod diuinitus insita vi qua subsistit, ad agendum aut patiendum aptum est, Naturæ appellatione intelligitur. Hinc ergo dictæ res naturales, quæcunque naturæ ordine fierent.

CAPVT III. *De primaria rerum efficiente causa.*

CVMAUTEM scientiæ omnis perfectio in causarum accurata cognitione versetur, ne falsæ pro veris assumantur, diligentius hoc loco res inspicienda est. Primò itaque loco Deus omnis naturæ autor & parens est. Condidit is ab initio cùm quæ sensibus sunt & corruptioni obnoxia, tùm interitus expertia quæ sensus effugiunt. Æternam is indidit legem, qua vi naturali quæque in suo genere persisterent, nouaque subinde propagarent, vt mira

C.

continua-

continuatione ac velut perpetua serie motus rerum, & vis generandi seruaretur. Huius ordinis causa communi nomine, sed significatione à superiore alia, Natura dicitur, per quam Dei in rebus occulta operatio intelligitur, vt non ineptè Strato physicus tradidit.

CAP. IIII. *De Fato.*

Quia verò non omnia eadem lege fiunt, causæ statuuntur duplices: sunt enim aliæ certæ, aliæ contingentes. Certæ quæ perpetuò eodem modo agunt vt Fatum & Necessitas. Fatum dicunt ordinem seriè inque causarum, cum causa causam ex se gignit. Atque ita primum mobile diuina lege perpetuò circum terram mouetur, ipsum deinde orbes inferiores omnes secum rapit, quo motu astra subinde loco mutato pro vario positu, elementorum qualitates mutant, ex qua postremò alteratione omnium rerum quæ in his inferioribus consistunt, ortus duratio, & finis dependet, emanatque. Hinc enim hominū diuersa studia: præclara ingenia, magnique heroum animi originem ducunt & impelluntur: vt quod Cicero ait, Neminem virum magnum sine aliquo afflatu diuino vnquam fuisse, aliud (iuxta Iuuenalem satyia 7.) non sit, quam

Sidus & occulti miranda potentia fati.

CAP. V. *De Necessitate.*

Necessitas est modus agendi ordinatus in rebus naturalibus. Hoc modo cælum perpetuò mouetur: & astra sua vi in hæc inferiora agunt: elementa in se inuicem mutantur: animata quæque in suo genere sibi simile generant: lapis ad vnum motum deorsum fertur: lumen lucet: Eo ipso modo magnes non potest ferrum non attrahere, nec Sol non exficcare, ignis non vrere. Hæc tamen necessitas naturalis adeo non est immutabilis, quin vel Dei nutu, vel natura à scopo aberrante non possit aliter agere. Referunt enim sacre Literæ Solem non solum cum Luna per diem integrum immotum perstitisse, donec videlicet Iosua copias hostis deleret, sed etiam in signum

Eze-

Ezechiae regi datum, retrogressum, ut decem gradibus in horologio gnomonis umbra remearet: & Chaldaei attoniti de portenti huius ratione perquirenda legatos ad regem Hierosolymorum mitterent. Et contra eandem hanc naturae legem saepius eduntur monstra, lapisque sursum propellitur cum natura aut vim patitur, aut casu impeditur.

CAP. VI. *De Contingentia.*

Eorum quae incerta lege fiunt, quaedam contingenter fiunt, quaedam fortuito. Contingentia est modus naturae agendi inconstans, qui nulla sit necessitate. Versatur autem in materia, aut voluntate. Secundum materiae variam rationem diuersa multa contingunt in elementis & mixtis: ut e nube hac fulmen decidere, ex illa pluuiam: Ferrariam terrae motu concuti, sed non Florentiam: concresecunt quandoque foetibus digiti manuum, propter materiae confusionem. Voluntas propria causa est actionum animatorum, ut pictor hominem, aut plantam aut bestiam fingit: Tarquinius stuprum Lucretiae infert, & quod Lupus hanc ouem e grege rapiat, illam dimittat, causa alia assignari non potest, nisi contingentia.

CAP. VII. *De Fortuna.*

Fortuna dicitur, quando praeter efficientis scopum nec necessario, neque euidenti causa antecedente aliquid accidit. Euentus autem omnes huiusmodi reducuntur ad angelos vel daemones: quaedam enim a pijs angelis iussu diuino fiunt: ut Tobiae occurrit in flumine Euphrate piscis, cuius intestina medicamento essent patri & sponsae futurae: quaedam a malis spiritibus permissu Dei: ut aedes in quibus liberi Iob epulabantur repentino casu corruunt: Gallorum exercitus Templum Delphicum diripere volentis magna pars grandine & fulmine proster nitur: tripodem aureum piscatores Milesij reperiunt: offerente daemone, ut cultui suo in templorum adytis vsui esset. Proficiscuntur ergo euentus fortuiti omnes a diuina

prouidentia ita decernente vel permittente: inde adducti gentiles Fortunam Deam finxerunt: Iuuenalis satyra decima, in fine.

Nullum numen abest, si sit prudentia: sed te

Nos facimus Fortuna Deam, cæloq; locamus.

Nam fortunam casumue in rebus humanis quibuscunque per se quicquam regere potius quàm sapientiam & numen coeleste, nostrum non est credere, præsertim cum Basilii nihil temerè casumue agi in rerû natura, cõstanter affirmet.

C A P. VIII. *De materiali rerum causa.*

Materia corporum simplicium & mentis nulla est: nam licet cælo & elementis quibusque propria sit materia, tamen à Deo condita sunt è nihilo: & antequam fierent: materia extitit nulla. Mistrorum verò materia sunt elementa: illorum namque commistione omnia oriuntur, intereuntque, atque in illa postremum resoluntur.

C A P. IX. *De formali causa.*

Singulas omnium rerum formas Deus tantum nouit: nam quæ sit cæli, elementorumque essentia, quæ pyri à pomo, violæ à rosa, leonis ab elephante, smaragdi à sapphiro, auri ab argento, quæ hominis à cæteris formalis differentia & essentia, homini est ignotum: nisi quantum ex specie externa, & naturæ effectibus assequitur. Adam protoplastes hac insigni notitia fuit præditus, cum ante delictum rebus omnibus nomina imposuit.

C A P. X. *De causa finali.*

Omnia sunt ad vtilitatem hominis facta: homo autem ad gloriam Dei. Etenim Sol suo lumine opportunitatem administrat agendi quæ sunt humani officij, cum decedit, quietis admonet:

— *Suadentque cadentia sidera somnum.*

Deinde calore suo statis vicibus mundum vniuersum perlustrat, cuncta viuificat, fœcundat & producit, vt homini alimentum suppeditet: Terra ad hominem & eius vitæ necessaria

ecessaria sustentandum solidata est: Aer ad cordis calorem refrigerandum tenuis est, limpidusque. Mare arctis finibus se continens, homini loco cecidit. Eadem de causa terra tot herbarum & stirpium genera cum ad victum, tum ad morbos fugandos profert. Animantia hominem imperatorem quandam auctoritatem præ se ferentem formidant: quædam in laboribus iuuant, quædam veluti perpetuum censum in vestes vellus reddunt quotannis, & sicubi oues quæ hoc ministerio cæteris præstant, desunt, ne quid uspiam homini deficiat, arbores gossipium ferunt, ut in multis partibus Africæ. Porro homo in hoc pulcherrimo theatro constitutus est, tanquam rerum omnium contemplator: ut ex visibilibus hisce miro suo ordine architecti sapientiam testantibus, Deum opificem agnoscat & celebret. Huius tractationis axioma est, Natura nihil agit frustra: & Natura tendit semper ad meliorem finem.

CAP. XL. De Mundo.

DE causis naturalibus dictum est, sequitur distributio Naturæ. Ea est in vniuersum corporea & incorporea. Corpus est natura ex materia & forma constans, ut mundus vniuersus. Huc pertinet axioma, Nihil corporeum æternum est. Est verò Mundus compages corporea cœli & elementorum, adeoque omnium quæ in eis continentur. Eius formam in descriptione Regiæ Solis ita expressit Ouidius, secundo Metamorph.

— Nam Mulciber illic
*Aequora cælarat, medias cingentia terras.
 Terrarumq; orbem, cælumq; quod imminet orbi.
 Caruleos habet vnda deos, Tritona canorum.
 Terra viros, vrbsque gerit, syluâsque ferâsque:
 Fluminaq; & nymphas, & cætera numina ruris:
 Hac super imposita est cæli fulgentis imago,
 Signaq; sex foribus dextris, totidemq; sinistris.*

Mundi partes seu cardines sunt quatuor, Oriens, Occidens, & Meridies, Septentrioque. Ab oriente in occidentem statuitur mundi longitudo, & vice versa: à meridie ad septentrionem latitudo. Est verò rotundus, interiturus etiâ aliquando,

PHYSICORVM LIB. I.

quando, vnus tantum, atque finitus.

CAP. XII. De mundi figura.

Rotundum esse mundum, multæ eæque illustres ostendunt rationes, cœlum enim quasi circulum à terra quæ mundi cœtrum dicitur, æqualiter ex omni parte distare etiam oculis cerni potest, tum quod stellæ in oriente & occidente (quântum nebulæ non impediunt) eadem appareant magnitudine, tum quòd sensim in orbem circumagi nemo non videat. Aqua verò, quia per decliua fertur, & amplos terræ finus occupans, humilia complet, cōuexum cum terra efficit globum: quemadmodum item ad oculum demonstrant eclipses Lunæ, in cuius corpore cum deficit, Terræ & aquæ vmbra ad vnguem conuexâ figurâ refert. Hanc formâ Ouidius descripsit, sexto Factorû,

Terra pilæ similis, nullo fulcimine nixa,

Aëre subiecto, tam graue pendet onus.

Ipsa volubilitas subiectum sustinet orbem

Quiq; premat partes, angulus omnis abest:

Cumq; sit in media rerum regione locata,

Et tangat nullum plûsue minûsue latus,

Ni conuexa foret, parti vicinior esset,

Nec medium terræ mundus haberet onus.

Et quantum summis, tantum secessit ab imis

Terra, quod ut fiat, forma rotunda facit.

Aër denique & ipse quia terram ambit, intrâq; Lunæ concavum continetur, orbicularis est. Mundus igitur extra, intra, totus est in orbem globatus.

CAP. XIII. De mundi interitu.

Mundum æternum non esse, manifestè sequitur ex eo, quod sit corporeus: cum enim ex materia & forma constructus sit, ab alio conditus sit in temporis aliqua parte necesse est: eadêmq; ratione quicquid ortum in tempore habuit, aliquando intereat, sequitur. Mundus igitur vt initium habuit, ita corruptioni est obnoxius, cuius insigne testimonium est apud Lucam; Cœlum & terra transibunt: & apud Psalterem, Cœlum & terra peribunt & tanquam vestimentum veterascent atq; mutabuntur. Nec

sanè

sanè levis est coniectationis, mundum velut senio confectum ad interitum inclinare, quòd Sol nunc multò terræ propior sit, quam Ptolemæi & Hipparchi ætate; seu quod paulatim debiliior fiat, seu quod terram viribus exhaustam propiore situ foueat. Aer verò multis longo tēporum tractu vaporibus infectus sit & corruptus; Aqua item impuriior; Terra languescens & effœta; vnde & stirpium & hominum natura corrupta: nam pro eo quod illæ naturali humido quàm purissimo abundabant, nihil illis penè iam reliquum est, nisi terrena crassities cum exiguo humore nec eo in corrupto. Hominibus de vitæ longitudine & staturæ magnitudine decessit, & virtus imminuta est: primævis enim ad millesimum ferè annum vita producebatur; nostris sæculis vix pauci millesimum mensem attingunt; illi, vt gesta ipsorum & ossa post aliquot sæcula refossa ostendunt, in immensum crescebant: nos collati illis, nani sumus; adeoque iam à multis temporibus hominum degenerauit natura, vt Homerus id iam sua ætate depræhenderit. Adhęc etiam virtus languescit, euauit veterum cum candore coniuncta magnanimitas, & in perferendis laboribus tolerantia; multum imminuta est Gallorum vastitas & Germanorum robur: vt verissimum sit, quod Iuuenalis cecinit, satyra quintadecima:

Terra malos homines nunc educat, atque pusillos.

Omoia itaq; mundi senectâ testantur atq; ruinam; vt proximè ad verum accesserint veteres, velut Plato in Timeo, & cum secutus Cicero in Sōnio, cū vniuersi exustiones docuerunt; & primo Metamorphoseon Ouidius referat

— Affore tempus,

Quo mare, quo tellus, correptaq; regia cæli

Ardeat, & mundi moles operosa laboret.

Veniet enim tempus inquit Basilius, quando vniuersa conflagrabunt igne, vt Esaias asserit in oraculis Dei, Qui dicit abysso, deserta eris, & omnes fluuios tuos exsiccabo.

C A P. XIII. *Vnum tantum esse mundum.*

Quia verò extra, intra, cuncta mundus in se complexus est, & omnia eo ordine collocata, vt crassiora in-

C. iij.

fimo

fimo loco, media medio, perfectissima & maximè tenuia supremo contineantur, eaque rerum dispositio non admittat vllum graue crassumque corpus super materiem subtilissimam, hoc est, terram alterius mundi (si esset) super hoc nostrum cœlum constitutum esse: & quia vnus Deus seu primus motor vnum tantum condidit regitque mundum, neque de pluribus sacræ literæ loquantur, constat, Mundum vnum esse, nec plures.

C A P. XV. *De mundi magnitudine.*

ET si mundi magnitudo in vastam immensitatem se extendat, in infinitum tamen non excurrit; nam quod circulari motu statis vicibus circumfertur, manifestè demonstrat finitum esse, siquidem infinitum molem vigintiquatuor horis tam exiguo tempore adeo immensum spacium conficere posse impossibile sit. Tenendum ergo quicquid mouetur, finitum esse, nihilque infinitum in rerum natura extare: cæterum quod supra primum mobile est, sub hanc doctrinam non cadere.

C A P. XVI. *De motu mundi.*

Forma mundi eiusmodi est, Adiuncta eius sunt motus, locus, & tempus. Motus est progressio è loco in alium: estque duplex, simplex & mistus. Simplex est corporum simplicium circularis aut rectus. Circularis fit circa centrum, qualis est cœli: mouetur. n. ab ortu ad occidentem atque ab occidente per inferius hemisphærium rursus ad ortum perpetuò. Argumento insigni sunt *φανόμῆρα*, Solem & stellas omnes circumuolui per superiorem & inferiorem partem mundi: nocte namque serena, obseruata quæcunque stella in oriente horizonti propinqua, paulò post elatior videtur; mox altius ascendit, donec medium cœli sit assequuta; inde sensim iterum descendens, decliuis ad eundem horizontem fertur & disparet. Et ne quis de inferiori parte cœli dubitet, an eodem modo ibi in orbem agantur, constat stellas illas quæ nunquam nobis occultantur circa verticem cœli deferri, propinquis minorem, remotioribus maiorem sui ambitus circulum definièntibus. De Sole Ecclesiastes clarissimè testatur, Oritur sol, inquit,

ens, & occidit, & ad locum suum tendens ibidem oritur : & Psalm. 18. idem demonstratur his verbis ; Sol tanquam sponsus procedens de thalamo suo, exultat ut gigas ad currendam viam suam, ab extremo cœlorum egressus eius, & recursus eius ad extremum eorum ; quod & de cæteris eadem ratione intelligatur. Motus rectus est perpendicularis vel sursum vel deorsum . Sursum à medio fertur aer ; deorsum ad medium aqua ; & terra ; & grauia quæcunque ex his concreta sunt, quemadmodum leuia sursum. Mistus verò motus est animalium.

CAP. XVII. De Loco.

Locus est spacium rei locatæ ; cum videlicet aeris, aquæ, aut cuiusvis apti corporis extremæ partes ita rem quamlibet ambiunt, ut se ad eius formam ad vnguem accommodent. Huius loci axiomata sunt hæc ; Res omnes sensibiles, loco aliquo continentur ; Duo corpora eodem loco esse non possunt ; Corpus quoduis vnum tantum occupat locum. Differentiæ locorum sunt duplices, secundum altitudinem, sursum & deorsum ; secundum longitudinem & latitudinem, ante, pone : ad dextram sinistramue.

CAP. XVIII. Quid Tempus.

Tempus est duratio rerum præteritarum, præsentium, & futurarum, siue eæ æternæ sint, siue caduæ. Differentiæ temporum hinc tres sumuntur, præteritum quod iam fuit ; Instans momentum præsens, quo partes præteriti & futuri copulantur. Futurum quod erit & instans sequitur. Dicitur mensura motûs, quod eo motum metiamur, & ipsum perpetuo quodam fluxu moueatur, præterito elabente, & futuro instans semper subsequente. Ouidius decimo quinto Metamorph. in hunc modum :

Ipsa quoque assidua labuntur tempora motu

Non secus ac flumen, neque enim consistere flumen

Nec levis hora potest, sed ut unda impellitur unda,

Urgeturq; eadem veniens, urgetq; priorem :

Tempora sic fugiunt pariter, pariterq; sequuntur :

Et noua sunt semper, nam quod fuit ante, relictum est,

Filiq;

Fitq̃, quod haud fuerat : momentaq̃, cuncta nouantur.

Tempus præterea duplex est, perpetuum, & caducum seu temporaneum : Perpetuum quod fine caret, proprium est rerum incorporearum : estq̃, sine principio, vt Æternitas, quæ Deo solùm tribuitur: aut principiū habuit, & Æuum dicitur, qualis duratio dæmonum est & animi.

CAP. XIX. *De Die, & eius partibus.*

CAducum seu temporaneum est, quod & initium habet & finem : rebus hoc corporeis omnibus competit. Metimur hanc durationem à cœli & præcipuè solis conuersione, & sui generis nomine specialiter accepto tempus propriè dicimus. Eius partes plures sunt, vt Annus, mensis, dies, hora, & minutum : & quia eorum mensura fit Sol, ideo eum comitari & in regia ei astare finguntur : Ouidius secundo Metam.

————— *Purpurea velatus veste sedebat*

In folio Phæbus clavis lucente smaragdis :

A dextra, læuaq̃, dies & mensis & annus,

Sæculaq̃, & posite spacijs æqualibus horæ,

Verq̃, nouum stabat cinctum florente corona :

Stabat nuda æstas, & spicea ferta gerebat,

Stabat & autumnus calcatis sordidus vnis :

Et glacialis hyems canos hirsuta capillos.

Dies (hinc enim tanquam à cōmodiore sumatur initium) est spacium temporis quo Sol à puncto horizontis ab ortu in occasum & inde ad eundem terminum per hemisphærium inferius semel mouetur. Huius partes duæ sunt : dies dictus artificialis & nox. Dies artificialis est tempus quo Sol ab exortu ad occidētem reuolutus supra terram lucet. Distribuitur in partes quinque. Prima est ipsum Manè sole oriente, & vt Ouidius

Sole ferè radijs feriente cacumina primis.

Secunda est ortus seu antemeridianum tempus, Claudian.

2. De Rapru Proserp.

Dum matutinis præsudat Solibus aer.

Tertia est meridies, Ouidius diuersis locis

Dum calet & medio sol est altissimus orbe,

Et

Et facit exiguas iam Sol altissimus umbras:

Et Solex equo meta tum distat utraque.

Quarta est occiduum seu tempus pomeridianū, dum Sol à cœli fastigio ad occasum fertur. Ovidius undecimo Metamor.

Pronus erat Titan, inclinatioq; petebat

Hesperium temone fretum. —

Quinta dicitur suprema tempestas, cum Sol occasui propinquat: Ovidius sexto Metamorphoseon.

— Labor exiguus Phæbo cum restat, equiq;

Cum pulsant pedibus spaciū declivis Olympi.

Nox est tempus quo Sol ab occidente ad ortum infra terram mouetur, & terra sua umbra tenebras nostro hemisphærio obducit. Partes habet sex, prima est vesper & crepusculum nocturnum, cum sol iam occidit & lux est dubia: Ovidius quarto Metam.

Iamq; dies exactus erat, tempusq; subibat,

Quod tu nec tenebras, nec posses dicere lucem

Sed cum luce tamen dubiæ confinia noctis.

Secunda est prima fax vel conticinium, tenebris ingruentibus: Ovidius decimoquinto Metamorph.

— Seram pepulere crepuscula lucem,

Umbraq; telluris tenebras induxerat orbi.

Tertia, nox intempesta & concubia, cum omnes quieti se tradunt, & tempus rebus gerendis ultra non est idoneum. Virgil. secundo Æneidos.

Tempus erat, quo prima quies mortalibus ægris

Incipit, & dono diuinum gratissima serpit.

Et

Interea placidam redimira papauere frontem

Nox venit & secum somnia nigra trahit.

Quarta, media nox est; Sole apud Antipodas in meridiano existente, cum alta quiete omnia tenentur: decimo Metam.

Tempus erat quo cuncta silent, interq; Triones

Flexerat obliquo plaustrum temone Boates:

Et

Iamq; ferè medius Titan venientis & actæ

Noctis erat, spaciūq; pari distabat utrinque.

Quinta, gallicinium, mediæ noctis ad diem inclinatio: Man-

tuus

tuanus & Virgil. in Moreto.

Iam cecinit mediam volucris Titania noctem,

Excubitor q̄ diem cantu prædixerat ales.

Sexta & postrema dicitur diluculum, lucifer, & aurora: il-
lucescente paulatim die: secundo Metamorph.

— *Diffugiunt stellæ, quarum agmina cogit*

Lucifer, & cæli statione nouissimus exit.

Et sexto Metamorphoseon.

————— *Et solet aer*

Purpureus fieri, cum primum aurora mouetur,

Et breue post tempus candescere solis ab ortu.

Partes itaque diei artificialis sunt eiusmodi.

C A P. XX. De die longissimo & breuissimo.

CÆterum sub æquinoctiali existentibus, dies nocti &
nox diei semper est æqualis. Illis verò qui ultra ci-
trâque degunt, non item: nam quo quique remotio-
res sunt ab æquatore, eò solstitialem diem habent longio-
rem & noctem breuiorem: & diem brumalem vice ver-
sa: vt Arabibus & Fortunatarum insularum incolis dies
longissimus constat horis tredecim, nox vndecim: apud
Lusitanos quatuordecim, apud Germanos plerosque se-
decim, nox octo tantum: sub initio Zonæ frigidaë consti-
tutis dies est horarum vigintiquatuor: nox nulla (de die
verò longissimo intelligatur, qui semel singulis annis con-
tingit) Inde ad polum alijs dies solstitialis est mensis in-
teger, alijs vltioribus menses duo, tres, donec ad po-
lum ventum sit, vbi dies sex mensibus constat, nox itidem:
totidem enim mensibus Solem propter extremam sphæ-
ræ obliquitatem, super horizontem conspiciunt continuè:
totidemque eis postea occultatur infrà: atq; ita totus an-
nus vna tantum die & nocte constituatur. A solstitio dies
decrescunt, à bruma autem ad solstitium augescunt. In æ-
quinoctio dies noctibus in toto orbe æquantur.

C A P. XXI. De Horis.

Horæ sunt duplices, æquales & inæquales. Æqualis
ισμῆς est vicesima quarta pars diei naturalis: vt cum
dies

dies constet trecentis sexaginta partibus seu gradibus, quos sol motu diurno percurrit, hora quindecim constet: Eiusdem semper sunt quantitatis. Minutum est pars sexagesima horæ æqualis: numerantur enim sexaginta minuta in quamque horam. Hora inæqualis ~~æque~~ planetarum, est duodecima pars cuiusvis diei vel noctis: ut siue breuior dies sit seu longior duodecim semper constet horis: si longior est, horæ longius extendantur: si breuior, coarctentur: ut longissima dies apud Germanos licet sedecim horarum æqualium sit, inæquales tamen non plus duodecim habeat: quæ non sexaginta minuta, sed octoginta singulæ continent. similiter breuissima brumali die, quæ octo horis æqualibus perdurat, nihilominus duodecim inæquales numerentur: & tum quadraginta tantum minuta habeant. Dicuntur ergo inæquales, quod non sint semper eadem, sed ad diei cuiusvis quantitatem & ipsæ longiores sint aut breuiiores. Duodecim porro inæqualium horarum initium est solis exortus, medium vel hora sexta, meridies, finis vel duodecima, solis occasus: qui idem principium est primæ horæ noctis: media nox terminus sextæ, sol oriens duodecimæ. Priscis temporibus solæ in usu erant tam apud Græcos, Romanos, quàm Hebræos: unde Christi dictum: nonne duodecim sunt horæ diei? & quicquid de hora nona, sexta, tertia & undecima ibidem dicitur, de horis inæqualibus est intelligendum. Nunc illorum usus exoleuit.

CAP. XXII. De Mense.

Mensis est interuallum quo sol duodecimam partem Zodiaci peragrat, quod fit diebus triginta, horis decem cum dimidia: verum pro libitu illorum qui anni rationem emendarunt, dati sunt alijs mensibus triginta, alijs plus minusue. Numerantur duodecim: Ianuarius, Februarius, Martius, Aprilis, Maius, Iunius, Iulius, Augustus, September, October, Nouember & December. Ouidius primo Fastorum:

Martis erat primus mensis, Venerisq; secundus,

Hæc generis princeps, ipsius ille pater.

Tertius

Tertius à senibus, iuuenum de nomine quartus,

Quæ sequitur mænero turba notata fuit.

At Numa nec Ianum, nec a vitas præterit umbras,

Mensibus antiquis præposuitq; duos.

CAP. XXIII. De Anno.

Annus est tempus quo Sol totum Zodiacum perlu-
strat, seu à puncto verni æquinoctij incipiat, seu ab
alio quouis. Constat hoc interuallum diebus tre-
centis sexaginta quinque, horis quinque, minutis primis
quadraginta nouem, & secundis sedecim. De hoc numero
à Iulio Cæsare constituto, Ouidius tertio Fastorum,

Is decies senos, tercentum & quinque diebus

Iunxit, & è pleno tempora quarta die.

Partes anni sunt quatuor, Ver, æstas, autumnus, & hyems;
quibus singulis terni menses attribuuntur. Quoniam ve-
rò à vicinitate & longinquitate solis dependeant, eædem
partes non sunt eodem tempore apud omnes: nam sole in
septentrionali cœli parte morante, boreales ver habent &
æstatem, australes autumnum & hyemem: dum in meri-
dionali regione versatur, borealibus est tempus autumnale
& hyemale: australibus vernale & æstiuale. Nobis igitur
septentrionalibus Ver est mense Martio, Aprili, & Ma-
jo, Æstas Iunio, Iulio, & Augusto. Autumnus Septembri,
Octobri, Nouembri: hyems Decembri, Ianuario & Fe-
bruario. Meridionalibus vernum tempus est mensis Sep-
tember, October, Nouember; Æstiuum December, Ianu-
arius, Februarius, Autumnale, Martius, Aprilis, Majus;
hybernum Iunius, Iulius & Augustus. Is autem qui in me-
dia terræ plaga sunt sub æquatore, quod solem semper ha-
beant vicinum, nec tantum ab ipsis elongetur, duplex vno-
quoque anno æstas est, duplexque hyems, bis nam-
que solem habent propinquum; bis item a-
liquantulum longinquum. Prior æstas
est circa mensem Martium, poste-
rior in Septembri: hyems
altera mense Iunio,
altera Decēbri.

PHYSICORVM

LIBER SECVNDVS

DE ASTRONOMIA.

CAPVT I. *Quid Cælum?*



EXPLICATIS Mundi forma & affectionibus, deinceps de corporum quæ in se complectitur diuersitate est dicendum. Corpus itaque duplex est: simplex atq; mistum. Simplex est quod est materia & forma simplici constat, cuius duo sunt genera, constans aliud, aliud inconstans. Constans est quod eadem forma perpetuò perdurat, nullamque mutationem recipit: vt regio cœlestis. Cælum est pars mundi constans, tenuis ac perlucens: eodem sensu Æther dictum. Atque de mundi hac nobilissima regione, vbi omnia æterna firmaque lege, æquabili motu, miròque ordine mouentur, est scientia Astronomia, ingenuorum contemplatione dignissima, meritòque illæ censentur

Felices animæ quibus hæc cognoscere primum

Inq; domos superum scandere cura fuit.

Credibile est illos pariter vitijq; iocisq;

Alius humanis exeruisse caput.

Non Venus & vinum sublimia pectora fregit,

Officiūq; fori, militiæq; labor.

Nec leuis ambitio, perfusaq; gloria fuco,

Magnarūque fames sollicitauit opum.

Admouere oculis distantia sidera nostris,

Æthera q; ingenio supposuere suo.


Ne quoque sub ducibus cælum metabimur illis.

CAP. II. *De cælorum ordine.*

Cœlum in plures sphæras est distinctum: statuuntur namq; sphæræ cœlestes octo, conspicuæ, quibus præterea primum mobile incumbit. Sūt verò sibi inuicē

ita

ita contiguæ, vt superior semper inferiorem in sese vnde-
quaque conclusam contineat, non secus atque in ouo gal-
linaceo luteum, albumen & putamen alterum ab altero
complexum tenetur.



Sunt autem hæ, sphæra Lunæ prima, Mercurij secunda,
Veneris tertia, quarta Solis, quinta Martis, sexta Iouis, sep-
tima Saturni, & octaua quæ Firmamentum in Biblijs di-
citur: hi orbes oculis omnes sunt obuij, & continent infe-
riores septem singuli singulas tantum stellas, octauus reli-
quas omnes. De ordine veteribus philosophis non consti-
tit, donec Ptolemæus suis obseruationibus & demonstra-
tionibus rem vniuersam expedit: tametsi è septem infe-
rioribus aliâ aliam superiorem esse nullus dubitarit vnquã:
& Aristoteles 2. Cælo. 12. referat se vidisse Lunam Martis
stellam

stellam planè subiisse & occultasse.

CAP. III.

De Circulis Sphericis.

VT autem situs stellarum & motus cœli, omnisque astrorum scientia facilius tradi queat, cœlum totum in certas partes circulis ceu limitibus quibusdam est distinctum: qui etsi in cœlo reuera non sint, tamen ad siderum cursus inuestigandos temporumq; rationem habendam utiliter ab Astronomis sunt excogitati. Primum autem puncta seu cardines circum quos Mundi sphaera voluitur, immoti constituuntur, quos Polos dicunt siue vertices: lineam eam quæ rectâ ab vno polo per centrum terræ ad alterum fingitur, Axim, quod circa eam cœlum velut rota circa axim vertatur. Est ergo axis inter vtrunque polum, & poli sunt axis extremitates. Poli duo ergo sunt, Arcticus ad septentrionem, Antarcticus ad meridiem. Ouidius sexto Fastorum:

Nam duo sunt; austris hic est, aquilonibus ille

Proximus: à vento nomen vterq; tenet.

& Vergilius primo Gergicon.

Hic vertex nobis semper sublimis, at illum

Sub pedibus Styx atra videt, manesq; profundi.

Porro circulus omnis in quatuor æquos quadrantes diuiditur, & in trecentas sexaginta partes vel gradus, quorum singuli quadrantes continent nonaginta: qui quater nonagena gradus simul additi constituunt trecentos sexaginta.

CAP. IIII.

De Aequinoctiali, & Coluris.

SVnt autem circuli duplices, fixi & mobiles: Fixi qui certis locis in cœlo imaginantur, & ubiq; terrarum sunt iidem, diuiduntur in maiores & minores. Maiores sunt qui globum in duas partes æquales secant: partimq; carent latitudine, vt Aequator, & Coluri, partim ea constant, vt, Zodiacus. Aequator, æquinoctialis, æquidialis, *ionuæivôs* circulus est qui medio loco inter vtrūq; mūdi polum situs, ab eis æqualibus vndequaq; spacijs distat: ad huius normā reliqui fermè omnes circuli diriguntur: sub eo cum Sol decurrit, æquinoctium est in toto orbe. Coluri duo sunt, alter

D.

æquino-

æquinoctiorum, alter solstitiorum, qui in utroque polo sese rectis angulis, æquatorem verò in quatuor æquales quadrantes diuidunt.

CAP. V. De Zodiaco.

Latitudine constat signifer siue Zodiacus. Est autem circulus mundi sphaeræ obliquè obiectus, qui æquatorem super coluro æquinoctiali secat, & ab eodem æquatore super solstitiorum coluro, altero hemicyclio in septentrionem altero in austrum deflectit viginti tribus gradibus cum semisse: sed hæc distantia secundum Solis motum variat, nec semper est eadem. Habet polos suos peculiare à mundi verticibus eadem distantia disitos: & axem quoque, qui axem mundi eodem centro acutis angulis persecat. Zodiaci latitudo sedecim est graduum, licet veteribus tantum esset duodecim. Per eius medium linea transit, quæ Ecliptica dicitur, quod sub ea si Sol & Luna concurrant, Eclipses contingant; ab ea ad extremitatem latitudinis Zodiaci latitudo est utrinque octo graduum. Latitudo hæc Zodiaco tribuitur, quod dum planetæ sub eo vagantur, hinc inde ab ecliptica deflectent: Sol tamen ab ecliptica quæ media via est Zodiaci nunquam deniat. Diuiditur secundum longitudinem in quatuor quadrantes, & singuli quadrantes in signa terna quæ *signa zodiacalia* dicuntur, quorum vnumquodvis triginta gradus habet in longitudine: atque à stellarum quæ in eo visuntur effigie denominatur. Primi quadrantis quia sectione æquatoris ad colurum solstitiorum in aquilonem extenditur, signa hæc sunt, Aries. ♈. Taurus, ♉. Gemini, ♊. secundi quadrantis à coluro solstitiorum ad alteram sectionem æquatoris sunt Cancer, ♋. Leo, ♌. & Virgo, ♍. Tertius quadrans qui est ab eadem sectione versus meridiem ad colurum solstitiorum continet Libram ♎. Scorpionem ♏. & Sagittarium, ♐. quadrans quartus ab hoc coluro statuitur ad æquatorem signis Capricorni ♑. Aquarii ♒. & Piscium ♓. Atque ex hisce duodecim signis quatuor quæ initio cuiusque quadrantis sunt, cardinalia vocantur, quod suo principio quatuor cœli puncta cardinalia notent, duo æquinoctialia Aries & Libra, solstitiale Cancer, & brumale Capricornus.

CAP. VI. *De Tropici & Polaribus.*


Minores circuli sphaeram in segmenta inæqualia dispescunt, & æquinoctiali sunt paralleli: duplices item sunt, tropici & polares. Tropici duo sunt, Canceri & Capricorni. Tropicus Canceri siue æstiuus est circulus æquatori ad septentrionem parallelus, distantia viginti trium graduum & semissis: describitur à puncto solstitiali eclipticæ vna mundi conuersione. Tropicus Capricorni vel brumalis illi est eodem situ & interuallo ab æquatore versus meridiem oppositus. Polares itidē duo sunt: prior Arcticus, circum mundi septentrionalem polum, distantia eadem qua tropici ab æquidiali distant, & à polo Zodiaci, mundi motu describitur. Antarcticus alter polaris circulus similis circum polum meridionalem.

CAP. VII. *De Horizonte.*

Circuli mobiles sequuntur, horizon & meridianus, qui non vt priores statim & fixi sunt sed pro locorum diuersitate alij atque alij: ideo nec cœlo infiguntur. Horizon est circulus à puncto verticis nostri æqualiter distans, & superius hemisphaerium conspicuū ab inferiori non conspicuo dirimens. Latinis dicitur finitor. Cuius loco proprius est, & secundum longitudinem latitudinēue locum mutanti subinde alius. Diuidit mundum in duas æquales portiones. Nam loco editiore & plano existenti cœli medium totum est cœspicuum: sexq; signa Zodiaci super terram perpetuò exhibet, totidēmq; infra occultat cum altero hemisphaerio. Polos habet suos, vnum directò super caput nostrum, quod punctum verticale vocant, & arabicā voculā, Zenith: alterum huic ad perpendicularum infra terram oppositum, Nadir. Sub æquinoctiali constitutis horizon est rectus, quod cum ipso æquatorū angulos sphaericos rectos conficiat: eisq; mundi polus yterq; in horizonē visitur: sed vltra citraq; constitutis obliquus est: & alteruter polus supra horizontem exurgit, alter delitescit. Superius hemisphaerium antiquitas Veneri dicauerat, inferius Proserpinæ.

CAP. VIII. *De Meridiano.*

Meridianus denique est circulus per polos mundi & horizonis ductus, qui ipsum horizontem rectis angulis in partibus boreali & australi perlecat. Mutatur locum secundum longitudinem varianti: ut alius est meridianus Hierosolymis, alius Romæ: & quoniam triginta circiter gradibus (quorum quindecim in cœlo horam constituunt) illæ vrbes à seinuicem secundum longitudinis situm distant, meridiei differentia est duarum horarum: ut quæ Hierosolymitanis est duodecima, Romanis sit decima, Eademque ratione in Italia Sol duabus horis tardius oritur, quàm in Palæstina. Similiter Viennæ Austriæ & Augustæ Vindelicorum meridiei distantia est



semihoræ;

semihoræ: Augustæ & Friburgi in Helvetijs horæ quadrantis. Euntibus verò rectà versus meridiem vel boream, Zodiacus mutatur quidem sed meridianus idem manet: ut Venetijs, in Gotia septentrionali, & Carthagine meridionali, eadem hora est meridies: sic & Parisijs & Maiorica incolis.

Sphæram cum suis circulis hîc depictam in plano utcunque vides. vbi A polus arcticus. B polus antarcticus; A B recta linea, axis. C D æquator. A B colurus æquinoctiorum: A E B F colurus solstitiorum, E L, Zodiacus cum media linea ecliptica. G H tropicus Cancrî, K L tropicus Capricorni, M N circulus arcticus. O P. circulus antarcticus. Q R, horizon, & extremus A C B D, meridianus.

C A P. I X. *Quid Stella.*

IAm quoniam imaginaria illa præmisimus, quæ ad sequentium intelligentiam faciebant, res ipsæ considerandæ sunt, orbium cœlestium scilicet partes infixæ, ut sunt stellæ, & motus. Stella est globus in cœlo densior lucidus. Corpus stellæ cuiusque ex simplicissima & cœlo simili materia coagmentata solidatum est in orbicularem figuram: licet nobis ob nimiam distantiam planum videatur: cœloque ita infixum est, ut immotum persistat, nec nisi cum sua sphæra tanquam vehiculo moueatur. Condita verò sunt stellæ à Deo & in cœlum locatæ ut sint in signa & certa tempora, diēsque: ut sua videlicet vi omnia inferiora vegetent, foveantque & sua luce perlustrent.

C A P. X. *De stellis fixis.*

Stellæ sunt duplices, Fixæ & erraticæ seu planetæ. Fixæ dictæ sunt inerrantes quæ eodem intervallo ab invicem distant, & alia ab alia nunquam longius recedit aut propius accedit: utque quævis ab initio locata fuit, ita eundem locum eandemque à vicinis distantiam servat. Harum sphæra est Firmamentum in quo omnes cum maiores tum minores continentur dispositæ: suntque inerrantes omnes quæcunque serena nocte in cœlo conspiciuntur, præter paucos planetas.

CAP. XI.

De stellarum fixarum numero.

Etsi secundum psaltem, solus Deus sit cui stellarum numerus notus est, quique earum multitudinem numeret, partim fortassis quod quædam tantæ sint exilitatis, ut nulla oculorum acie à terra cerni, ob idque nec numerari queant, partim quod non omnes eadem in regione appareant; multa namque in Nouo orbe etque illustres & splendore & magnitudine conspiciuntur, ut Lusitanorum historiae referunt: Mathematici tamen diligentiores plurimas quæ visu & effectui insignes sunt annotauere, quarum tradunt in vniuersum mille viginti duas.

CAP. XII.

De stellarum magnitudine.

O immensam distantiam stellæ quidem minutissimæ apparent, sua tamen mole terram multis partibus excedunt. Sed magnitudo est inæqualis, ideoque sex earum perhibentur differentiæ. Primæ magnitudinis stellæ cæteras splendore omnes vincunt, terraque maiores sunt centies septies: Secundæ magnitudinis quæ sunt, terram exuperant octogies septies. Tertiæ differentiæ, excedunt terram septuagies bis. Quartæ, sunt terra maiores quinquagies quater & semisse. Quintæ excedunt terram tricies semel. Sextæ differentiæ quæ sunt minimæ superant terræ magnitudinem paulò plus decies octies: adeo cœlestia omnibus modis terrenis præcellunt.

CAP. XIII.

Quid sidus?

Stellarum multitudo in certas delineationes est digesta: atque vicinæ quæque in singula sunt schemata reductæ, quæ sidera dicuntur. Est autem sidus pluriū stellarum vicinarum certa ratione ab alijs distinctarum effigies: quæ & signum vocatur, & *χῆμα ἀστερισμοῦ* vulgò constellatio. Numerantur in toto cœlo sidera quadraginta octo, quæ ex nota figurarum similitudine animantium aliarumque rerum nomina sunt sortita: eam denominationem antiquissimam esse testantur sacri prophetae, veteresque poete: nam libro Iob (cuius historia in Iacob patriarchæ tempo-

ra incidit) & Amos, mentio fit Arcturi, Orionis, Hyadum & interiorum Austri: Luciferi quoq; & Hesperii: præterea Homerus & Hesiodus eadē illa memorant, & Sirius insuper. Siderum cognitione multum vti sunt apud veteres nauē dirigendo nauium cursu: ita Aratus in Phænomenis & Ouidius tertio Fastorum,

*Esse duas Arctos, quarum cynosura petatur
Sidonys helicen Graia carina notet.*

qua de causa plurimis astris nomina indiderunt, ut est primo Georgicon apud Virgil.

*Nauita tum stellis numeros & nomina fecit.
vtunturq; adhuc cynosurae regimine Tartari.*

CAP. XIII. De sideribus septentrionalibus.

Sidera omnia certo constant stellarum numero, præter vnā Galaxiam: partimq; extra Zodiacum sita sunt, partim in Zodiaco: illorum quædam ad septentrionē, quædam ad meridiem. In septentrionali regione sunt vnū & viginti, quæ in stellata noctis claritate adiunctis Astrorum tabulis aut globo cœlesti facile inuestigari possunt.

Primum ac scitu vtilissimum est Vrsa minor, *καὶ ὀρεγ.* & plaustrum minus, asterismus polo septentrionali proximus,



septem stellis in modum plauſtri formatus: quarum quæ in extremitate caudæ eſt tertiæ magnitudinis ſatis lucida, ſtella Polaris dicitur, quod tantum quatuor gradibus à polo mundi diſtet. Eam ita inuenies: Per plauſtri maioris (quod ex nota forma facile cognoſces) poſteriores rotas verſus polum rectâ lineam imaginando, occurreret vnicæ ſtella præ cæteris conſpicua, minor tamen rotis maioris plauſtri, ea eſt quæ dicitur polaris, Tartariſ Seles nikol, quaſi ferreus clauus.

I I. Vrsa maior, ἑλκνὴ, ἄρκτος μεγάλη, ſidus vaſtum eſt, ſtellis conſtat viginti ſeptem, quarum ſeptem lucidiores ſecundæ magnitudinis verſus polum, plauſtrum maius vulgò vocantur, græcis ἀρκτα. Vtraque vrsa Arctos dicitur & Septentrio à ſeptem ſtellarum numero. His duobus cognitis reliqua abſque vlla difficultate indagare licet,

I II. Draco, anguis; tortuoſam inter vtramque vrfam porrigit caudam. Virgilius primo Georgicorum

Maximus hic flexu ſinuoſo elabitur Anguis,

Circum, perque duas in mœrem fluminis Arctos.

Stellas habet triginta circiter, occurrîtque duabus ſtellis tertiæ magnitudinis ab altera poſteriore rota plauſtri maioris iuxta minoris poſterioſſimam rotam producta linea.

I III. Cepheus obſcurum ſidus eſt pone cynoſuram & draconem, ſtellis duodecim.

V. Bootes, Arctophylax vrfam ſequitur maiorem, inde dictus

— *Cuſtos Erymanthidos Vrfæ.*

Et

Arctophylax formam terga ſequentis habet.

Eum cauda Vrfæ maioris quaſi digito monſtrat: ſtellas habet circiter viginti. De eo Ouidius 2. Metamor. in incendio Phaetontis

Te quoque turbatum memorant fugiſſe Boote

Quamuis tardus eras, & te tua plauſtra tenebant.

Inter huius crura, lucida ſtella primæ magnitudinis conſpicitur, Arcturus dicta, ſplendore eximio notabilis.

VI. Corona borealis, στέφανος βόρειος, ſtellas habet octo ſemicirculi forma, licet Ouid. 3 Faſtor. de Corona Ariadnes

nouem

nouem numeret.

— *Gemmasq, nouem transformat in ignes
Aurea per stellas nunc micat illa nouem.*

inter Bootem, Herculemque sita est.

VII. Hercules, Ἡρῆς, in genua curuatus, per caudam Draconis ad æquatorem tendenti sit obuiam, stellis viginti octo, altero pede draconis capiti innitens, altero bootis.

VIII. Lyra, Vultur cadens, stellis constat decem; inter quas lucidissima est primæ magnitudinis in ore; eam linea ab Arcturo per coronæ lucidam ad ortum protensa attingit.

IX. Olor, Auis, Cygnus, & Vultur volans, stellas habet septemdecim, lyræ ad ortum adiacet, clavis stellis in formâ longiusculæ crucis conspicua, quarum quæ in cauda, cæteris splendidior secundæ est magnitudinis.

X. Cassiope, κασιόπεια, continet stellas tredecim; à prioribus maioris plaustris rotis per stellam polarem descendentem occurrit, tribus stellis clarioribus insignis, cum quibus noua illa quæ superioribus annis visa est, figurâ rhomboidem constituebat.

XI. Perseus fulget stellis sex & viginti, inter quas duæ sunt illustriores secundæ magnitudinis, earumque australior Caput Medusæ Gorgonis dicitur: obuiam sit ab extremis vrsæ minoris stellis per polarem subter Cassiopeam ad austrum spectanti.

XII. Auriga, ἄρως, Erichonius, constat stellis quatuordecim, duabus maximè splendentibus altera humeri dextri secundæ magnitudinis, altera primæ, quæ humero infidet læuo, quæ Capra, αἴξ dicitur: duæ verò obscuriores quæ infra eam lucent, Hædi, ἱεῖφοι vocantur. Obiectum est hoc sidus vrsæ maiori ad austrum, Perseo ad ortum, vt linea per posteriores cynosuræ stella proiecta ostendit.

XIII. Serpentarius, Anguifer, Æsculapius (sexto Fastorum apud Ouidium) ὄφις, stellas possidet viginti quatuor, herculi versus Zodiacum subiectus.

XIII. Serpens, ὄφις ὀφίτης, serpentariū cingit per mediū,

D.v.

capite

capite ad coronam, cauda ad aquilonem porrecta, stellas continet decem & octo.

xv. Sagitta. Telum $\sigma\iota\gamma\epsilon\varsigma$, stellis minutis quinque protenditur infra olorem.

xvi. Aquila, $\alpha\epsilon\tau\epsilon\varsigma$, stellarum est nouem; quarum vna inter tres alias lucidas secundæ est magnitudinis, quam linea à prioribus maioris plaustris rotis per lucidam lyræ longiusculè ducta ostendit.

xvii. Delphinus $\delta\epsilon\lambda\phi\iota\iota$, aceruo decem stellarum splendet; aquilæq; ad ortum adhæret, & à polari stella per clariorem oloris tendenti fit obuius: Ouidio nouem tantum habet stellas; ait enim secundo Fastorum:

——— *Astris delphina recepit
Iupiter & stellas iussit habere nouem.*

xviii. Hinnulus, sectio equi, $\omega\epsilon\rho\tau\omicron\mu\eta\iota\pi\pi\omicron\upsilon$, quatuor stellulis inter delphinum & pegasus situs est.

xix. Pegasus, equus alatus, $\iota\pi\pi\omicron\varsigma$, sidus viginti stellis clarum, quatuor secundæ magnitudinis quadrangula figura conspicuis; quas linea à prioribus rotis plaustris maioris per mediam cynosuram ducta monstrat. Ouidius & hic stellarum numerum imperfectum habet: dum ait tertio Fastorum:

*Nunc fruitur cælo, quod pennis ante petebat,
Es nitidus stellis quinque decemq; micat.*

xx. Andromeda continet stellas tres & viginti, ante Cassiopeam versus meridiem locata: præter tres clariusculas stellas obscurum sidus.

xxi. Trigonum $\delta\epsilon\lambda\tau\omicron\tau\omicron\upsilon$ stellis constat quatuor; quæ à stella Capellæ per caput Medusæ visum ad occidentem dirigenti occurrunt.

CAP. xv. De sideribus meridionalibus.

Australia sidera quæ ad meridiem conspiciuntur sunt quindecim, Primum est Cetus, stellarum duarum & viginti numero: eum linea longior à polo per Cassiopeæ & Andromedæ asterismos ultra Zodiacum extensa ostendit.

ii. Orion, $\alpha\epsilon\lambda\iota\omega\varsigma$, antiquis $\epsilon\epsilon\iota\omega\varsigma$ splendore omnibus longè superior

Superior, lucet stellis triginta octo, quarum una in dextro humero primæ magnitudinis est, altera in læuo secundæ: vterius item tres secundæ magnitudinis sunt, quæ Zona vel cingulum Orionis, vulgò Baculus Iacobi dicuntur suo ordine quo ad ortum vergunt oblique, satis notæ: his præterea australior alia est & lucidior, quæ pedem finistram constituit: occurrit verò à polari per capellæ stellam in austrum tendenti.

II. Eridanus fluuius, stellas habet triginta quatuor, inter Orionem & cetum flexuosus in vteriora austri effluit, vbi lucida stella primæ magnitudinis conspicitur.

III. Lepus, λεγώς, duodecim stellis constat sub pedibus Orionis.

V. Canis maior, κύων, habet duodeviginti stellas, quarum lucidissima in ore primæ magnitudinis Sirius dicitur, & canicula; splendore pallido sed copioso & plurimum micante insignis. Virgil quarto Georgicon:

*Iam rapidus torrens sitientes Sirius Indos
Ardebat cælo. —*

Eum attingit linea à sinistro humero per Zonam Orionis ducta.

VI. Canis minor, μεγέκυων stellis constat duabus, altera lucida secundæ magnitudinis, quam monstrat linea per vtrūque Orionis humerum ad ortum protensa.

VII. Argo naus, quadraginta quinque stellarum numero clara est: earum australior in temone cæteris clarior Canopus κενώλος vocatur, conspicitur à dextro humero Orionis per Sirium in austrum tendenti.

VIII. Hydra, viginti quinque stellas continet, earum lucida in ventre secundæ est magnitudinis. Tendit à canicula in ortum vsq; ad Centaurum, cauda paululum in austrum declinante.

IX. Crater, stellis constat septem obscuris in medio dorso hydræ, vt ostendit linea à polo per priores maioris plaustrum rotas versus meridiem producta.

X. Coruus, habet itidem septem, situs est in cauda hydræ: obuiam fit à cingulo Orionis per Sirium ad orientem descendenti.

XI. Cen-

x i. Centaurus, Chiron stellis lucet trigintaseptem: quæ
linea à polo per arcturum vltra Zodiacum extensa osten-
dit. Ouidius quinto Fastorum

————— *Promet sua sidera Chiron,*

Semiur & flauî corpore mistus equi.

x ii. Lupus, bestia quam centaurus tenet, *Ἰνέριον* vndeui-
ginti habet stellas; illique ad ortum cohæret.

x i i i. Ara, Thuribulum, *Ἄλυστρον* constituitur septem
obscuris stellis, subiacet serpentario ad meridiem, non lon-
gè à cauda Scorpionis.

x i i i i. Corona austrina, *Στέφανος νότιος*, constat tredecim
stellis: lineâ à polo per lucidam lyræ trans sagittarium du-
cta conspicitur.

x v. Piscis austrinus, *Ἰχθύς νότιος*, stellas continet duode-
cim in eius ore clarior primæ magnitudinis est, sed huic
asterismo non connumeranda: pertinet enim ad aquarium
& est extrema aquæ ab eo effusæ Piscem linea à lucida ly-
ræ per delphinum & aquarium proiecta monstrat. De eo
Quidius tertio Fastorum:

Conditus à geminis piscibus alter erit.

Nam duo sunt, austris hic est, aquilonibus ille

Proximus, à ventis nomen uterque tenet,

C A P. x v i. De signis Zodiaci.

SYdera quæ extra Zodiacum visuntur, sunt eiusmodi:
sequuntur duodecim signa quæ in Zodiaco constituta
sunt & dodecatemoria efficiunt. Horum sex ab æqua-
tore ad septentrionem vergunt: totidemque ad meridiem.
Borealiū primum est Aries, *Ἀεὶς* tredecim stellarum ef-
figie; quarum tres in cornibus clariuscule sunt & notio-
res; quæ per duas borealiores earum quæ in Pegaso tra-
pezion efformant ad ortum lineam ducenti occurrunt.

i i. Taurus cōstat stellis duabus & triginta, quarum quin-
que in fronte lucidæ, hyades & succulæ dicuntur: de qui-
bus ita Ouidius quinto Fastorum:

Nauita eas Hyadas grauius ab imbre vocat.

Earum maxima, Oculus tauri, Pallilicium *λαμπάνας* voca-
tur. Sunt verò & aliæ septem in humero, exiguæ sed sua si-

bi propinquitate conspicuæ & apud autores multum celebres, Vergiliæ dictæ & Pleiades, sidus hoc inter Perseum, Erichthonium & Orionem situm iacet.

III. Gemini *Νεμιοι* habent stellas octodecim; in utriusque capite singulæ sunt clariores secundæ magnitudinis; quarum occidentalis Castor dicitur & Apollo, orientalis Pollux & Hercules: ostendit eas linea per humeros Erichthonij in ortum deducta: stella illa quæ in priori Pollucis pede est, *πρότερος* appellatur.

IIII. Cancer, obscurum sidus, nomine magis quam splendore notum, stellas continet nouem, quarum nebulosam in pectore, Præsepe, *πρόστυλον* vocant, habet & iuxta duos Assellos situm est inter geminos & leonem. Ouidius decimo Metam.

*Aestius erat, mediûsque dies, solisque vapore
Concaua littorei feruebant brachia Cancrî.*

V. Leo lucidum & ingens sidus, stellis septem & viginti clarum: duas secundæ magnitudinis habet in dorso: & duas primæ, alteram in cauda, alteram lineæ eclipticæ proximam in pectore quæ Cor leonis & Regulus vocatur. Hanc monstrat linea ducta ab extrema rota cynosuræ per priores plaustri maioris rotas: illam linea à polo per eadem rotas. Totus sub vrsa maiore visitur.

VI. Virgo, Erigone, Ceres, Astræa habet stellas viginti & octo: harum quæ in dextra ala est borealior, Vindemiator; & quam sinistra manu tenet lucida primæ magnitudinis Spica dicta est. sidus hoc sub Boote est. Spica nota est ex triangulo quod cum Arcturo & cauda Leonis æqualibus penè interuallis constituit.

Australia sunt hæc: VII. Libra, *Χηλæ*: stellas habet octo; inter quas duæ sunt secundæ magnitudinis. Eam attingit linea à polo per coronam borealem extensa.

VIII. Scorpius constat stellis viginti & vna, quarum quæ inter duas media elucet secundæ magnitudinis in pectore, dicitur Cor scorpij: postquam stellæ satis lucidæ caudæ recurvæ vertebrae exprimunt. Infra Ophiuchum situs est, & occurrit longiore linea à maiore plastro per coronam & anguis collum producta. Verustiores huic signo
geminum

geminum tribuebant spacium; atque ex Libra & isto vñ
num tantum constituebant: ideoque Virgilius in prin-
cipio primi Georgicon hac occasione Augusto Cæsari
blanditur:

*Anne nouum tardis sidus te mensibus addas,
Qua locus Erigonen inter, Chelafq; sequentes
Panditur, ipse tibi iam brachia contrahit ardens
Scorpius, & cæli iuncta plus parte relinquit.*

Itaque Libram dicebant priorem partem Scorpij; vt tertio
Fastorum:

Scorpius à prima parte videndus erit.

Sed hæc clarius habentur secundo Metam.

*Est locus in geminos ubi brachia concuunt arcus
Scorpius, & cauda flexis utrinq; lacertis
Porrigit in spacium signorum membra duorum.*

x. Sagittarius habet stellas vnā & triginta: in altero
priorum pedum vnā secundæ magnitudinis: cernitur li-
nea à polari stella per lucidam lyre ducta.

x. Capricornus, complectitur viginti octo stellas: eius
cornua sunt obuia à lyra per aquilam in austrum descen-
denti, duæ in cauda ab eadem lyra per delphinum.

x i. Aquarius, Ganymedes viginti quatuor continet stel-
las; extremam fusionis aquæ primæ magnitudinis in ore
piscis austrini reperies. Ouidius secundo Fastorum

*Iam puer Ideus media tenuis eminet aluo,
Et liquidas misto nectare fundit aquas.*

Eum linea à postremis cynosuræ stellis per oloris splendi-
dam extensa ostendit.

x ii. Pisces duo longa fasciola sunt connexi: in eorum fi-
dere stellæ numerantur triginta quatuor: alter orientali-
or inter Andromedam & Arietis cornua est; alter occidentali-
or trapezio Pegasi ad meridiem adiacet. Ouidius secundo
Fastorum:

*Iam lenis obliqua subsedit Aquarius urna,
Proximus ætherios excipe Piscis equos.
Te memorant fratrem esse suum, nam iuncta micatis
Sidera ———*

Atque hæc sunt sidera omnia adhuc nota: sunt porro stelle
com-

complures aliæ, extra signorum peripheriam sitæ, quæ Informes, ἀμορφῶται vocantur, quòd ad siderum formationem non pertineant, quarum illæ quoque ex numero sunt, quæ inter caudam Leónis & plaustrum maius Coma Berenices vocantur.

CAP. XVII. De Galaxia.

Refertur quoque ad siderum historiam Galaxia, quæ & Via lactea, & γαλακτικός κύκλος. Ea est congeries minutissimarum stellarum nebuloso lumine collucens, quæ obliquo tractu cinguli modo cœlum ambiunt. Vulgus Viam sancti Iacobi vocat. Zona est latitudine & lumine inæqualis. Ab olore ad ophiuchum est gemina; sed in æquatoris circulo altera pars deficit: altera perpetua est; incipiensq; ab eodem cygno, per aquilam transit & Zodiacum in extrema parte Sagittarij persecat: inde in meridiano hemisphærio per aram, pedes centauri, nauémq; Argo inter vtrunq; canem porrecta ad Zodiacum rediens, ipsum in sectione solstitiali per geminorum pedes diuidit, atque sub capella per dexteram Persei partem & Cassiopeæ asterismum ad cygnum reuertitur. Eam Ouidius primo Metamorp. in hunc modum describit.

*Est via sublimis, cælo manifesta sereno,
Lactea nomen habet, candore notabilis ipso,
Hæc iter est superis ad magni iectæ tonantis.*

CAP. XVIII. De Planetis.

Inerrantibus stellis, Planetæ succedunt, erronei seu erratici dicti, quod peculiari motu ambagibus pluribus per signiferum vagentur. Sunt autem septem, qui distinguuntur in Luminaria, φῶτα; & minores ἀστέραις. Luminaria duo Sol & Luna sic dicta, quod ipsorum lumine omnia illustrentur; Sole interdiu lumen ministrante, & Luna noctu lucente.

CAP. XIX. De Sole.

Sol fons & autor est lucis, mens mundi, cor cœli, dux & princeps moderatôrq; reliquorum luminum, & ut apud Ouidi-

Ouidium quarto Metam. de se ait;

Ille ego sum qui longum metior annum

Omnia qui video, per quem videt omnia mundus,

Mundi oculus —————

veteribus nomine Phœbi, Apollinis, alijsque infinitis (vt Macrobius fusè demonstret) appellatus; Græcis ἥλιος. Candidus est; magnitudinis tantæ, quanta astrorum maximo competit; terræque maior secundum Ptolemæum centies, sexagies sexies: sed secundum recentiorem Copernici obseruationem centies, sexagies, bis, tantum.

C A P. X X. De Luna.

L Vna, σελήνη, ἢ σελήνωϊα, Iuno Lucina, & Diana dicta; citima terris, lumen nocturnum; sua inconstanti varietate Pana & Endymionem longo tempore in suæ naturæ admiratione captos detinuit. Corpore constat solido sed inæquabili, alibi rariore, alibi densiore & compactiore: ob id nec à Sole tota simul illuminatur, sed tantum ea globi medietate quam ad eum conuersam habet; quod radij densitate obstante totum corpus penetrare & illustrare nequeant; neq; etiam lumen æqualiter vbique recipit, quæ causa est quod maculosa apparet; nam cum superficies alibi densior sit, lumenque Solis reflectat, alibi rarior & perspicua: radijque Solis non refringat, sed transmittat, necessario sequitur eam obscuris maculis infectam apparere. Minor est terrâ Copernici sententia quadragies ter: Sole septies millies.

C A P. X X I. De Saturno, Ioue, & Marte.

M Inores planetæ sunt superiores & inferiores: Superiores qui supra Solem sunt; vt Saturnus, Iupiter & Mars. Saturnus, κρόνος ἢ γαίρων colore plumbeo vel pallido; terra maior est nonagies semel.

Iupiter ζεύς ἢ φαίδων, amœnus & lucidus adeo, vt quandoque vmbram pariat, magnitudine terram superat nonagies quinquies & ferè semisse.

Mars, πέρβερος, αρης vel Herculis stella colore rutilo & in flammæ morem rubente maior est terra semel cum vna tertia.

C A P.

CAP. XXII. De Venere & Mercurio.

INferiores Sole Duo sunt; Venus & Mercurius. Venus ἀφροδίτη, à quibusdam Iuno dicta, tanquam de hoc auro malo contendat: cum in oriente ante Solem conspicitur, Lucifer, φωσφόρος & ἑσπέρης appellatur; cum in occidente post Solem, Vesper & Vesperugo, ἑσπερος. Stella est candida & toto cœlo pulcherrima. Eius magnitudo nondum planè est cognita: traditur tamen esse minor terra vicies octies, aut tricies septies.

Mercurius, ἑρμῆς, & nonnullis Apollo, stella lucida est, & vt perhibent omnium minima. Duo hi inferiores comites Soli sunt; semperq; illum aut abeuntem subsequuntur, aut aduenientem maturina serenitate prænunciant, nisi cum omnino eius lateri adherent. Mercurius tamen ob exiguum interuallum quo à Sole elongatur, perire cernitur.

CAP. XXIII. De primo Cœli motu.

HActenus prima pars de Cælo exposita est; in stellarum consideratione; altera sequitur de Motu sphaerarum cœlestium; qui est duplex; primus & secundarius: vterque orbibus stelligeris omnibus communis, & naturalis.

Primus, diurnus, πρῶτος φορὰ est quo tota cœli machina vicens quaternis horis ferè ab ortu in occasum circa polos mundi mouetur.

CAP. XXIIII. De motu secundario Firmamenti in longitudinem.

Secundarius δευτέρα φορὰ & πολυμερής, est vel totius sphaeræ, vel tantum Epicycli, quem tamen Firmamentum & Sol non habent; & vtriusque est vel in longitudinem vel in latitudinem. Atque motus in longitudinem secundarius εἰς τὰ ἑσπέρια, est quo sphaeræ omnes ab occasu ad ortum contrario nisu contra primum motum circa polos Zodiaci feruntur. De hoc motu priori contrario, Sol ita loquitur, secundo Metam,

Adde quod assidua rapiunt vertigine cælum,
Sidera q; alta trahit, celeri q; volumine torquet,


E.

Nitor

Nitor in aduersum: nec me, qui cetera vincit,

Impetus, & rapido contrarius euehor orbi.

Quod vt facilius intelligatur, exemplum hoc obseruandū est: Fingantur duo hi orbes A & B circa centrum C semel reuolui: sit A orbis Firmamenti aut primi mobilis, & B, Solis: B primum sub A erat, sed reuolutione facta viginti quatuor horis, secundario motu retro cessit, vt iam B non sub A, sit, sed sub D. nihilominus tamen cum toto cœlo circa terram mouetur: circumferantur denuò; B vltius renititur, & iam sub E est: reuoluatur tricies, per triginta dies iam Sol tota duodecima parte retrogressus erit: & B F coniungetur: reuoluatur trecenties sexagies sexies, hoc est per annum integrum, videbis Solem trecenties sexagies quinquies primo motu circa polos mundi delatum esse & semel contrario motu ab occasu in ortum.




Licet

Licet verò exemplum in cœlo obseruare : ex statò loco horâ octaua pomeridiana, seu alia quauis, locum Lunæ in cœlo si appareat, animaduerte : postera die ibidem conspicietur non octaua, sed paulo antè nonam : post quartum diem non nisi vndecima ante medium noctis ibidem existet : non tamen præcisè ; sed loco australiore aut septentrionaliore. Ex quibus intelligis Lunam quidē cum primo mobili ad occasum ferri & quotidie circumuolui, sed motu tardiore ; hoc est, ipsa in orientem renitente : simulque illam moueri ad occasum circa polos mundi : ad ortum autem circa polos Zodiaci, obliquo nimirum tramite ; quæ causâ est quòd quarto die obseruationis, obliquo loco ad meridiem aut septentrionem vergente conspiciatur. Sed ad rem : Lentiùs hunc contrarium cursum cōficiūt, qui primo mobili seu extremo cœlo sūt propiores, velocius, qui longius ab eo distant : nam Saturnus triginta fermè annos illo motu insumit : Luna mensem vnicum : Firmamentum vero proximum est, lentissimo procedit gradu, vt integra hominum ætate vix deprehendi queat.

Conficit autem hoc secundario motu in longitudinem, ex trecentis sexaginta gradibus quibus cœli ambitus distinctus est, septuaginta tribus annis vt Copernicus, siue centum annis vt Ptolomæus asserit, gradum tantum vnum. Qui motus Firmamenti licet nullius momenti videatur, temporis tamen processu nonnihil anomaliz in cœlo peperit ; nam hinc effectum est, vt stellæ fixæ simul omnes loco motæ sint ; & signa Zodiaci amplius in suis dodecatemorijs non sint, sed loco orientaliore : nam Arietis stellæ, præter duas prioris cornu, omnes in signo seu dodecatemorio Tauri nūc existunt ; & Libra tota in Scorpionis partem recessit : quod tamen obseruationibus nihil obstat ; nō enim Zodiacus cum suis signis duodecim in firmamento, statuitur, sed in primo mobili ; vbi dodecatemoria variari non possunt. Eodem quoque modo planetæ ab occasu in ortum nitentes eum cursum statis vicibus absolunt : Verum quia interea aliquando altiores, aliquando humiliores existant, singulæ ipsorum sphæræ in plures orbes sunt distinctæ, vt motuum ratio aliquo modo demonstrari possit.


CAP. XXV. De planetarum Apfidalibus orbibus
& Excentrico.

Sphæra itaque cuiusvis Planetæ tres continet orbis; qui ad secundarium motum spectant; duos exteriores Apfidales, & his conclusum Excentricum. Apfidales vtraque externa superficie mundo concentrici, & interioribus concinna proportionē excentricum complectentes, planetarum apfides summas & imas deferunt. Est autem summa apsis vel Aux, *ἄνω γειῶν*, locus sphæaræ in quo cū Planetæ stella verſatur, altissima & remotissima est à terra; Ima, oppositum augis *κάτω γειῶν*, propior sphæaræ ad terram regio, in quo planeta decurrens terræ proximus. Excentricus orbis cuius centrum aliud est à mundi centro, in Solis sphæra corpus Solis defert, in cæteris Epicyclum. In hoc orbe præterea statuitur circulus Æquans; nam cum inæquabili motu nunc citior, nunc tardior circa suum centrum procedat, æquans excogitatus est, vt æquos planetarum motus ostendat. Eius centrum in Lunæ sphæra est in mundi medio; in reliquis tantum à centro Excentrici distat quantum ipsum à centro mūdi. In Sole itidem nullus est, vt hic vides





Prius schema commune est Saturni, Iouis, Martis, Veneris & Lunæ, A, orbēs sunt Apſidales; B excentricus; C D epicyclus; C planetæ corpus epicyclo adhærens, E D C æquās circulus. F centrum mundi: G centrum excentrici & H æquantis. Alterum Solis proprium, qui æquante & epicyclo caret. In Mercurio anomalia est; nam apſidales eius sunt quoque excentrici, & duobus alijs inclusi: habet enim præter tres illos orbēs, duos Æquantes eadem forma cum apſidalibus; qui mundo exteriori superficie concentrici; & interiori excentricos illos ambientes apſim æquantis deferunt. Æquantis hîc centrum diſtat à centro mundi tribus partibus, quarum ſemidiameter excentrici continet ſexaginta: orbium verò æquantium centrum abeſt ſex eiufmodi partibus excentrici nouem; vt diagramma oſtendit.

CAP. XXVI. *De motu orbium Apfidalium.*

Constitutis iam planetarum domicilijs, de eorū motu sequitur: Apfidales suum habent peculiarem motum, vt excentrici. Procedunt enim in Sole, Saturno, Ioue, Marte & Venere, vt & Æquantes in Mercurio secundum signorum successione[m] siue in ortum ab occasu, circa eclipticę polos, centum seu septuaginta annis vno gradu veluti octaua sphaera. In Luna autem & Mercurio mouentur contrario & celeriore motu, ad occasum: in Lunę sphaera singulis diebus vltra motum diurnum primum, circa polos proprios (qui à Zodiaci polis gradibus quinque distant) gradus vndecim & minuta ferè duodecim conficiunt: & Zodiacum perlustrant diebus triginta duobus, horis tredecim, minutis quatuor. In Mercurio ambitum Zodiaci singulis annis absoluunt. Atque hoc motu apogœa planetarum

tarum mutantur : nam cum Sol tempore Ptolomæi ante 1400. annos altissimus esset, cum ad sextum gradum Geminorum deuenerat, hæc suprema elongatio nunc in sexto gradu Cancræ depræhenditur : & ita de reliquis, vt observationes Ptolomæi & recentium astronomorum in hac tabella declarant :


Tempore	
Ptolomæi	nostra
Solis 6 gradu II	6 gr. 24 min. S .
Satur. 23. gr. 46 min. m	27 gr. 42 min. Z .
Iouis II gradu m	6. gra. 21. min. m
Martis 25 gradu S	27 gra. 1 min. S .
Veneris	Idem cum Sole.
Mercurij 10 gradu m	9 grad. m .

Locus Apogæi

CAP. XXVII. De motu Excentricarum
in longitudinem.

EXcentrici mouentur ab occasu in ortum circa polos Zodiaci octauæ sphaeræ : estque hic motus Planetarum maximè proprius & vulgaris, quo Zodiacum statim vicibus percurrunt. Excentricus Solis seu potius Sol ipse Zodiacum hoc motu sub linea ecliptica incedens, neque vnquam ab ea deflectens in latitudinem, perlustrat annis singulis, hoc est diebus 365: horis 5: minutis primis 49: secundis 58: tertijs 49. Singulis autem diebus conficit 59 minuta prima: 8 secunda & 19 tertia: retrocedit enim quotidie contra primum motum mundi vno ferè gradu. Motus hic est æquabilis circa centrum Excentrici: sed ad mundi centrum collatus inæqualis: nam qua parte excentricus Zodiaco propior est, ibi maiores arcus spacio Zodiaci competunt, quàm aduersa parte,
E.iiij. vbi

ubi ab eo est remotior: ob id plus spacij de Zodiaco vno die in perigæo conficit, quàm apogæo: tametsi in excentrico semper sit regularis: quapropter pluribus diebus moratur in parte boreali, quàm australi: & ideo ver, atque æstas apud Septentrionales longiore constant tempore, quàm autumnus & hyems, quod excentrici maius segmentum isthic respiciat: nam de 365. diebus & 5. horis quibus Sol in excentrico periodum suam absoluit: quadranti primo ab Ariete ad Cancrum competunt dies 92: horæ 21: minuta 55: quadranti secundo à Cancro ad Libram dies 93: horæ 10: minuta 16: tertio, à Libra ad Capricornum dies 89: horæ 17: minuta 2. quarto demum ab eodem ad Arietem dies 89: horæ 4: minuta 39: vt differentiam hîc vides.



Atque hæc est theoria Solis. Excentricus Lunæ singulis diebus in ortum mouetur 13 gradibus, 10 minutis, cum 35 secundis. qui motus circa excentrici centrum est inæqualis.

bilis : ideoque eius norma ab æquante circulo dependet, quemadmodum & in reliquis quinque. Peragrat verò integrum Zodiacum diebus 27 : horis 7 : minutis 43 : secundis 12.

Saturni excentricus Zodiaci signa permeat annis 29 : diebus 155 : horis 7.

Iouis, annis 11 : diebus 312 : horis 17.

Martis, anno vno, diebus 321 : horis 22.

Veneris & Mercurij anno vno vt Sol. Obseruandum autem est, quandoquidem planetæ hî alio præterea motu in Epicyclo vagantur ; nec eodem tempore præcisè cum excentrico dodecatemoria percurrunt ; terminum huius motus esse centrum Epicycli : vt dicimus Iouem à quinto gradu Leonis egressum, duodecim ferè annis eodem redire : cum tamen ipsa stella propter epicycli delationem hunc locum iam anticiparit, aut post assequatur : vnde motus centri Epicycli seu Excentrici orbis, Medius motus dicitur, quod non verum planetæ locum, sed epicycli centrum indicet. Verus porro motus est, qui linea à centro mundi per stellam protensa, locum eius verum in Zodiaco ostendit. Medius ille motus in excentrici peripheria est inæqualis : nam alijs locis velocior est, alijs remissior : vnde eius æqualitas in æquante metienda est. Diurnus illorum motus æquabilis est in Saturno minutorum duorum : in Ioue minut. quinque ferè : in Marte 31 minutorum cum semisse ferè : in Venere & Mercurio 59 minutor. vt in Sole, cuius sunt comites perpetui : eique medio motu semper coniuncti.

CAP. XXVIII. *De Firmamenti motu in latitudinem.*

DE motu in latitudinem sequitur : qui alius est octauæ sphaeræ, alius planetarum. Firmamenti vocatur motus trepidationis, vel accessus & recessus ; est autem huiusmodi : circum puncta æquinoctialia in Zodiaco fixo finguntur circuli duo paruuli ; quorum diameter est minutorum 24, in quorum peripheria initia arietis & librae firmamenti fixa circumaguntur : fitque huic circuitus

iuxta Copernici traditionem annis 3434: quo motu ecliptica octauæ sphaeræ ab ecliptica fixa in austrû & boream nutat, ac nonnunquam ad æquatorem punctis solstitialibus accedit, nonnunquam discedit: vnde maxima Solis declinatio (quæ est Câcri & Capricorni ab æquatore ob Zodiaci obliquitatem maxima elongatio) mutatur, nec semper eadem manet; nam quæ tempore Ptolomæi fuit viginti trium graduum & 51. minutorum, à Mahomete Aratenſe ſeptingentis poſt annis, inuenta eſt graduum 23: & minut. 35: noſtro æuo à Vuernero & Copernico depræhenſa eſt graduum 23, & 28. minutorum cum ſemiſſe. Maxima autem declinatio eclipticæ ab æquatore, ſtatuitur graduum 23, & minutorum 52. Minima 23 gradus & minuta 28. Eſt ergo maxima huius mutationis differentia viginti quatuor minutorum.

CAP. XXIX. *De motu Lunæ in latitudinem.*

SOL, quia ab ecliptica non deuiat, latitudinem nullam habet: Luna verò & cæteri ab ea in vtram viſ partem recedunt, quæ deuiatio motus dicitur in latitudinem. Luna ſimplicem habet; reliqui duplicem tum ob excentricum orbem, tum epicyclum. Habet porro Lunæ domicilium orbem alium mundo concentricum: qui eius apſidales ambit & in ſe concludit: cui etſi idem cum mûdo & ecliptica centrum ſit, poli tamen ſunt alijs diſtantes ab ecliptica firmamenti polis vtrinque quinque gradibus: quæ res efficit, vt excentrici ſuperficies adeoque tota ſphaera Lunæ eclipticam perinde interſecet, atque Zodiacus æquatorem: vnde ab ecliptica ſemper deſlectit, nec niſi in ſectionibus eam ſubit: ſectiones tamen illæ non ſunt fixæ: procedit nanque hic exterior orbis proprio motu ab oriente in occidentem ſingulis diebus, aggregato quoque cæterorum orbium motu, minutis tribus & ſecundis vndecim: totumque Zodiacum permeat annis 18: diebus 226. horis 7. minutis 43. quo motu ſectiones contra ſignorum ordinem in occaſum tendunt. Deſlexionis figura vulgò Draco dicitur: Caput draconis nodus ille ſeu ſectio qua Luna ab ecliptica ad ſeptentrionem aſcendit: Cau-
da

da autem Draconis nodus alter qui Lunam ab ecliptica in meridiem deuehit : græcis *αὐτὸς τοῦ δράκοντος ἀναβιβάζων, καὶ καταβιβάζων.*

CAP. XXX. *De latitudine trium superiorum.*

EXcētrici in Saturno, Ioue & Marte superficies eodem modo eclipticæ planiciem diuidit : & qua parte apogæum est, in septentrionem vergit : qua perigæum, in meridiem : ob idque stella semper aliquam latitudinem habet, nisi cum in nodis est : vt in Luna : tumque maximam cum in extremis latitudinis punctis qui vtrinque à nodis æqualiter distant, versatur. Ea puncta maximæ latitudinis nostro æuo sunt

Septentrionale,	Meridionale
Saturni in 7. grad. m.	in 7. gradu ☿.
Iouis — in 27. gr. ♄.	in 27. grad. ♃.
Martis in 27. grad. ♀.	in 27. grad. ♁.

Saturnus quindecim annis cum dimidio ferè est septentrionalis : reliquis quatuordecim meridionalis. Iupiter sex annis & quinque mensibus septentrionem versus deuiat : quinq; annis cum semisse versus meridiem. Mars in æqualiter nec semper eodem modo altero anno in septentrione agit, altero in austro . Quòd verò diutius in borea moram trahant, fit, quod excentrici superficies non suo centro eclipticam secet, sed in centro mundi : ideoque ea pars quæ in septentrionem inclinat maior est : quæ in austrum minor : & plus stella temporis in percurrento maiore segmento consumit : vt in sequente pagina vides.

CAP.



CAP. XXXI. *De latitudine Veneris & Mercurij.*

INferiorum duorum latitudo quam ratione excentrici habent, Deuiatio dicitur, ἐκκλισις τῆ ἐκκέντρου. Ea fit hoc modo : Dum excentricus suo motu in longitudinem fertur: si centrum epicycli in alterutro nodorum (qui ab apogæo & perigæo vtrunque nonagenis distant gradibus) existat, latitudo nulla est, & vnum efficitur excentrici & & eclipticæ planum : sed quamprimùm centrum epicycli à nodis versus apfides mouetur, incipit excentrici superficies sensim in latus declinare; Veneris in septentrionale, Mercurij in meridionale, donec in apogæo aut perigæo æquantis maximum latitudinis terminum attingant: ibique Veneris latitudo decem minutorum, Mercurij 45 minut. seu dodrantis vnus gradus: rursumque quanto magis nodo alteri appropinquat, tantò deuiatio decrescit, donec sub nodo existens, nusquam declinet. Summa itaque deuiatio est in apogæo & perigæo : nulla in sectionibus.

CAP.

CAP. XXXII. De Planetarum epicyclo.

Prior pars de motu planetarum absoluta est, sequitur altera, de motu Epicycli. Sol quia simplicissimo progressu mouetur, epicyclum nullum habet: cæteris sex suus est cuique peculiaris: eò maior quo Soli quisque est propior. Est autem Epicyclus sphaerula excentrico infixæ, tantæ magnitudinis, quantum excentrici inter vtrūque apsidalem capacitas comprehendere potest: in hac planetæ stella insidens statis vicibus alio præter superiores motu circumagitur. Distinctus est eodem modo, vt maiores orbis, in 360. gradus. Excogitauit antiquitas epicyclum ob miros planetarum & diuersos motus, quibus nunc cursum accelerant vel inhibent, nunc velut immoti subsistunt: nonnunquam etiam gressum reciprocant: cuius diuersitatis ratio omnis ex epicycli adminiculo constat, atque intelligitur.

CAP. XXXIII. De motu Planetarum in Epicyclo, in longitudinem.

LVna in superiore parte Epicycli mouetur in occasum, in inferiore secundum signorum successionem in ortum: Saturnus verò & reliqui ex aduerso, superiore parte progrediuntur in ortum: inferiore, regrediuntur versus occasum. Forma autem motus stellæ in epicyclo est huiusmodi: Cum planeta à superiore parte epicycli ad inferiorem per eius conuexum descendit, aliquanto videtur subsistere; quod arcus ille epicycli descendens parum admodum spacijs occupet in Zodiaco, cum non in latum sed recta deorsum tendat: Hanc stationem iuuat quoque motus excentrici in contrariam partem: nam quantum eo tempore planeta in epicyclo proficit, tantum excentricus qui epicyclum defert in aduersum nititur, ita vt motus alter altero tollatur, tūque dicitur Stationalis, *συνεριστος*. Cum deinde in imam partem epicycli stella devenit ac longius progrediendo velocius in epicyclo mouetur, quàm excentricus in aduersum, apparet regredi; ob idque dicitur Retrogradus *ανδρογρηστος*. Exinde per alterum

prima: in M. secunda: quò verò Epicyclus perigæo æquan-
tis propior est, eò etiam loca stationum perigæo sunt pro-
piores: non enim iisdem semper locis contingunt. Dire-
ctus est planeta, cum in arcu M. O. S. versatur: Recipro-
cus dum in S. I. M.: nam stationibus exiguae portiones
tribuuntur, quòd breue tempus sit, quo immoti appa-
rent.

C A P. XXXIII. De circuitu epicycli absoluto.

Quæritur singulis diebus planetæ in epicyclo itineris
conficiant, quantòque tempore quisque reuolutio-
nem absoluat, hîc vides.


Motus diurnus:

Periodicus.

Lunæ.	13	4			☾	27	13	18	34.
Saturni.	0	57	7	44	♄	378	2	12	13.
Iouis.	0	54	9	4	♃	398	21	12	9.
Martis.	0	27	41	40	♂	779	22	22	40.
Veneris.	0	36	59	27	♀	583	22	15	
Mercurij.	3	6	24		☿	115	21	5	
	gra- dus	Mi- nuta	Se- cun- da.	Ter- tia.		Die- bus.	Ho- ris.	Mi- nutis	Secun- dis.

Observandum præterea est; trium superiorum Epicycli
cursum à Solis vicibus dependere: nam cum Sol eis con-
iungitur summum occupant epicycli fastigium; cum in
opposito est, imam tenent partem: vt fingatur Iouis epi-
cyclus in initio Cancrî esse, si Sol illi in eodem signo con-
iungatur, stella Iouis in apogæo epicycli existet; si verò
Sol quadrante ab epicyclo distet, sitque in Libra, stella in
epicyclo quoque distabit quadrante ab apogæo, eritque
iuxta lineas contactus: quod si Sol in opposito signo Ca-
pricorni sit, stella tanquam à Solis radijs plus satis elonga-
tis secuta, ad imam partem epicycli sese demittet; tumque
est reciproca, cum Soli ex diametro opposita est: acceden-
te porrò Sole & iterum ascendente, radijs ipsius propulsa
eleuatur paulatim donec ei iterum coniuncta in extremas
partes apogæi se recipiat. Estque hoc perpetuum in Satur-
no, Ioue & Marte; vt admiratione dignum sit, inferiores
planetas

planetas duos tanquam minoris dignitatis, Soli chorago
 toto suo domicilio famulari: superiores velut augustiores
 etsi non principali suorum orbium motu, tamen epicycli
 ratione ipsum reuereri. Ergo temporis quo hi epicyclum
 permeant interuallum tantum est, quantum inter binas So-
 lis & eorum coniunctiones intercedit. Ex hac epicycli ra-
 tione constat quoque, cur Veneris eadem stella longo in-
 teruallo Solem nunc sequatur, nunc præcurrat, cum tamen
 medio motu ei semper sit coniuncta, nimirum cum à sum-
 ma apside ad imam per latus dextrum descendit, nouem am-
 plius menses à Solis occasu in occidente cernitur: cum ab
 ima ad supremam apsidem per alterum semicirculum as-
 cendit, tantundem ante Solem matutina lucet: ut hic vide-
 re licet:



A. centrum

A. centrum est mundi: O excentrici Solis & Veneris: E, A. I horizon: hemisphaerium superius, quod nobis est conspicuum: G. B. H. C orbis Veneris, F. E. D via Solis. vides ergo D Solem & V. Veneris epicycli centrum vno quidem loco sub Zodiaco esse & medio motu convenire: porro D Solem sub horizontem iam occidisse, & C Veneris stellam adhuc super horizontem conspicuam extare: ac tamdiu vesperi in occidente cerni, quamdiu in illo semicirculo qui supra horizontem extat degit. In oriente Solem & centrum epicycli K item coniuncta: Solem tamen nodum exortum sub horizonte adhuc delitescere: Venerem vero vel Luciferum longo ante tempore supra fulsisse. Ac quod tanto tempore opus habeat, quod ambitum conficiat, causa est epicycli amplitudo: habet enim epicyclum ratione suorum orbium amplissimum; quod etiam Ovidius quarto Fastorum exprefsit:

Illam quidem totum dignissima temperat orbem

Illam tenet nullo regna minora Deo.

Excentricitatem e contra habet minimam. Mercurius alatus Deorum nuncius, menses tantum quatuor absolvens cursu epicycli consumit: cumque ex quinque minoribus ambitum illum annuo spacio nullus conficiat, hic vno anno semel atque iterum loca omnia percurrit. Apostasios demum seu digressionis duorum inferiorum a Sole termini non ubique sunt iidem: contingunt namque maiores cum epicyclus in perigeo excentrici versatur, minores cum in apogeo. Sunt vero huiusmodi:

<i>Si epicyclus sit in Apogeo Excentrici</i>			<i>In Perigeo</i>
<i>Veneris</i>	<i>44. gradus</i>	<i>25. Minuta</i>	<i>45. gr. 35. min.</i>
<i>Mercury</i>	<i>16. gradus</i>	<i>5. minut.</i>	<i>27. gr. 37. min.</i>

nam haec est semidiameter epicycli in Zodiaco dimensa: In Mercurio digressio haec apud Septentrionales vix animadvertitur: quod & epicyclus minimus sit, & latitudine in meridiem deuiet: nisi cum in alterutro perigeo sit, habet enim duas imas apsidēs vnam 9. gradu Piscium, alteram 9. gradu Cancrī: vnicam tamen summam, 9. gradu Scorpionis.

CAP. XXXV. De superiorum latitudine
ratione Epicycli.

Epicycclus dum in nodis excentrici & eclipticę versatur, nullam habet latitudinem: cum verò à nodis ad declinationem excentrici progreditur, incipit paulatim ab excentrico in latus deflectere, ita vt si in apogæo excentrici fuerit, declinet eius ima apsis versus septentrionem ultra excentricum, & summa versus eclipticam citra eundem: si in perigæo excentrici fuerit epicyclus, eius perigæum item ultra excentricum versus meridiem inclinet, apogæum intra excentricum: & eclipticam: ea ratione, vt semper perigæum epicycli ultra illam excentrici partem deuiet in qua fertur: apogæum vero ad eclipticam. Hinc fit vt planeta perpetuò maiorem habeat latitudinem cum est in perigæo epicycli, quam cum in apogæo. Quanto autē spacio in extremis excentrici latitudinum terminis ab ecliptica elongentur, hac tabella indicatur.

Cum epicyclus in extrema latitudine excentrici est, uno planeta distat ab ecliptica, si est in parte

	Septentrionali	Meridionali.
2 in {	Apogæo 2 gr. 3 minuta	1 grad. 1 minutum
	perigæo 3 gr. 3 min.	3 grad. 1 minut.
4 in {	apogæo 1 gr. 6 min.	1 grad. 4 min.
	perigæo 2 gr. 5 minuta.	2 grad. 8 min.
8 in {	apogæo 1 gr. 6 min	0 2 min.
	perigæo 2 gr. 5 min.	7 grad. 30 min.

in Septentrionem

in austrum.

CAP. XXXVI. De latitudine Veneris
& Mercurij in epicyclo.

Latitudo inferiorum ratione epicycli duplex est: Inclinationis ἡ κλίσις τῆς ἐπικύκλου, & Reflexio, ἀνέσσις. Quando

do epicyclus in nodis qua planum excentrici eclipticam secat, est, vbi excentricus per se nullam habet latitudinem, tunc eius summa & ima apsis certo interuallo à plano excentrici recedunt: in Venere versus septentrionem, in Mercurio versus austrum & dicitur Inclinatío. Ea est in Veneris epicycli apogæo gradus vnus & tria minuta: in perigæo gradus 6 & minuta 22: In Mercurij epicycli apogæo gradus vnus & minuta 46: in perigæo quatuor gradus & minuta quinque. Cum autem epicyclus à nodis ad perigæum aut apogæum excentrici defertur, tunc apsidēs epicycli sensim ad excentricum redeunt, & vice versa latera eiusdem ab excentrico deflectunt tamdiu donec in apogæum aut perigæum deuenierit excentrici, qui tum similiter maximam habet latitudinem: diciturque Reflexio in Venere borealis, in Mercurio austrina. Est autem in Veneris excentrici summa apside & ima duorum graduum cum semisse, In Mercurij æquantis apogæo 2 grad. 15. minut. in perigæo grad. 2: & minut. 45. Atque harum declinationum perpetua lex est; vt alternis vicibus nunc Inclinatío fiat, nunc Reflexio: illa maxima, cum hæc nulla est, & e contra: altera que augeſcat cum altera decreſcit: Venerisq; omnes in boream vergant, Mercurij in austrum. Venus itaque cum longissime deuiat, tam excentrico quam epicyclo, distat ab ecliptica gradibus 7: & minutis 14. Mercurius 4 grad. & 33 minutis.

CAP. XXXVII. De altitudine Stellarum.

Absoluta est doctrina de motu cœli ac theoricis planetarum: restant quæ coniunctim ex motu & stellis oriuntur, adiuncta duo, altitudo stellarum & lumen: atque effectus de virtute astrorum. Est ergo Firmamenti vnde quaque à terra distantia decies millium & quadraginta diametrorum terræ & dodrantis: numerantur verò pro diametro terræ 1720 miliaria germanica. Atque hæc firmamenti distantia perpetuò est eadem, nec mutatur: at in planetis propter excentricitatem & epicyclorum apsidēs ratio est alia; altitudinemque singulis propemodum momentis variat: sumēde igitur sumē altitudines et imē. Abest

F.ij.

Saturnus

Saturnus cum in apogeo est à terra decies millib. triginta sex terræ diametris, & paulò plus: cum in perigeo est, 7189. diametris cum sextante.

Iouis apogæum abest 7184. diametris & paulò plus semisse: perigæum 4427. minus ferè sextante.

Martis apogæum 4011. diametris: perigæum 588. licet olim maiore interuallo distaret.

Solis à terra summa distantia tempore Ptolemæi erat 605. diametrorum: minima 561. sed quia excentricitas itidem vt Martis mutata est, apogæum à terra abesse 589. diametris tantum & semisse deprehenditur.

Veneris summa apsis distat à terra 535. diametris; ima 83. fuit & hæc alia priscis temporibus.

Mercurij summa apsis 83. diametris: illa verò puncta vbi terræ proximus est, quæ vtrinq; à vero æquantis perigæo distant duobus signis; diametris 32. & semisse.

Lunæ seu nouæ seu plenæ in apogæo existentis distantia est 32. diametr. & dodrantis: in perigæo 25. & ferè septuncis: Demidiata verò in summa apside abest 34. diametris & sextante: in ima 26. & quadrante.

CAP. XXXVIII. De Luce.

Lumen & tenebræ progressum à stellis, vices à motu cœli fortiuntur: & ortum à luce. Lux est substantia immaterialis, purissima, lumen ex se fundens. Habuit propriam sui creationem eo fine vt omnia in mundo illustraret: tenebrasque pelleret: collecta autem post, & velut in vnum coagmentata Soli & stellis vt anima corpori est indita: Et licet Sol fons sit & autor lucis, omnique astra splendore longo intervallo exsuperet, tamen stellis omnibus sua sed longè debilior lux est; præterquam vni Lunæ quæ nihil præter exilem & obscurum fulgorem habet; suamque lucem omnem à Sole mutuatur.


CAP. XXXIX. De Lumine.

Lumen est lucis splendor in corpore perspicuo. Pro-
manat è luce astrorum perpetuò, ac tanta celeritate ad obiecta fertur, vt citius momento extrema, & longissimè disita illuminet. Perspicua penetrat siue ea solida
sint

sint siue non : cœlum namquē aërem, aquam, adhæc crystallum, adamantinum lapidem, vitrumquē perlustrat. Huius tractationis axiomata sunt illa : Lumen non fit nisi in perspicuo : & Radij lucis directò feruntur : & Radij lucis ad corpus densum refringuntur : & demum, Maius lumen obfuscat minus. Adiuncta habet duo ; splendorem & nitorem : Splendidum durum est ; nam molle non æquē, nec omnes radios reflectit,

CAP. XL. De Tenebris.

Tenebræ dicuntur priuatio Lucis, quæ umbra est corporis opaci ; vt nox umbra terræ. Exurgunt. n. tenebræ nocturnæ, cum Sol sub terra decurrens ob eius densitatem obiectum aërem nequit illuminare. De vmbre diuersitate tria sunt axiomata : I Si corpus lucidum æquale est opaco, vmbra reddit columnæ effigie ; quæ dicitur κυλινδρειδης. II Si corpus lucidum maius est opaco, gignitur umbra mucronis figura, κωνειδης. III. Si lucidum opaco minus est, fit umbra instar turbinis recti, καλαθρειδης. Umbra ergo cylindræa & turbinata in infinitum excurrūt : pyramidalis in mucronem desinit.



CAP. XLI. *De Influxu cœlesti.*

VEntum est tādē ad illustrem illam partem Astro-
nomiæ, quæ est, de siderum vi & efficacia in hæc in-
feriora; quæ ē stellis oritur & motu cœli. Etsi verò
non omnia cœli influentia regantur, multæ tamē & insig-
nes cū in aëre tū in humano corpore mutationes cōtingūt,
quarum origo & causa manifestē à virtute cœlesti depēdet.
Atque influxus cœlestis hominē quidem ad motus & per-
turbationes propensio-rem reddit, sed nulla necessitate cō-
pellit: nullis nanq; libera mens hominis siderum positio-
nibus subdita est: qui netiam Sapiens dominabitur astris.
Ut autem influxus nonnunquam diabolicis præstigijs iu-
uatur, ita sæpe à Deo ad piorum vota retardatur atque in-
fringitur: vt à signis cœli non ita metuendum moneat
propheta Ieremias ca. 10. Quapropter nec tam multum il-
lis tribuendum, vt vulgus astrologorum prædicat; neque
illorum vis penitus reiicienda, quum multa atque insignia
exempla experiētia tradat, quæ declarant quantum in plu-
ribus astra possint. Hinc. n. tempestatum omnia genera,
inundationes & cataclysmi: hinc vigor languorq; animan-
tum, & eorum subitæ mutationes: hinc annorum diuer-
sæ qualitates, qua alij siccitate squallent, alij humiditate ac
frequentibus pluuijs abundant; vnde agrorum sterilitates
vbertasq; frugum; quale exemplum insigne Arist. i. lib. Po-
litic. c. 7. narrat de Thalete Milesio; qui cum ex astrorū po-
siti oliuarum præuidisset sterilitatem, quo philosophiæ
dignitatem ostenderet atque vtilitatem, ingentem sum-
mam olei pretio paruo coemptam, anno sequente duplo ac
pluris vendidit. Et sanè Ecclesia ita sentit, Deum hisce se-
cundis causis tanquam instrumentis vti, quibus & bona
sua largiatur, & iram exercent.

CAP. XLII. *De simplici aſtorum effectu.*

EXerunt vim suam astra vel simplicem per se, vel alio-
rum respectu: Per se cum solitaria ac simpliciter a-
gunt nullis alijs adiuta. Sic primò ex signis Zodiaci
Aries,

Aries, Leo & Sagittarius vim habent calidam & siccam; appellanturque vulgò ignea: Taurus, Virgo & Capricornus siccam & frigidam: dicunturque terrea: Libra, Gemini & Aquarius calidam & humidam, suntque aërea: Cancer, Scorpius & Pisces frigidam & humidam: & sunt aquea. Eodem modo cæteræ stellarum fixarum suas habent vires: sed obscuras, nec nisi cum Sole oriantur illustres. De planetis eadem est ratio, sed magis perspicua. habent enim effectus insigniores: Saturnus vim habet siccandi & frigefaciendi: Virgil. primo Georg:

Frigida Saturni quo sese stella receper

Mars calore feruente item exiccat: vterque vitæ humanæ minus commodus; ob id aduersi dicti & terribiles. Iupiter hominum generi salutaris, calidus & humidus, calorem suppeditat spiritali, & quia foecundus est ciendis flatibus, ideo Ioui antiquitas fulmen assignauerat. Venus calefacit & humectat, ac temperamento suo omnia foecundat, vt Ouidius testatur quarto Fastorum:

Illa quidem totum dignissima temperat orbem,

Illa satis causas, arboribusque dedit.

Et Iuuenalis satyra sexta:

Quid sidus triste minatur,

Saturni, quo leta Venus se proferat aëro.

Luna frigida & humida, humidis ferè dominatur, vt aquæ, cerebro, medullæ & mari vniuerso. Mercurius varius & versatilis virtutem propriam non habet, sed ad illos se accommodat, quibus proximè est coniunctus; illorumque vim seu noxiam siue prosperam adauget.

CAP. XLIII. De calore & virtute Solis.

SOL vt astris omnibus luce præstat, ita viribus quoque est superior. Eius præcipua vis est in illo, quod omnia eius calore producantur, augeantur atque foueantur: Est enim omnis caloris & vitæ fons: namque vt eius absentia frigore quæque horrent, ac pereunt, ita cum verno tempore cursum ad nos reflectit, omnia virescunt & animantur; quinetiam animantium uita animusque recreatur

ac exhilaratur, vt creber matutinus volucrum cantus declarat: veluti Ouidius primo Fastorum exprimit:

Omnia tunc florent, tunc & noua temporis ætas,

Et noua de grauidæ palmite gemma tumet.

Et modo formatis aperitur frondibus arbor,

Prodit & in summum seminis herba soluta.

Et tepidum volucres concentibus aëra mulcent,

Ludit & in pratis luxuriatq; pecus.

Nam calor ille omnis quicunque tam simplicibus naturis, quàm mistis inest, qualem Cicero secundo de Natura Deorum fusè & pulchrè describit, ex vegetante hoc fonte emanat. Et hæc est anima mundi, quam sexto Æneidos Virgilius prodit, cum ait:

Principio cælum, terras, camposq; liquentes

Lucentemq; globum Lunæ, Titaniaq; astra

Spiritus intus alit, totamq; infusa per artus

Mens agitat molem, & magno se corpore miscet:

Inde hominum, pecudumq; genus vitæq; volantum:

Et quæ marmoreo fert monstra sub æquore pontus.

Effundit calorem ex se non consumptiuum, qui alimento indigeat, sed viuificum, qui ad terram & corpora inferiora defertur radijs quos ex sese Sol emittit: ipsorumque reflexione tum augetur tum minuitur. Est autem Reflexio cum radij descendentes à terræ soliditate refringuntur, & orthogonali ad terræ superficiem linea sursum resiliunt. Obseruentur itaque hæc regulæ: Quo radij reflexionis acutorem angulum constituunt, eò maiorem gignunt calorem: quò obtusorem, hoc calorem minorem. Ex quib. constat sub æquatore intensissimum calorem esse, vbi radij non modo maximè acutū angulum efformant, sed etiam vniuntur; In Europa mediocrem, propter angulos inter acutum & obtusum medios, & Septentrionales sub Arctico perexiguum sentire quod propter exteremam obliquitatem radij vix retundantur.

CAP. XLIIII. De aspectuum differentijs.


Astra aliorum respectu agere dicuntur, cum non simpliciter vnum, sed plura simul ob varium inter se positum vim suam emittūt auctiorem aut debiliorem:

Atque

Atque hi positus astrorum, vulgari nomine Aspectus vocantur, quorum genera sunt quinque: Coniunctus, cuius nota est (♌) cum duæ aut plures stellæ in eodem cœli loco coniunguntur. Sextilis (*) cum stellæ ab inuicem duobus signis Zodiaci distant. Quadratus (□) cum tribus signis vel Zodiaci quadrante distant: Trinus vel trigonus (Δ) cum distantia stellarum est quatuor signorum. Oppositus (♌) cum sex signis vel ex diametro sunt dissitæ. Habent ergo secundum varios hosce aspectus, varias vires, quas vt locum subinde mutant, intendunt atque remittunt. Et hac ratione planetarum virtutem augent aut eneruant loco Zodiaci, sub quibus aspectus contingunt: vt coniunctiones planetarum in signis calidis magnos æstus cient; in humidis pluuias, inundationes. Causa verò huius coniunctæ virtutis, qua stella alia aliam viribus iuuat, ex surgit inde, quòd astra alia aliorum accessu extimulentur; aut coniectu radiorum impellantur.

Schema

Aspectuum.



F.v.

C A P.

CAP. XLV. De Ortus & Occasu stellarum.

AD coniunctionem & oppositionem tantum, referuntur primò ortus & occasus stellarum; secundo Eclipses Lunæ & Solis: ad omnes autem omnino aspectus pertinent φασεῖς & illuminatio Lunæ. Ortus quemadmodum & occasus est duplex, verus & apparens: Verus est cum stella super horizontem elata conspicitur: estq; vel Matutinus vel Vespertinus. Matutinus qui sub Solis ortum contingit, κοσμικός, ἀνατολή ἰώα est quando stella cum Sole exoritur. Occasus, δύσις ἰώα est quando Sole oriente, stella ex aduerso in occasu sub horizontem demergitur. Vespertinus fit Sole occidente, ἀκρόνυχος; Ortus ἀνατολή ἰασπερία est cum sub initium noctis stella in oriente emergit. Occasus δύσις ἰασπερία, quando stella cum Sole occidit. Obseruandum est autem, stellas quæ longius ab ecliptica versus polos distant, ijs quibus obliqua sphaera est, non cum illo gradu eclipticæ oriri in quo sunt secundum longitudinem; sed aliquantò post vel antè iuxta sphaeræ situm, stellæque locum: vt pro multis vnus Sirius exemplo fit; is enim apud illos qui quadraginta sex partibus ab æquinoctiali sunt diffiti, non cum septimo gradu Cancri, qui eius locus est secundum longitudinem, sed cum duodecimo Leonis super horizontem exsurgit. Stellæ itaque dum hoc modo cum Sole oriuntur aut occidunt, maioris sunt efficaciae, & vires illarum illustriores animaduertuntur, quàm reliquo toto anno. Sic Hædorum Erichthonij humero insidentiũ, Hyadum in Tauro, Arcturi, Orionis exortus plerunque pluuias & imbres nonnunquam grandines pocellásque adferunt: de Hædis & Capra, Ouidius tertio Metamorph.

Nascitur Oleniæ fidus pluuiæ Capellæ.

& Virgilius nono Æneidos:

— *Pluuiæ libus hædis Verberat imber humum* —

De succulis fidere terra marique turbido, Ouidius sexto Fastorum:

Postera lux Hyadas taurinæ cornua frontis

Euocat, & multa terra madescit aqua.

De Orione Virgilius primo Æneidos,

Cum subito assurgens fluctu nimbosus Orion.

Excitat

Excitat enim ventos turbulētos & tempestates, quæ ob fideris amplitudinem plures dies perdurant. Pleiadum ortu multæ arbores germinant, mare nauigantib. aperitur; asseruntque illis diebus in anne Lario omnibus annis pisces esse crebris conspicuos squamis & præacutis; nec amplius quam eo mense. Sirij seu Caniculæ effectus in terra insignes sentiuntur, nec mare immune est: accendit namque Solis vapores, ac tanto æstu feruet, ut omnia propemodum eius ortu exsiccentur, morbi vigeant, canes maxime in rabiem agantur. Vnde Virgilius secundo Georg.

—— *Hiulca siti findit Canis æstifer arua.*

Et decimo Æneidos,

—— *Sirius ardor*

Ille sitim morbosq. ferens mortalibus ægris.

Et Ovidius quarto Fastorum:

Est Canis, Icarium dicunt, quo fidere moro

Tota fuit tellus, præripiturq. seges.

Et Persius satyr. 3.

—— *Damnosa Canicula quantum*

Raderet. ———

Emergente cum Sole piscium signo, vberimam tradunt piscium esse capturam: & apud Italos farina Augusto mense confecta, incorrupta diu seruatur. Illustrem quoque reddit fiderum efficaciam mellis propagatio, quod Sirio exsplendescente præcipue fiat, nec ante Vergiliarum exortum.


C A P. XLVI. De ortu heliaco.

Ortus apparens *ἡλιακός*, est noua apparitio stellæ quæ Soli coniuncta aliquandiu radijs eius tecta latuerat: Occasus cum stella radios solares subit & occultatur. Obfuscantur autem stellæ primæ magnitudinis, cum duodecim gradibus à Sole absunt: secundæ magnitudinis, tredecim: tertiæ, quatuordecim: quartæ, quindecim: quintæ, sedecim: sextæ, septendecim. Emicant rursus Sole totidem partibus remoto. Venus euanescit cum quinque partium interuallo ab illo distat; Mercurius & Iupiter decem; Mars & Saturnus vndecim. Ortus verus de fixis est vfitatior; apparens de Planetis.

C A P.

CAP. XLVII. *De eclipsi Lunæ.*


Eclipses sequuntur. Est autem Eclipsis cum lumen alterutrius luminarium deficit aut impeditur : illud in Luna contingit hoc in Sole. Defectus Lunæ est, quando Soli rectà opposita, nullam aut exiguam latitudinem ab eccliptica habens, obiectu terræ lumen amittit. Fitque hoc modo : Terra quia minor Sole est, umbram reddit conoidalem ; quæ quantò à terra discedit, tanto magis coarctatur, atque tandem intra sphæram Mercurij & Veneris in conum finitur. Eius semidiameter in sphæra Lunæ 48 minutorum est ; atque hoc spacio in vtranque partem vltra ecclipticam extenditur : vt tota eius diameter in Zodiaco fit vnus gradus & 36 scrupulorum. Cum itaq; hoc umbræ spaciū semper sub eccliptica sit, Luna verò propter orbem qui Caput & caudam Draconis defert, semper ferme, ac cum maximè, quinque integris gradibus ab eccliptica deflectat ; fit vt Luna non omnibus oppositionibus in umbram inuoluatur, atque obscuretur ; tametsi mense quolibet umbram prætereat, sed tantum cum nodis seu sectionibus propius accedit : tum enim exiguam habens latitudinem umbram necessario incurrit. Meta obscurationis aut quando illeso lumine transire possit est ab eccliptica gradus vnus & quinque minuta : (octodecim enim scrupuli quos Lunæ semidiameter continet, quadraginta octo minutis semidiametri umbræ cōnumerati efficiunt sexagintaquinque) Si ergo latitudo Lunæ tanta fuerit, nulla eius pars obscurabitur : sin minor, portio aliqua : tantoq; maior quantò latitudo minor est : ac totalis cum non amplius quadraginta octo scrupulis ab eccliptica deuiat : tūc enim tota obtenebratur ; statim tamen emergit : aliquandiu verò in umbra moratur, si viginti minutis aut minus ab eccliptica feratur. Latitudinem sexaginta quinque scrupulis minorem habet Luna cum quindecim gradibus & duodecim scrupulis minus vltra citraque à capite vel cauda draconis abest.

CAP. XLVIII. *De eclipsi Solis.*

Eclipsis Solis, fit, cum in coniunctione Luna recta inter terram & Solem constituta, alicui terræ parti Solis lumen impedit & aufert. Eius ratio facilis est; fit enim in coniunctione vtriusque luminaris Luna itidem circa nodos Draconis currente: tum enim inter visum nostrum & Solem intercedit, eiusque radios adimit. Nunquam autem ut Luna totus obscuratur, quod Luna minor sit, quam ut ipsius lumen vniuerso orbi adimere possit: ob idque eius obscuracionem climata tantum aliquot sentiunt, non totum hemisphærium in quo eclipsis contingit. Maxima est cum vtriusque Solis & Lunæ centrum orthogonalī lineæ ad nostrum visum pertingit: tum enim

tantæ

tantæ ingruunt tenebræ, vt stellæ ipso meridie in cœlo appareant non sine contuentium horrore. Quod verò corpus Solare tantæ amplitudinis ab Luna minima totum occultatur, fit propter illius à terra distantiam & huius vicinitatem: quæ caussa est, vt dimetiens Lunæ maior aut æqualis appareat dimetienti apparenti Solis: cum enim Sol est altissimus, eius diameter tantum 31 minutorum est; cum humilimus. 34 minut. Lunæ verò in apogæo dimetiens 29 minutorum: in perigæo 36. vnde Luna plerunque vniuersum Solem obtegere sed sine mora potest. Contingit porro, cum Luna vndecim gradibus & viginti duobus minutis propior sectionibus fuerit, cum in australi est latitudine: cum in boreali, viginti gradibus & septem minutis. Atque tetri quidem huius generis oppositiones & conjunctiones effectus terribiles persæpe ac tristes sequuntur



Afferunt


Afferunt nanque vt plurimùm morbos pestilentes, mutationes imperiorum, agrorum sterilitates, siue ob nimios æstus seu frequentes imbres: vt anno 1540. propter Solis eclipsim quæ mense Aprili fuerat, siccitas & æstus ingentes secuti sunt. Visum est & Solis lumen primi belli Peloponnesiaci tempore deficiens, Pericli & vniuersæ Græciæ cladem imminentem denunciassse: Et Lunæ defectio Perseo Macedoni finem regni portendit. Sciuit eclipsium euentus Agathocles quoque Siculus, qui Solem obscuratum dum nauigarent, Carthaginensium rerum mutationem atque exitium prælagire aiebat.

CAP. XLIX. *De illuminatione Lunæ.*

VT facies Luna mutat, sic & vires: cuius hæc est ratio: quum lumine luceat Solis; & corpore constet solido, qui Solares radios non transmittit, sed refringit, fit vt dimidia tantum illuminetur: ea nempe parte qua Solem respicit, atque altera obscura permaneat. Eius autem illustratæ partis tanta portio nobis apparet, quanta à basi radiorum visualium compræhenditur; eaque portio lucida visui nostro maior obuertitur, quò Luna à Sole est remotior: & tùm maximè cum ab eo toto cœli hemisphærio elongatur, vt in oppositione: Quæ caussa est, vt Status seu *οἰσῆς* subinde mutet, atque semper alia conspiciatur, veluti Ouidius decimoquinto Metam. innuit:

*Nec par aut eadem nocturna forma Dianæ
Esse potest vsquam: semperq; hodierna sequente
Si crescit minor est; maior si contrahit orbem.*

In coniunctione itaque cum Sole congressa, illuminatum hemisphærium illi totum obuertit, ac velut è visu nostro adimit: vocatur verò nouilunium, coitus, interlunium, silens Luna. *σύνωδος* & *νοήμηνια*. Quarto exinde die falcata seu in cornua curuata lucet, ac *μηνόεσις* appellatur. In quadratura septimo mensis die apparet *διχότομος*, dimidiata: Trinus deinde positus die vndecimo eam gibbosam *ἀμφικυρτήν* ostendit. Digressa demum longissimè à Sole, siquidem quod Soli obuersum est, totum sub nostrum aspectum cadat, pleno orbe fulgens cernitur: ac tùm *πλερέληνος*, plenilunium dicitur. Ab illo die qui est quindecimus sensim
rursum



rursum decrefcit, ac priores formas repetit: nam decimono-
nono prætumida: vicesimo fecundo dimidiata: sexto &
vicesimo bicornis apparet: ac demum peragrato Zodia-
co, die ferè tricesimo euanefcens Solem fubit: cum quo
paululum morata ad eafdem vices redit.

C A P. L. *De vi & efficacia Lune.*

L Vna vires fuas cùm quod citima terris, tum quod vna
fit è luminaribus, quorum imperium in elementari
regione maximum eft, quàm latiffimè atq; in humi-
das naturas præcipuè exercet: habet enim occultum quen-
dam tepore permixtum humorem, quem in corpora im-
mittit atq; imprimit. Hanc verò virtutem fecundum lumi-
nis ftatus intendit aut remittit: humorem enim crefcens
auget & corpora implet: decrefcens minuit & inanit: quæ
res infignes in rerum natura efficit: Sic enim oftrearum &
conchyliorum corpora lunari hac poteflate augefcunt &
decrefcunt: maris vniuerfi æftus lunare lumen fequitur: &
animantes, ftirpèsq; vi ab ea manante nutrimentum, incie-
mentum & maturitatē aflequuntur: quin & fub dio fomno
fopitos, reuocato in caput torpore corporèq, humore per-
fufo, immenfo preffos pondere ftupidos dimittit. Habet
quoque effectus alios peculiare deficiens, alios crefcens: nā
noua æftate calida eft, hyeme gelida: plena æftate gelida,
hyeme tepida: Ac crefcente Luna omnia felicius feruntur:
maximè cum eft fupra terram: tum enim copiofiorem in-
fundit humorem quo alantur. Ferunt nitefcere noua Lu-
na in Mauritania elephantes ad quendam annem grega-
tim descendere, & ibi folenniter aqua circumfpergi. Ligna
cæfa ab interlunio ad ἀμφοτέρων fecundò, inepta funt fabri-
cis, quod nimio humore abundant. Plenilunio teftitudi-
nes paluftres & conchilia funt pinguiſſima: Luna enim
humifico fpiritu aquas & limū quibus nutriuntur attenuat
& viſcofa efficit. Crefcunt autumnalibus plenilunijs pluri-
mum crabrones. Pofteriore quadratura atque in coitu ob
exiguum humorem ligna vtiliffimè cæduntur. Silente
quoque Luna, Euripos tradunt perpetuo fluctu agitari, na-
tare & librari, donec eius lumine iterum apparente ftatum
repetere cogantur motum.

PHYSICORVM

LIBER TERTIVS,
DE ELEMENTIS.CAPVT. I. *Quid Elementum?*

CORPVS constans expositum est; Inconstans dicitur, quod perpetuæ mutationi est subiectum, vt Elementa. Elementum est corpus simplex ex quo mixta omnia fiunt, & in quod resoluuntur: Est enim omnium quæ subinde oriuntur & intereunt, atque adeò omnium quæcunque in elementari regione fiunt prima materies. Est verò elementaris mundi pars Lunari subiecta polo: qui septimus auras Ambit, & æternis mortalia separat astris, atque ab ipso pertingit ad centrum vniuersi: semidiameter eius Mathematici quinquaginta duabus terræ semidiametris, & paulò plus quadrante metiuntur,

CAP. II. *De Qualitatibus primis.*

Elementorum differentiam constituunt Qualitates: est autem Qualitas naturalis potentia quæ substantiæ adhæret, ac intendi, minuique potest. Ea formam substantiæ comitatur aut materiam. Quæ ad formam referuntur, dicuntur primæ, & sunt duæ, Calor & Humor, totidémque his contrariæ Frigus & Siccitas. Ouidius primo Metamor.

Frigida nam pugnant calidis, humentia siccis:

Mollia cum duris, sine pondere habentia pondus.

Calor est qualitas calida: Humor, humida: Frigus est qualitas frigida. Siccitas, sicca. Calidum est partium subtilium, & minutissimarum, Frigidum est in multa & crassiore materia: ac quò quid calidius, eò subtilius; crassius quo frigidius. Calor omnis è cælo & præcipuè à Sole est: cæteræ qualitates elementis naturâ insunt, ac frigida omnia sunt per se, atque licet ab astris vniuersis calidum quid

&

& humidum promanet ac fluat, vis tamen illa non ita manifesta est, ac ea quæ à Sole caloris fonte emittitur.

CAP. III. *De Gravitate & levitate.*

Qualitates quæ materiam comitantur, duæ sunt graue & leue. Graue est quod deorsum fertur ad medium: Leue quod sursum ad extremum. Huc referantur axiomata illa. Quò pondus maius est, eò delatio celerior. Quò quid frigidius & humidius, eò grauius: tantòque leuius, quantò plus continet caloris: Sic propter eminentiorem naturalem calorem & tenuitatem vinum aquæ supernatat; vinòque oleum. Eadem ratione corpora animalium grauiora sunt mortua, quam viua, quòd calore vitali extincto, à frigore omnia aggrauentur. Idem iudicium est de corporibus simplicibus.

CAP. IIII. *De Aere.*

Elementa vera tria sunt: Aer, Aqua & Terra. Aer est elementum leue, frigidum, humidum tenuissimum: complectitur in se quicquid intra terræ marisque conuexum est, & Lunaris spheræ concavum. Distinguitur in tres regiones: quarum suprema propter cœli cui proxima est motum, calida est & leuissima; ob idque Ignis appellationem obtinuit. Media aeris regio, quod æthereum motum non sentiat, frigida manet, vt meteora quæ in ea generantur & montium altissimorum cacumina perpetuò niuè contacta, quòd ob defectum caloris liquefcere nequeat, indicant: nec huius loci aer sursum deorsumue nititur, sed ob frigus ac inferioris crassitiem compressus suo se loco continet.

CAP. V. *De quinque Zonis.*

Infima aeris regio terræ & aquæ est contigua: summitas eius se ad nubes vsque extendit: natura frigida est, nam nisi à Sole foueatur, ne vestigium caloris exhibet. Neque verò æqualiter à Sole calefcit, quo enim obliquius Solem respicit, eò minus caloris recipit: contrà, vbi eidem rectà subiacet. Qua ex causa in quinque plagas secundum

latitudinem diuisa est, quæ Zonæ dicuntur: quòd inferiorem mundum in longitudinem cingant & obducant. Harum media inter vtrumque tropicum sub Zodiaco sita, quia Solem vertici imminet habet, ardore maximo continuè feruet & æstuat, nisi quantum nocturno frigore & rore largiore mitescit: ceu Carolus Quintus Imperator cum Anno 1535. in Africam traiecisset suorum militum incommodo expertus est, quòd interdiu vehementissimo Solis ardore torrerentur, noctibus verò nimio rore perfusi propemodum rigerent. Torridæ Zonæ adiacent vtrinque temperatæ, vna ad septentrionem, altera ad meridiem; quarum initia ob torridæ Zonæ vicinitatem æstate calidissima sunt: extremitates frigida, media exquisitè temperata: hyeme autem omnino frigida. Continentur inter tropicos & circulos polares: Vltèrius, portiones eæ quæ inter arcticum antarcticumque circulum sub polis sitæ sunt, quod æstate longinquissimum, hyeme nullum habeant Solem, ac æternis niuibz rigeant, extremo horrent & squallent frigore. Et certè quis frigoris elementorum sit rigor: & quàm nullus illorum natius sit calor, ex frigore illarum regionum & hyemis cum Sole destituuntur satis compertum est. De plagarum hac distinctione Ouidius primo Metamorph.

*Viq, duæ dextra cælum totidemq, sinistra
Parte secant Zonæ, quinta est ardenior illis
Sic onus inclusum numero distinxit eodem
Cura Dei, totidemq, plagæ tellure premuntur:
Quarum quæ media est, non est habitabilis æstu,
Nix tegit alia duas: totidem inter vtramque locauit
Temperiemq, dedit mista cum frigore flamma.*

Aer itaq, inferior ob natiuum frigus partim, partim quòd vaporibus infectus sit, & impurus tã deorsum tendit, quàm sursum, illo fine, vt quæ nullo alio corpore occupantur compleat.

CAP. VI. De natura aeris.

HVmor aeris tenuis est, & aqueo plurimum dissimilis: quæ causa est, vt non velut aqua grauis sit, sed leuis ob
in-

insignem subtilitatem. Qua tenuitate ac mollicie animalium vitæ aptissimus est, & maximè utilis: nam attractus respirando cordis calorem refrigerat, vniuersumque corpus recreat. Et ne impedimento esset, ijs quæ motu ciuntur, cedit: neque enim si crassior esset auium volatu alijsque similibus percindi commodè posset: quam ob rem terga secantium mobilium ipse mobilior summa celeritate consequitur, & velut in se rediens amplectitur, ne quid vsquam relinquatur vacuum.

CAP. VII. *De Aqua.*

Aqua est elementum graue, frigidum & humidum, molle ac spissum. Humido constat crassiore: quare non solum humectat, sed etiam madefacit. Locus aquæ naturalis erat, quo terram vniuersam ambibat: verum propter viuentium commodum ad angustias redacta, terræ ima & decliua occupauit, & arctis littorum terminis terræ sinu continetur. in quam sententiam Sapiens, Proverbiorum octauo ait; Circūdedit mari terminum suum, & legem posuit aquis ne transirent fines suos: & Ouidius primo Metamorph.

Tum freta diffudit, rapidisq; tumescere ventis

Inssit, & ambita circumdare littora terræ.

Atque elementum aquæ nihil aliud est quàm mare, & ex iplo emanantes fluuij. Vtilitates aquæ multæ sunt: nam præter id quod Soli vapores ad irrigandas terras administrat, ad contractusque humanos iuuandum expeditum nauigantibus iter præbet; ad emolliendum in rerum compositione & commixtione plurimum valet: & quod summum, vitæ nutrimentum est præcipuum.

CAP. VIII. *De Aestu maris.*

Motu aqua siue mare non fluit, sed æstu agitur. Est autem Aestus fluxio maris reciproca, qua statò tempore ad littora accedit & recedit. Etsi verò multiplex sit, ac secundum cuiusque regionis situm naturamque variet, eius tamen genuina causa à cœlo dependet; & maximè à Luna: tametsi non parum à Sole iuuetur. Mare

G. iij.

igitur

igitur vt plurimum senis horis cum quadrante accrescit, æ summa littora premit; totidémque decrescit in altúmque redit: qua in re motum Lunæ planè sequitur: nam Luna prope horizontem existente, littora plena redundant; & mare obuia flumina retrudit: eadem meridianum cœli fastigium tenente, aquæ recedunt. Æstus eò plenior est, quò facies Lunæ maior; vnde plenilunio vehementior: Leuior quoq; ipsa in boreali Zodiaci parte degente, quàm australi, quòd ex obliquo minus virium habeat. Ergo hæc ratio est, cur mare vicenis quinis ferè horis bis intumescat, bis item resideat, vt Venetis & Mediterranei maris accolis satis notum est. Eadémque est ratio de Oceano septentrionali & Atlantico, præcipuè ad Nigri fluij ostium. Indici maris refluxus Alexandri Magni bellis est cognitus, cuius exercitum incautum & naturæ freti ignarum repentè inuaserat. Ad Caput Rubrum Africæ diuersus est, nam quaternis horis affluit, tanto impetu, vt nauigia plenis velis currentia retrò vrgeat: octonis autem recurrit: nam quò celerius accrescit, hoc lentius recedit.

C A P. IX. *De Maris falsedine,*

MAris ab alijs aquis differentiarum plures sunt: primum enim crassius est, ob idque ferendis nauigijs & ponderibus aptius firmitusque: deinde grauius: amarum item est & salsum. nam cum tenuissima & dulcissima pars Solis æstu absumatur, aut in sublime euocetur; quod impurius est pondere subsidet & permanet, vnde marinæ aquæ falsugo. Lepida de hoc maris sapore apud Qu. Curtium historia est de Indis barbaris, qui interrogati ab Alexandro quàm procul mare abesset; nescire se, sed trium dierum iter esse ad aquam amaram, quæ dulcem corrumpet, responderunt; naturali instinctu & simplici ingenio aquarum differentias ex qualitatuum varietate distinguentes.

C A P. X. *De Fluminibus.*

AQuæ itaque partim in vnâ abyssum reductæ sunt, partim in viuentium commodum per terram disper-
sa.

ſæ. Quæ hinc inde diffunduntur, fluxæ ſunt aut ſtabiles. Fluxa quæ perpetua ſcaturigine fluunt, vt fontes & flumina, quorum origo hæc eſt. In terræ viſceribus concavus eſt & amplius maris locus ſive abyſſus, è quo per crateras & cuniculos multis occultisſque ambagibus aqua fluitans ad terræ ſuperficiem deſertur; & exitum naſta erumpit; cuius Scaturigines, fontes dicuntur; ex quibus deinde pluribus riuulis confluentibus, flumen efficitur. in hanc ſententiam Virgilius Ariſtæum fingit ſubterraneum fluuiorum ortum viſiſſe, quarto Georgicon.

*Ibat & ingenti motu ſtupefactus aquarum,
Omnia ſub magna labentia flumina terra
Speſtabat, diuerſa locis: Phaſisq; Lycumq;
Et caput vnde alius primum ſe erumpit Enipeus;
Vnde pater Tyberinus, & vnde Aniena fluentia.*

Quò autem terra firmior eſt, eò fontibus ſcatet pluribus: ob id deſertis locis & arenosis nulli ferè ſunt: & in regionibus montosis frequentiores: vaſtiores namque montes fundamentum altius agunt: & terris interioribus continui fiſtulas eiſmodi plures excipiunt, in apertumque deducunt: Qua de cauſſa in Heluetia & alpibus eorum ſumma eſt abundantia; vt inde præcipui fluuij & maxime illuſtres originem ducant, Rhenus, Danubius, Ticinus, Rhodanus, alijque innumeri. In torrida Zona & locis maritimis fontes quidem rariores, ſed ampliores ſunt, quòd canales & meatus ortui vicinioreſ minus coarctentur: inde vaſtitas Nili, Nigri, Indi, Gangis & aliorum noui orbis. Ad extremum velut originem repetant, omnes in mare exonerantur; vt eſt apud Eccleſiaſten cap. primo, Omnia flumina intrant in mare; & mare non redundat, nam ad locum vnde exeunt flumina reuertuntur, vt denuo fluant. & Ouidius primo & octauo Metamorphoſeon.

*Mox amnes alij qui qua tulit impetus illos
In mare deducunt feſſas erroribus undas. Et*

*— — — O proxima terra
Regna vage, dixi ſorrite Tridentifer undæ
In quo de ſinimus, quo ſacri currimus amnes.*

G.iiij.

Eti

Etsi mare amarum sit, tamen fontes illa insuauitate non inficiuntur: nam per terræ venas transcolati, amaritudinem deponunt atq; potui fiunt apti. Ortus fluminum huiusmodi est: incrementum deinde duplici ratione suscipiunt, intra terram & extrâ. primum enim vapores in terræ sinu inclusi atque in aquam commutati per easdem cauernas ad scatebras prolabuntur, fontisque auctiores efficiunt. Deinde augentur flumina niuibus & imbribus: hinc inundationes. sic Nilus Ægyptum inundat Sole Leonis signum subeunte: Euphrates Mesopotamiam dum Sol Cancrum, Leonem & Virginem percurrit. Niger Nigritarum regionem eodem tempore cum Nilo: & de Achelôo refert Ouidius Metamorph. octauo:

*Multa quoque hic torrens niuibus de monte soluis
Corpora turbineo iuuenilia vortice mersit.*

Stabilium postremò aquarum duo genera sunt, collectitia & fontanea; illius generis sunt Lacus & Paludes: huius Putei. Omnia hæc Ouidius primo Metamorph. breuibus complexus est, his verbis:

*Tum freta diffudit, rapidisq; iunescere ventis
Iussit, & ambitæ circumdare littora terræ:
Addidit & fontes, & stagna immensa, lacusq;
Fluminaq; obliquis cinxit decliua ripis;
Quæ diuersa locis partim sorbentur ab ipsa,
In mare proueniunt partim campoq; recepta
Liberioris aquæ, pro ripis littora pulsant.*

CAP. XI. De Terra.

Terra est elementum graue, frigidum & siccum; densum ac solidum. Partes habet crassas & compactas: quæ causâ est quòd suo pondere aggrauata, infimùmque seu medium mundi locum complexa, immota persistat. Eius nanque centro in Vniuersi medio constituto, ac peripheria vtrobique æqualiter ab eodem extensa, iam non habet in quam partem vergat potius aut inclinet. Neque etiam animantium habitationi idonea esset, si aut in latera nutaret, aut pernici volubilitate in orbem ageretur. Atque hoc est, quod in manu Dei fines terræ consti-

tutos

tutos asserat Psalmus nonagesimus quartus, quod in aere mollissimo tam grande onus fixum tutò pendeat: siquidem cum ad centrum grauia omnia ferantur, ipsa in centro locata in nullam partem decidere possit. Etsi verò conuallium & montium imparitas rotundam terræ formam viciare videtur, tamen ad totius terræ molem comparata, nihil obstat quò minus sphaericæ sit figuræ. Plana itaque non est, sed rotunda. Porro eodem modo vt aeris pars inferior calore & frigore afficitur; nam frigida Zonæ gelu rigent, torrida æstu feruet, & temperatæ hyeme gelidæ sunt, æstate repidæ. Magitudo licet immensa sit, respectu tamen mundi totius est instar puncti: ambitusque statuitur quinque millium, quadringentorum miliarium Germanicorum: quorum quinadena singulis in cœlo gradibus respondent. dimetiens est mille septingentorum decem & nouem ferè miliarium. Homi-
nis, quadrupedum & reptilium parens est,
quos sustinet, nutrit & fouet. Molli-
tiem aeris & aquæ in concretis
consolidat, & durabilio-
rem reddit.

G.v.

PHY-

PHYSICORVM

LIBER QVARTVS,
DE GENERATIONE.CAPVT I. *Quid corpus mistum?*

D H V C dictum est de simpli-
cibus cœlo & elementis: nunc de mi-
stis sequitur. Corpus mistum est quod
ex elementorum commistione con-
stat: habetque materiam ex mutua
elementorum concrezione mistam:
& sunt reliqua corpora omnia. Eo-
rum primò affectiones communes considerandæ sunt, de-
inde distributio: comprehendunt autem affectiones mo-
tum sub se, & qualitates.

CAP. II. *Quid mutatio?*

M Otus vel mutatio est actus naturæ, quo corporis
misti status mutatur. Eius causæ ex primarum qua-
litarum actione dependent: per coniugationem
nanque illarum, facultas mutuæ mistionis oritur, & corpus
varias mutationes recipit. Agunt verò qualitates vel per se,
vel per accidens.

CAP. III. *De effectibus Caloris.*

C Alor præter id quod calefacit per se, omnium quoque
naturas conseruat; habet enim vim in se vitalem, qua
cuncta viuificat, quum nihil vita sit præditum, quod
calore est destitutum: Vegetat etiam; sic enim ex Solis
appropinquantis vicinitate stirpes virescunt; iuuenilis ætas
propter caloris abundantiam robusta est & alacris. Est &
môtus causa præcipua in animatis, Deficiente autem ca-
lore res paulatim ad corruptionem tendunt, sic enim rece-
dente Sole viuida marescunt, sic & vigor in senibus lan-
guescit. Arefacit præterea; dum humores exhaurit, vt in
humidis quæ ad ignem apponuntur, & cœno alijsque Soli
expositis

expositis videre est: æquinoctialis plaga torrida est atque arenosa, ob vehementes Solis æstus. Eadem ratione induratur, consumpto humido. Coniungit cognata, ut metalla eiusdem generis. Secernit quæ diuersæ sunt naturæ, ut metalla heterogenea. Laxat quoque, unde in balneis sudor apertis poris facilè effluit; & æstate deterior fit concoctio, quòd laxato corpore calor interior minus virium habeat: res prius calefactæ vehementius frigescent, quòd per calorem patefactis meatibus frigus facilius penetret. Attenuat, nam corpus spissum in rariores partes diducit: sic aqua calefacta attenuatur transiitque in fumum: fumus ulterius rarefactus in aerem: sic Sol suo calore nubes extenuat, discutit & consumit, in aeremque transmutat, nisi aliæ causæ impendant. Et quandoquidem quod extenuatur ampliorem requirat locum, quòd partes non amplius ita compactæ sint, sed rarefactæ: ideo res inclusæ si attenuentur, exitum quærentes vasa distendunt: & exitum natæ cum impetu erumpunt. quæ causa est, quòd vinum nondum defæcatum calore naturali viscosas & crassas partes attenuante efferueat, ac nisi aliquo exitu exastuet, vasa disrumpat. Simili planè ratione tormentorum bellicorum impetus & vis constat: nam pyrius pulvis igne accensus & in momento tenuifactus, cum nec per posteriorem sclopeti partem, neque per latera exitus pateat; antrosum erumpens, globum æneum qui obstabat, summa vi extrudit, propellitque: calida ergo multa sunt tenuia, quod maximè proprium sit caloris tenue esse. ut piper, cepe, casia: huiusque attenuationis vsus plurimus est in transmutatione aqueorum corporum in aerea. Elicit porro calor vires occultas, ut odores è floribus & aromatis: & hinc est, quòd umbra arborum graui odoris, valetudinem incommodet; nam Sol graueolentiam illam sudo aere euocatam qua radij pertingere possunt extenuat in aerem, quæ verò non perueniunt, ut in umbra, obstante ipsamet arbore, odor aerem inficit & cerebrum offendit. Sic Virgilius Ecloga vltima:

Surgamus, solet esse grauis cantantibus umbra:

Iuniperi grauis umbra: nocent & frugibus umbra.

Est enim hac ex causa quibusdam satis umbra aut nutrix aut nouerca. Calor item dissoluit : sic enim metallica liquefcunt. Penetrat postremo maxime quod partium sit subtilium . Plures caloris vires Virgilius primo Georgicon his verbis recitat :

*Sæpe etiam steriles incendere profuit agros
Atque leuem stipulam crepitantibus urere flammis,
Siue inde occultas vires, & pabula terræ
Pinguia concipiunt, siue illis omne per ignem
Excoquitur vitium, atque exsudat inutilis humor :
Seu plures calor ille vias, & cæca relaxat
Spiramenta, nouas veniat qua succus in herbas :
Seu durat magis, & Venus astringit hiantes,
Ne tenues pluuiæ, rapidæue potentia Solis
Acrior, aut Boreæ penetrabile frigus adurat.*

C A P. IIII. De Igne.

Calor si vehemens sit & vires habeat vnitas, in apto subiecto, ignem parit ; qui est calor excellens & ffcus : neque enim aliud est ignis, quàm caloris redundantia, & feruor quidam humidum aereum in sicca materia depascens . Aquea illi resistunt ; quod ffcitati repugnent : cætera omnia appræhensa absumit aut dissipat : habet enim miram vim penetrandi, cuius ratio verè Platonica in Timæo hæc est ; quod angulos pertenues, particulas exiles & velocissimum habeat motum. Consumptiuus totus est, nec quicquam generat ex se :

Nataq, de flamma corpora nulla vides

Ait Ouidius sexto Fastorum : Idque propter excessum, vt enim gelu frigoris excessus est, ita ignis caloris : in eo tamen differunt, quod vt calor præcellit origine (oritur enim è cælo) atque viribus, ita eius excessus, ignis, illustrior & notior efficacia est, glacie frigoris excessu. Duplex autem est ignis : nam aut in subtili, tenui ac pingui est seu multo seu exiguo, splendidus & lucidus, & flamma dicitur, quæ est spiritus sicci feruor : humidum. n. aereum à calore attractum & in aerem versum flammam concipit, quemadmodum & aereum ffcum : Ouid. 2. Fast.

Tunc

Tunc sicco primas irritat cortice flammæ.

Aut est in crassiore materia & splendidus tantum: cuius generis sunt prunæ & alia quæcunque non ardent. Ille in corporibus est aereis: hic in terreis vt lapidibus, & ijs quorum spiritus ficcus iam est absumptus vt in carbonibus ex lignis. In quibus aqueum humidum abundat ignem non concipiunt: vnde nec metalla; nisi prius liquefiant: ferrum tamen & alia quædam quæ plus terrenæ concretionis continent, ignescunt. Alimentum igni est tam ex humidis aereis quam siccis: fomes in solo sicco & maximè tenui: huc illud Virgilij 1. Æneid.

Ac primum silicis scintillam excudit Achates,

Suscepitq; ignem folijs, atque arida circum

Nutrimenta dedit, rapuitq; in fomite flammam.

Sunt & aliæ caloris vires, sed ignobiles.

C A P. V. De Frigore.

FRigidi effecta sunt, frigefacere: constringere: nam quæ calore liquæfacta sunt, si frigus superueniat, constringuntur, vt butyrum, metalla: hinc gelu si frigus sit excessiuum: hinc & septentrionalibus corpora pusilla: quod frigus circumstans sua astrictione non sinat corpus ad iustam magnitudinem venire. Heterogenea constringit simul & homogenea: vt plumbum & stannum: aurum & argentum, cæram & picem: aquam & vinum. Condensat quoque: hinc est, quod nubes non appareant, cum ab astris attrahuntur, donec ad mediam aeris regionem deuenerint, vbi halitus propter frigus condensantur: eadèmq; ratio est, cur halitus oris hyeme sub oculos cadat, qui æstate visum effugit. Obstruit quoque, vt hyeme facillè cibi concoquantur, quod poris frigore constrictis externo, calor intus seruetur vnitus: suntque ideo animalia in regionibus frigidis voraciora. Frigiditas etiam quæ obstruxit, stupefacit; nam expulso aut debilitato calore atque spiritu, nerui stupefcunt: sic manus frigefactæ ad quodcunque subtile opus fiunt ineptæ. Rerum natiuum calorem maximè vitiat, nam manus & alia ex frigore nigrescunt: folia arborum pruinâ perfusa colorem genuinum amittunt, & capilli

pilli senibus canescunt; quin & apud Septentrionales vrsorum, luporum, passerum aliorumque animalium canities ex nimia oritur frigiditate regionis.

CAP. VI. *De effectibus Humiditatis & Siccitatis.*

Humoris est humectare; emollit quoque, præsertim aerea; quæ nempe cum minus densa sint, humido quamuis crassæ substantiæ cedunt, mollescuntque. Diffuit; caloris quoque fomentum est, à quo ceu nutrimentum consumitur. Siccum, quoniam exsiccat, indurat quoque & retinet humida: iunctum est præcipuè terreæ materiæ.

CAP. VII. *De Antiperistasi.*

Proprij qualitatum effectus sunt eiusmodi: per accidens agere dicuntur, ex Antiperistasi: quæ fit cum interioris qualitatis vis per aliam contrariam extrinsecus obfidentem intenditur: vt hyeme propter frigus externum calor naturalis fontium inclusus coactusque, ac propterea auctior effectus fontes & puteos efficit calidos: sic locis frigidis febres vehementius vigent; sic poma palea obuoluta vnito intus calore maturescunt: Atque huiusmodi exempla in rerum natura licet infinita reperire.

CAP. VIII. *De actione & passione.*

Dictum est quid Qualitates efficiant: dicendum iam quo modo, quæue proportionem agant: qua de re hæc obseruanda sunt axiomata. I. Quæ inter se mutuo agunt & patiuntur, genere conueniant, differantque specie: vt calor & frigus, dulce & amarum: nigrum & album: hucque pertinet illud, Mutationem fieri per contraria. II. Inter agens & pariens ea requiritur proportio, vt agens fortius sit: itaque necesse est, Solis virtus stirpium euincat humidum, vt fructus producat: & calor epatis fortior sit quo chylum in sanguinem conuertat. III. In motu aptus requiritur contactus, per applicationem corporalem aut virtualem: sic ignis ollam calefacit, hæc aquam, aqua demum

carne

carnes elixat : hæc est applicatio corporea ; Astra verò tantum virtute agunt. IIII. Agens sibi patiens assimilat ; vt ignis aquæ admotus ipsam calidam reddit : sic alimentum in corporis nutriti substantiam transmutatur.

CAP. IX. *De Generatione.*

Motus causæ in vniuersum expositæ sunt ; distribuaturiam in motum essentiæ & adiunctorum : illo substantia mutatur, hoc accidentia siue qualitates. Motus essentiæ est generatio atq; corruptio. Generatio est motus quo corpus aliud ex alio mutata priore essentia, oritur : nam ad nouam essentiam constituendam, materiam ex qua fit, omnino mutari & formam penitus perire necesse est : atq; nisi pristina forma euanesceret, corpus idē permaneret : & nisi materia transmutaretur, forma alia indui non posset ; vt ex grano frumenti si in terram proiectum sit & materia primū putrefiat, ac formam deinde amittat resolutum planēq; transmutatum radices, culmen, ac noua grana producit : ex spermate sensim calore naturali concocto atque in membra efformato, embryo, statimque homo gignitur : ex flore & semine quod sub gemmula est, pomum, botrus.

CAP. X. *De Mistione.*

Ad generationem requiritur mistio, quæ est corporum per qualitatū actionem alteratorū coadunatio ; qua noua subinde veteribus succedunt, & quæcunq; sub Lunari globo existunt, in nouas continuè facies transformantur : & aqueum in aereum trāseat, & vice versa aer in aquam, aqua in terrā redigatur : vegetum crescat, germinet, luxuriet floridum marescat, emoriatur, ac statim sit aliud. Hæc rerum transmutatio cœli & elementorum mutuo consensu & actione efficitur : cum enim calor cœlestis procreationi aptus & vegetus in humidam sibi que diuersam elementorum substantiam agit, elementa ipsa in se inuicem conuertit, vnde variæ rerum generationes procedunt. Elementa nanq; quoniam propter rerum comodiorē propagationem commista sunt & impura, nullumque
sincerum

sincerum cernere licet, subinde alia in alia perpetua lege vertuntur : quare & naturæ inconstantis appellationem sunt nacta. De ea transmutatione Ouid. ex sent. Pythagoræ, 15. Metam. in hunc modum :

*Que quanquam spacio distant, tamen omnia sunt
Ex ipsis, & in ipsa cadunt, resolutaq; tellus
In liquidas rarescit aquas, tenuatur in auras
Aeraq; humor abit : demptis quoque pondere rursus
In superos aer tenuissimus emicat ignes.
Inde retrò redeunt, idemq; retextitur ordo.
Ignis enim densum spissatus in aera transit,
Hinc in aquas, tellus glomerata cogitur unda.*

Ignem addidit ex communi opinione : de terræ transmutatione si non manifestum, verisimile tamen est. Calor ergo & humidum quorum alterum è cœlo manat, alterum elementa suppeditant, præcipuæ mixtionis sunt causæ, ut etiam est apud eundem ; est enim in explicando rerum ortu multus & iucundus :

*Cætera diuersis tellus animalia formis
Sponte sua peperit, postquam vetus humor ab igne
Per caluit Solis, cænumq; vndeq; paludes
Innumêre æstu. fecundaq; semina rerum
Viuaci nutrita solo, ceu matris in aluo
Creuerunt, faciemq; aliquam cepêre morando :
Quippe ubi temperiem sumpsêre humorq; calorq;
Concipiunt & ab his oriuntur cuncta duobus.
Cumq; sit ignis aque pugna, vapor humidus omnes
Res creat, & discors concordia fœtibus apta est.*

Et quarto Fastorum, de Patilibus :

*An quia cunctarum contraria semina rerum
Sunt duo discordes, ignis & unda, Dei.*

Porrò in mixtione aut alterum in id quod exsuperat vertitur, aut vtrumque in tertiam aliam naturam : ut aqua in aerem, aut ex aqua, aere, terrâque virtute seminis adiacentem materiam alterantis arbor aut frutex. Obseruandus autem est mixtionis ordo ; cuius duo sunt gradus : primum nanque qualitates alterantur, deinde tota substantia vel attenuatur vel condensatur. nec enim quicquam sine rarefactione

factiōne aut concretione mutari potest, etiā si qualitates alterationem patiantur : neque etiā mutatur quicquam nisi prius qualitates sint commutatae : nam aqua non statim in aërem transit si calefiat, nisi etiā attenuetur : & aqua gelu constricta non continuò in terream materiā conuertitur, cū qualitas humidi non mutata sit. Vtrunq; ergo requiritur, vt nimirū & qualitates seu forma, & materia alterationem subeant : vt si aqua ad ignem apponatur, primum frigida qualitas in calidam mutatur, ea si vehementius ferueat, summa pars aquae incipit paulatim in vaporem attenuari, moxq; in aërem transit : ideoque sensim aqua videtur decrescere : eodem modo forsan & terra calore decocta & attenuata in aquam vertitur. E contrario iam aër frigefactus in aquam spissatur & cogitur, quod locis frigidis humidisq; euenit, inde enim in terrae cauernis & fornicibus aquarum distillationes. Atque haec elementorum transmutationis exempla sunt : commistionis eadem est ratio : nam ex elementorum confluxu, si calor Solis accedat, qualitates alterantur, statim & naturae quoq; rarefiunt, aut concrefcunt, sic enim terra varia insectorum, herbarū, fruticumq; genera germinat, sic granum tritici terrae sinu exceptū, calore interno, iuuante externo, humidū foecundū continguum attrahit & alterat : qua alteratione humidum externū attenuans & ipsummet rarefcens intumescit paulatimque transmutatur : iam siquidem prior essentia perijt, noua succedat, sequitur : cumq; lege naturae vnumquodque in suo genere sibi simile producat, nec nisi per abortum ab hac lege natura aberrat, noua triticea substantia è grano illo corrupto emergit, & fibrae veluti basis deorsum, mox culmen, arista, granum sursum enascuntur. Sic & lapides solent generari & metalla. Ea omnia cum in gremio terrae fiant, veteres Terram mistorum parentem vocarunt, quippe quae grauidata seminibus cuncta pariat & fundat ex se : stirpesque amplexa alat & augeat.

CAP. XI. De Corruptione.

Corruptio est motus quo corpus genuinam essentiam amittit : nam cū res ad perfectum habitum vigoremque peruenit, in eoq; aliquandiu pro suae naturae

H.

firmitate

firmitate aut imperfectione permanferit, nihil autem fit toto quod perftet in orbe, rursus ad interitum tendit; & corrumpitur eadem omnino lege, qua enatum fuit. Resoluitur autem materia, amiffa naturali forma, in elementa, vt lignum fi igne comburatur, quicquid in ipso est aereum flamma consumitur, aqueum in fumum tranfit, terreum-que in cinere purum quasi ac solum remanet. Imaginem corruptionis, fed maximè propter hominis interitum, antiquitas finxit Cerberum quasi *κρητὸς βορρῶν*, atque apud inferos mortuos omnes excipientem locauit. Sub corruptione compræhenditur putredo, cuius causæ duæ sunt, humidum aqueum & calor externus: extincto nanque nativo calore, externus separat; vnde corrumpit. Putrescunt quædam si aeri exponantur, eoq; citius, quò aer est calidior: quædam immota quoque & ab aeris iniuria immunia: facile enim putret quod quiescit: hinc aquæ stagnantes foetidæ. Aquea omnia facilius putrescunt, foetentque: nam cadauera animalium, quæ ex multo aqueo humido constant, graueolentia sunt; ligna abscissa non item quod parum admodum aquei humidi insit. & poma torrida quòd humido aqueo careant, in annos aliquot seruantur: carbones ob eandem causam solent limitib. diurni testes supponi, quòd propter exhaustum ab igne humorem à putredine immunes sint: & agricolæ sudium extremam partem terræ infigendam adurunt. Atque hæc est rerum naturalium conditio, vt nihil quicquam perpetuò perduret & persistat: nihil tamen pereat: dum enim vnum corrumpitur, alterum oritur; vt eleganter Ouidius demonstrat.

*Omnia mutantur, nihil interit: — Et post
Nec species sua cuique manet, rerumq; nouatrix
Ex alijs alias reparat natura figuras.
Nec perit in toto quicquam, mihi credite, mundo,
Sed variat faciemq; nouat, nasciq; vocatur,
Incipere esse aliud, quàm quod fuit ante: moriq;
Desinere illud idem.* —

CAP. XII. De Alteratione.

Motus adiūctorum dicitur Alteratio, qua in eodē corpore qualitas alia in aliam conuertitur, manēte subiecto

iecto incorrupto : vt aqua frigida calefit, manetque aqua. sic color viridis foliorum autumnalibus pruinis in flauum aut rubeum mutatur, folijs incorruptis : sic nubium rubedo vespertina in atrum colorem : sic vuarum acidus sapor in dulcem : talis est sanitatis & morborum mutatio & similia.

CAP. XIII. *De secundis qualitatibus.*

Mutatio exposita est; sequuntur Qualitates, quæ ad primarum differentiam Secundæ appellatur: quod ex primis oriantur. Eæ sunt duplicis generis; ita enim rebus insunt, vt partim ex contactu percipiantur, veluti tactiles & sapes : partim extra sensibus occurrant, vt colores & odores.

CAP. XVI. *Qualitates tactiles.*

Qualitates eæ quæ tactum concernunt in quinque duplicia eaque contraria genera distribuuntur : Primi generis sunt tenuitas, cum corpus partium est subtile, vt aer, aurum; Crassities, magnarum & crassium partium : vt terra, ferrum, ossa. Secundi est Raritas quæ partes habet tenuiter compactas; vt aqua, nubes, cineres, & herbæ poma; Densitas solidè compactas, vt silex, vt vitrum, glacies, aurum (ob id namque in latissimas bracteas diducitur) Tertij Mollities, quæ partium est lenium; vt cerasa matura, caro: Durities, densum crassumque vt metalla, ligna, lapides. Quarti, Leuitas, rerum politarum, ac partes habet æquales; vt vitrum; & polita omnia. Asperitas partium est humilium & prominentium; vt pumex, cortex. Quinti est Lentor, qui partes habet tenaces & glutinosas, vt viscus, pix, cæra; cui contrarium Friabile partes habet non cohærentes, ac facile atteritur, vt sal, saccharum, arena. Exempla sunt apud Virgilium, de differentia soli in Georgicis. Tenue & rarum à caliditate oriuntur: crassum, densumque à frigore: molle, læue, lentum ab humiditate; durum denique asperum friabile à siccitate.

CAP. XV. *De Saporibus.*

SApor est succus in materia mediocri ex calore aut frigore cōcretus. Crassissima quæcunq; insipida sunt: elementa quoque simplicia & pura, quod nihil concretionis habeant. Saporum genera principalia duo sunt; dulce & amarum. Dulcis sapor enascitur ex humido tenui & aereo; mediocri calore temperato; vt sacchari, mellis, glycyrrhizæ, lactis, & pinguium aliorum: iucundus est & gratus. Amarus huic contrarius est materia est sicca, multo calore concocta: cuius generis sunt absinthium, gentiana, marina aqua. Extremi hi sunt; quorum medij statuuntur Astringens, acidus, acris, & salus. Priores duo à frigore generantur: nam ex substantia crassiore & frigida fit astringens, qui sub se compræhendit Austerum, qualis pomorum immaturorum: è tenui verò siccaque, tum mediocri frigiditate fit acidus, vt aceti, oxyacanthæ. Salus est medius inter dulcem & amarum, constatque calore moderato in temperato humido aut sicco: vt salis. inimicus est stirpium nutritioni, quapropter nulla aut rara eius in plantis exempla reperire licet. Acris denique ex vehementi calore in tenui & sicca humidæue est materia. vt in cepis. Zinzibere, pipere, nasturtio.

CAP. XVI. *De Odoribus.*

ODor est halitus à terreo sicco simul & humido per calorem attenuato emanans: si enim siccum terreum humore mediocri dilutum atque calore percoctum maturatūque fuerit, vapor exhalat, pro rei natura acer ac vehemens, vel angustus & hebes. Est verò odor vel suavis & fragrans, vel teter ac fœdus: inter quos medius ille est, qui nec gratus nec insuauis fit. Atque hucusque veteres progressi sunt, odorum genera à saporum appellationibus mutuantes: peculiarem ac genuiuam distinctionem Cardanus constituit, sumpta denominatione ab ipsis rebus odoratis. Fragrans itaque alius est in frigida natura, alius in calida: frigidi & sicci est Suauis, vt rolarum: frigidi & humidi Amænus, vt violarum: calidi autem sicci si calor vehemens fit, est Aromaticus, qualis moschi, Zibethi, thuris,

ris, croci & cæterorum aromatum : si calor mediocris & in materia tenui, fit Antherinus, vt liliorum, chamæmeli: si siccum à calore mediocriter fit concoctum, fit Melleus, qualem edunt saccharum, saluia, vinum : à calido & humido est Mollis & dilutus, vt è pane, carnibus coctis, alijs-que edulij. Odor teter item alius ex frigore fit, alius ex calore : nam à frigore sicco humidus fit Grauis, vt solani, mandragoræ : à calido sicco multum terrenæ crassitie habente Agrestis, vt ruthæ, mentastri, & complurium syluestrium herbarum : à calido denique & humido foetidus & putridus : ille cæparum & allij est, hic putridorum : ea si prorsus computruerint, gignunt Marcidum, vt cadauera, firmus : si leui putredine corrupta sunt, Rancidum, vt carnes salitæ, lardum. Inter hos medius locatur frigidus Oleaceus, sub quo olera compræhenduntur: hic inter bonum odorem ac malum, mediocritatem tenet.

CAP. XVII. *De Coloribus.*

Color est fulgor in perspicuo terminato, & lumine illustrato, variam ratione temperamenti faciem visui offerens. In solo terminato est, nam perlucida indefinita, colorata non sunt; neque enim si essent, visum transmitterent : aut si colorata sunt, pertenui colore constant: vt aer, aqua pura, vitrum & eiusmodi: Quod tanta in coloribus diuersitas sit, causæ sunt duæ : humidum corporis & lumen : Vt enim corpora vario humido arefacto, concreto, maximè, leuiter aut nihil decocto constant, multum-que luminis aut modicum admittunt, ita varios concipiunt colores : quorum etsi infinitæ differentiæ sint, omnes tamen ad certa genera deducuntur. Sunt verò alij simplices, alij misti.

CAP. XVIII. *Colores simplices.*

Simplices duo sunt primarij, è quorum concursu & commistione reliqui exsurgunt, Albus nempe & Niger. Albus fit cum humor arefcit aut cogitur : vt in calce, sale, saccharo, vt & in niue & spuma aquæ, vbi aer inclusus cogitur : in lacte, vbi humidum aereum puro aqueo

H. iij.

per-

permixtum spissatur (nam lac multo aereo humido constare, indicio est pinguedo & butyrum: simulque album ex aere spissato fieri lactis candor ostendit) in charta, cortice ouorum. ubi aer puro terreo commixtus & inclusus coarctetur: in albumine, cuius eadem est ratio quæ lactis. Fit ergo album propter internum aerem ob eximiam tenuitatem plurimum luminis continentem: & quia luci affinis est, comites habet splendorem & nitorem. Niger albo ex diametro contrarius, in crassa & terrea substantia, fit aut aereo humido adusto, aut aqueo humido crudo terræ commisto: sic enim aere excluso opacum efficitur corpus: prioris generis sunt carbones & fuligo: nam humidum exhalans à flamma adustum atrum efficitur: quæcunque enim ignis allambit, nigra fiunt. Ad alterum genus pertinet solum ex abundantia humoris atrum, qui propter penuriam caloris excoqui non potest. ob eam enim causam hoc terræ genus fouendis nobilioribus floribus aptum est, quod multum nutriat propter copiosum humidum.

CAP. XIX. *Colores misti.*

Secundarij ex commistionis simplicium colorum proportionem oriuntur: suntque alij medij inter vtrumque simplicem, vt rubeus, puniceus, viridis & cæruleus; alij alterutro extremorum magis similes, vt flauus & fuscus. Rubeus constat albi & nigri portione æquali: atque à nigro multum humoris, à candido lumen mutuatur, vt color sanguinis: quod si lumen insit splendidius, dicitur Purpureus, qualis est purpuræ. huic non absimilis est Flammeus, qui in summa parte flammæ cernitur, ex fumo nigro & lumine permixtis: veluti & auroræ est, atris nubi- bus obscuro exsurgentium radiorum lumine illustratis. Ex subobscurò humido, & nitente candore fit Roseus, albi proportionem ad nigrum sesquialtera.

Hic color aprica pendentibus arbore pomis.

Rosarum quoque est, & ætatis iuuenilis. Croceus clarior est ex dupla albi proportionem ad nigrum. Puniceus vnâ partem albi, duas nigri continet; candidum autem splendidum postulat, idemque dicitur Violaceus, qualis in
viola

viola flore. Cœruleus in sesquialtera nigri ad album est: continet namque tres nigri partes, duasque albi: talis apparet aer sudo & sereno cœlo: nam vapores puri lumen Solis recipientes, visusque radios in interminatam ceu profunditatem transmittentes hunc colorem referunt: est & hic color sapphyro gemmæ. Viridis in sesquiquarta est nigri ad album: constat enim quatuor albedinis, & quinque nigredinis, nec minus multo humore quàm nitore, ita ut nihil aliud sit, quàm humor nitidus. quamprimum enim crassum humidum leuiter excoctum est, atque in poros aërem admittit, virescere incipit, ut argumento sunt concavitates sæpius ab imbribus madefactæ: quæ cum ex impluviis nigredinem conceperint, ac plusculis diebus Solis calore aruerint, viridia fiunt. sic gramina foliaque arborum humore nigra, raritate aërem admittentia hunc colorem concipiunt. Colores ii qui extremis affines sunt, oriuntur non ab utroque simplici, sed ab altero tantum simplici & rubeo qui inter utrumque simplicem æqua proportionem medius est. Flauus ergo in dupla est albi ad rubrum: huius coloris sunt maturæ segetes, vitellum oui, diciturque luteus & fulvus, qualis leonum est, & aureus, qualis orichalco, & auro sed splendidior: constat humore arefacto, neque enim prius aristæ flavescent, quam humidum deficiat. & autumnus viridis frondium color evanescere humido naturali in luteum commutatur: nonnunquam in rubrum adusto humido: quod vero poma & cærata primū herbacea flavescent, ac postremo rubescant, tametsi humidum non solum non absumatur, sed magis accrescat, alia ratio est: nam humidum primo crassum est & crudeum, velut durities indicat, paulatim vero percoquitur, rarescit & aërem admittit, ac denique a Solis adustione ruborem concipit, ut ex eo colligere licet, partem eam quæ ad Solem versa est, priorem rufescere. Ut flauus albo, sic Fuscus nigro est affinis. constatque duabus nigredinis, & una ruboris partibus: dicitur præterea terreus, lividus, atque pulvis: inest arborum durioribus corticibus, & lapidibus compluribus. Atque hæc de communibus corporum naturalium qualitatibus.

CAP. XX. De Sono.

POtest affectionibus naturalibus Sonus annumerari: licet enim non fiat commistione, fit tamen collisione. Sonus est aer à scissione vel collisione corporum percussus. Edit nanque aer sonum si diuidatur & subito recurat, vt vibratione flagri & pulsu chordarum citharæ; aut si collisu duorum corporum protrudatur, vt complosione manuum, & rerum aliarum, vel etiam attritu. Peruenit ad aures sonus non secus per aerem in gyrum vndas ciens, quam si lapillus in aquam stagnantem & tranquillam missus in circuitum vndam alteram alterâ commouere videtur, & propellere, donec paulatim deficiunt, aut à ripa occurrente excipiantur. Quæ ratio est, cur sonus propius auditus vehementior sit, è longinquo debilior: cur item remotioribus locis non statim vt editur percipiatur: vt tormentorum bellicorum & tonitruum experientia demonstrat, quorum fragor non eodem temporis momento loco longinquiore percipitur quo fulgetrum cernitur. Sonus ad parietem ex aduerso situm delatus, ac reflexus congeminitur, vocaturque Echo: contingit cum sonus nondum debilitatus ad montes, mœnia, syluas, aduersa littora ferit, ac solido obstaculo percussus resilit rectâ illuc vnde venerat. De eo ita Ouidius tertio Metam.

Vocalis nymphe, quæ nec reticere loquenti,

Nec prior ipsa loqui didicit, resonabilis Echo,

Inde latet syluis, nulloq; in monte videtur.

PHY-

PHYSICORVM

LIBER QVINTVS, DE METEORIS.

CAP. I. *Quid Meteoron?*



ABSOLVTA est Physices generalior pars & obscurior de Natura, Cœlo & Elementis; de corporum mistorum causis & affectionibus: quæ sequuntur notiora sunt, nec minus iucunda. Veniamus ergo iam ad corporum mistorum genera: ea duo sunt, vnum imperfectum, alterum perfectum. Imperfectum dicitur quod propter imperfectam mixturem durabile non sit, cuius generis sunt Meteora, Est autem Meteoron corpus exhalatione vi astrorum excitata formatum: Sol enim adiutus stellarum positu è terra humente & aquis halitus elicit, ex quibus in altum deductis diuersa meteororum genera formantur.

CAP. II. *Meteorologie diuisio.*

Meteororum primum spectanda sunt genera; secundo affectiones. Est autem exhalatio *αἰθρὴ* quæ è terra vel mari excitatur duplex, sicca vt fumus, humida, vt vapor. Fumus *καπνός*, est exhalatio tenuis, calida, & sicca: itidem duplex, crassa glutinosa & maximè calida, quæ ab astris inflammatur: & rarior, quæ quia non viscosa est à Sole in tennes auras dissipatur & euanesce. Illius generis sunt meteora ignita, quorum tres sunt gradus; nam quæ calidissima sunt in supremam aëris regionem à sideribus pertrahuntur & accenduntur, vt Cometae, docui: imagines nonnullæ animalium: quæ mediocri calore prædita sunt, in media regione generantur, vt, Fulmẽ, virgæ ardentes, lucerna: quæ minus calida sunt, fiunt in infima, vt Stellæ Castores, transuolantes, lampas.

Cometes exhalatione constat viscosa summè calida & compacta, quæ à planeta vel alio sidere eleuata, à Sole accensa, in aere proiectis à se crinibus per dies aliquot veluti stella ardet ac lucet. Meteoron nobilissimum est, cum propter magnitudinem & diuturnitatem, tum propter motum & futurorum significationem. Eius materia quo copiosior est & compactior, eò longinquiore tempore cernitur: ad summum octoginta diebus, ad minimum septem. Motus cometæ erraticus est ad modum planetarum: mouetur enim ab occidente in ortum (præter eum quo diurno tempore ad motum cœli circum terram fertur) accedit ad æquatorem & recedit, non secus ac si radijs Solaribus protrudatur, & à sidere quo euocatus est in varias cœli partes deducatur. Excitatur autem à Saturno, Marte, aut Mercurio; qui cum fumum pinguem è terra in altum euexerint, nec vltèrius eleuare queant, in orbem secum agunt, pertrahuntque tamdiu, donec motu pinguior pars conglobata ac condensata sparsis circum aut à tergo partibus rarioribus, totus postremò à vicino Solis calore inflammatur, rutilusque aut pallidus secundum planetæ regentis vires moueri cernitur. Ex comæ crinibusque figura varias nactus est denominationes: verùm ad has rediguntur species: prior est *diouus* forma rotunda, altera pogonias barbæ figura, tertia Ceratias, cornuum: quarta Acontias, iaculi: quinta Xiphias, gladij. Anno 1577. visus est Cometes insignis prope Saturnum qui tum in dodecatemorio Capricorni erat, comparuit primum nono die Nouembris informis non procul à Sole: post tres dies (nam interim propter obnubilatum cœlum conspici non potuit) videbatur fulgente globo, cauda ingenti ad ortum hyemalem porrecta tantæ magnitudinis, vt globo horizonti vicino, caudæ extremitas ad meridianum vsque circulum extenderet sese: sed infra paucos dies imminuta est. Porro horizontem subibat cum medio Sagittarij, cum primum visus est; sextodecimo verò die Decembris circa primas partes Piscium cernebatur. Latitudo ab æ-

quatore

quatore initio erat octo circiter graduum ; postremo sex & viginti, nisi quod parallaxis minorem ostenderet, quàm reuerà erat. Vnde constat facta supputatione, (non tamen accurata adeò) cometam quotidie progressu in ortum gradum vnum & minuta fere quadraginta confecisse : motus in latitudinē inæqualis fuit ; celerior enim ad extremum videbatur, quàm initio. Consequuntur cometas æstus, squallor, siccitates, ex quibus sterilitas, immutatio valetudinis & *pestis* ; magnatum quorum corpus curis, vigilijs & aromaticis cibis attenuatur interitus : Virgilius decimo Æneidos :

*Non secus ac liquida si quando nocte Cometæ
Sanguinei lugubre rubent, aut Sirius ardor
Ille sitim, morbosq, ferens mortalibus ægris
Nascitur, & læuo contristat lumine cælum.*

Et Lucanus primo :

————— *Terris mutantes regna Cometæ.*

Verùm hæc contingentia sunt ; non certa : tametsi non sine rerum futurarum præfagio appareant.

CAP. II. De docis & Capris.

TRabes, *δρόσι* dicuntur cum fumus tenuis & condensatus æquabilis & oblongus in aere accensus conspicitur. Capræ *αἶψα* dicuntur cum fumus concretus à stellis paulatim inflammatur & agitur ; vnde saltantes vocantur. Sortiuntur plura nomina ob varias figuras, equi, clypei, globi, *νεφελῶν*.

CAP. V. De Fulmine & coruscatione.

QUæ in media aeris regione gignuntur, calida quoque sunt & sicca ; sed quia copiosiora & crassiora exiguo tempore ascendunt, non subtilia & paulatim ut priora, ideo in supremam partem aeris peruenire non possunt, quòd à frigore mediæ regionis statim cogantur & reprimantur. Horum primum est Fulmen, quod fit cum fumus vapore humido & aeris frigiditate compressus

ac conclusus dum calor interior frigore circumfistente intenditur & æstuat, exitum quærens per inferiorem nubis partem erumpit & vehementi impetu in terram defertur. Fulmen duplex est: comburit enim aliud, aliud perrumpit: illud glutinosum est, & spissum, quare & flammam concipit: hoc quia pingue non est, non accenditur, sed obuia quæque dissoluit, densiora perscindit & dissipat: subtilia ac tenuia amburit, penetratque sæpe etiam illæsis extremis si porosa sint & cedant, penetratiora quæ tenuitati resistunt, perfringit & comminuit. Coruscatio est halitus tenuis & rarus ex nimio calore repente inflammatus duâsq; habet species; Fulgur quod cum fulmine cliso emicat, & fulgetrum fumi rarioris inflammationem sine nubium fragore, qua aëris vapores consumuntur & purgantur.

C A P. VI. *De Stipulis & Facibus.*

Stipulæ ardentes vel virgæ, prædictæ constant, ex fumo raro, sparso, in longum porrecto, & inæqualiter accenso, qui velut scintillæ micare videtur. Fax fumus est viscosus æquabilis qui in modum facis inflammatus ab astris, ardet. Eius plura sunt genera; primò lampades (sub quibus Candelæ, Lanceæ, & Ignis perpendicularis) in imo ad modum pyramidis latiores: deinde Bolides figura iaculæ vel sagittæ: sic apud Virgil. 5. Æneidos.

*Namq; volans liquidis in nubibus arsit arundo
Signauitq; viam flammis, reuulsa recessit
Consumpta in ventos.*

Plura possent enumerari, sed rara sunt naturæ ostenta.

C A P. VII. *De Stella transuolante & Castore.*

Stellæ transuolantes fiunt cum fumus conglobatus a frigore mediæ regionis cum primùm astrorum virtute ardere cœperit, ad terram trāsuerfim deiicitur: huiusmodi per annum plurimæ cernuntur frequentiores etiam autumno: Onid. secundo Metam.

*Longoq; per aëra tractu
Fertur, ut interdum de cælo stella sereno,*

Est

Etsi non cecidit, potuit cecidisse videri.

Et Virgil. secundo Æneidos.

De cælo lapsa per umbras

Stella facem ducens multa cum luce cucurrit:

Illam summa super labentem culmina tecti

Cernimus Idea claram se condere sylva,

Signantemq; vias

Stella Castorea, πολυδεύκης, ignis fatuus, & erraticus globus est crassæ materiæ nonnihil humoris continentis, qui vi ventorum coactus, ab astris accensus, circa terras volitat. Mira huic est natura, ut ferunt; solet enim homines noctu iter facientes comitari; quinetiam nauigiorum malo, antennis, aut rudentibus insidere: triste omen si solitarius; felix si geminus appareat, nam si vnicus conspiciatur; Helenam dicunt, imminens nunciare exitium, si duo, Castorem & Pollucem propitios securitatem præstare, & Isocrates in Helenæ encomio asserit ipsos in mari conspectos, periclitantes seruare. Ouidiûsque ad finem quinti Fastorum, ait esse

Vtile sollicitæ sidus utrumq; rari.

Ideoque illos nona Elegia primi Tristium inuocat. Non multum dissimilis est Ignis allambens, qui leui tactu crines vestesque hominum demulcet: de quo Virgil. secundo Æneid.

Ecce leuis summo de vertice visus Iuli

Fundere lumen apex, tractuq; innoxia molli

Lambere flamma comas & circum tempora pasci.

Cuius præter poetica exempla quæ multa sunt, historicum est, de Seruio Tullio puero, è cuius capite ignem emicuisse præter alios Liuius & Cicero de Diuinatione tradunt.

CAP. VIII. De Tempestatibus & Tranquilis.

FVmorum primum genus fuit de ignitis meteoris, alterum de aëreis est calidum item & ficcum: Cæterum quæ sequuntur meteora tam aquea, quam aërea, vnâ cum fulmine, Tempestatis nomine ferè censentur, quibus contraria Tranquilitas dicitur aër sudus, filens, & clarus; omnisque

omnisque turbidarum exhalationum perturbationis expers; eodem sensu serenitas dicta. Fit cum Sol supra horizontem constitutus astrorum apto positu adiutus aut non impeditus vapores è terra marique ascendentes priusquam ad mediam aeris regionem deueniant coganturque, vel etiam coactos iam dissipat & consumit: aut cum exhalationes illæ vnà cum Sole descendente in occasum, in terram sese demittunt, euanescentque: illud interdiu contingit, hoc noctu, & hinc rubedo vespertina: quod cœlum sub vesperem subnubilum sæpe, postridie serenum illucescat. Hyeme non ratò serenitas oritur diuersa ratione, ob immodicum frigus quod æstum stellarum halitus excitantem restringit. Terra æstiuo tempore turbulentior est ac vehementius sæuit: mare hyberno.

CAP. IX. *De Ventis.*

AErea meteora fiunt vel in aere, vt venti, vel in terræ visceribus, vt terræmotus. Ventus duplex est, status alius & mediocris, alius repentinus & tempestuosus. Ille Ventus propriè dictus, fumus est tenuis & subtilis, qui dum in sublime perducitur colluctatione cum frigoris mediæ regionis, tum ascendentium subinde halituum retrusus ac transuersim repulsus secundum terræ planitiem mouetur. Aura dicitur cum leuiter afflat & ventilat: Ouidius septimo Metamorph.

—————*Repetebam frigus & umbram,
Et quæ de gelidis exhibat, vallibus auram;
Aura petebatur medio mihi lenis in æstu.*

CAP. X. *Distributio Ventorum.*

Ventorum alij principales sunt, alij à principalibus orti: Principales siue Cardinales qui mundi cardines obtinent, sunt quatuor. I. Subsolanus *ἀπὸ τοῦ ἡλίου* qui ab ortu spirat, dictus etiam Eurus. II. Septentrio *ἀπὸ τοῦ βορρῆος* à septentrione Boreas dictus. III. Fauonius *ἀπὸ τοῦ βορρῆος* ab occidente: IIII. Auster, *ἀπὸ τοῦ νότου* à Meridie: de quibus Manilius:

Asper

*Affer ab axe ruit Boreas, fugit Eurus ab ortu;
Auster amat medium solem, Zephyrusq, cadentem.*

Et Ovidius primo Tristium, elegia secunda:


Nam modo purpureo vires capit Eurus ab ortu

Nunc Zephyrus sero vespere missus adest,

Nunc gelidus sicca Boreas bacchatur ab Arcto,

Nunc motus aduersa praelia fronte gerit.

Orti è principalib. sunt partim collaterales, partim intermedij. Collateralium octo sunt, quorum bini singulis cardinalib. vtrinque coherant, I. Subsolano Vulturhus *Ευρος* ab ortu hyberno, & Hellepōrias, *ἠελιός* ab ortu æstiuo. II. Septentrioni ad orientē Aquilo *Βορέας*; ad occidentē Circius Gallicus



ἠελιός. III. Zephyro Corus, Iapyx vel *αἰγέρις* ab occasu solstitiali, Africus, *αἰφ* ab occasu brumali. IIII. Austro Libonotus ad occasum; Euronotus ad ortū. Hos collaterales distinguunt

distinguunt quatuor Intermedij Boreapeliotes inter ortū & septentrionem; Bèreolibicus inter septentrionem & occidentem; Notolibicus inter occasum & meridiem: Notapeliotes postremò inter meridiem & orientem. Atque hæc est plena & perfecta ventorum enumeratio, tam eorum qui veteribus noti fuerunt, quàm quos recentes addiderunt. Suntque in vniuersum sedecim, vt in hac tabella ordine depictos cernis. His totidem præterea nostri sæculi naturæ addunt; ipsorum nanque Index duos & triginta continet, quibus tum vehendis mercibus, tum indagandis nouis regionibus vtuntur.

CAP. XI. *Effectus & vires Ventorum.*

Commune est ventis omnibus exiccare: humida enim ex flatu ventorum arefiunt omnia: solent nonnulli serenitatem adferre nonnulli, pluuias & nubila: ob idque vel sicci vocantur vel humidi, calidi vel frigidi. Eurus Orientalis (retineatur enim vsitatum nomen) cum collateralibus calidus est & siccus. Zephyrus tepidus & humidus. Auster calidus & humidus. Aquilo frigidus & siccus. Eurus & Zephyrus rariores sunt, quod propter vicinum Solem sub quo oriuntur, frequenter priusquam ascendant consumantur: imo Eurus in nostris regionibus nullus ferè est. Frequentiores sunt Notus & Boreas: atque hic etiam illo crebrior quòdeius exhalationes obliquis Solis radijs minus dissipari possint. Zephyrus iucundus est & placidus, ob eamque causam poetæ ipsum aurea ætate & apud Elysios spirasse finxerunt; Ouid. i. Metam.

Placidiq; repentibus auris

Mulcebant Zephyri natos sine semine flores.

serenum asserebant; pluuium tamen experientia ostendit. Auster nubilus & procellosus est; eius pulchra descriptio est in diluuiò Deucalionis primo Metam.

Madidis Notus euolat alis

Terribilem picea reclus caligine vultum:

Barba grauis nimbis, canis fluit vnda capillis,

Fronte sedent nebulae, rorant pennaq; sinusq;

*Visq; manus latè pendentia nubila pressit,
Fui fragor & densi funduntur ab æthere nimbi.*

Noxius est & grauis tam rebus inanimis, quam plantis animalibusque: exedit qua parte afflat parietes & frumentas floribus obest: Virgil. 2. Ecloga:

— *Immissi floribus austrum.*

Hominibus morbos creat & pestem. Boreas etsi serenitati, autor sit, & nubila pellat, non minus tamen horridus est, ut de eius sæuitia historiæ septentrionalium regionum multa memorant; & Ovidius expertus est, libro Tristium tertio, elegia decima: ubi ait

*Tantaq; commoti vis est Aquilonis, ut altas
Æquet humo turres, tectaq; raptâ ferat.*

Eius plena descriptio est ad finem sexti Metamorph. ubi de seipso in hunc modum loquens inducitur.

*Apta mihi vis est, hac tristia nubila pello,
Hac freta concursio, nodosaq; robora verro,
Inducoq; niues, & terras grandine pulso,
Idem ego cum fratres cælo sum nactus aperto
(Nam mihi campus is est) tanto molimine luctor,
Ut medius nostris concursibus insonet æther,
Exiliantq; cauis elisi nubibus ignes,
Idem ego cum subij conuexa foramina terræ
Supposuiq; ferox imis mea terga cauernis
Sollicito manes, totumq; tremoribus orbem.*

Obest plurimum plantis & fructibus si verè sit durior: nam

— *Boreæ penetrabile frigus adurit.*

Orientales venti minus noti sunt: nec quicquam memorabile de ipsis traditur, præterquam Cæciam solstitialem nubes ad se trahere, cum alij venti propellant: fit verò quod flatu habeat incuruos & reflexos: nam in terram delati sursum versus refringuntur, cælumque repetunt, unde obuias nubes putantur attrahere. Mantuanus ecloga tertia:

*Fæmina Cæciaco, res mira, simillima vento est,
Qui trahit expellens mendaci nubila flatu.*

Porro Zephyrus verè est frequentior: à solstitio æstiuâ vigent Etesia, dicti quòd annuatim statò tempore spirant;

rent; incipiantq, secundum Ptolomæum circa viceſimum primum diem Iulij : genus eſt aquilonis lene & ſalubre. Autumno Africus; à bruma auſter ſpirat, ſeu Ornithiæ ab auium aduentu ſic vocati, eteſijs imbecilliores. Contrarij qui ex diametro diſſident nunquam ſimul flare poſſunt, vt collaterales. Apud Antipodes noſtros contraria ventorum eſt ratio; meridionales nanque illis ſunt frigidi, quia polo illi ſunt viciniore; aquilones calidi, quòd eſt torrida Zona ortum ducant.

CAP. XII. De flatibus repentinis.

Repentini flatus dicuntur Procella vehemens, *ἐντοπία*; Igneus turbo, *καπνιστή* : & Vortex *ὀρβάν*; venti ignei vehementi impetu cuncta diſſipantes. Exiliunt è nubibus conſciſſis vt fulmen; vnde ad illius naturam proximè accedunt. Ecnephias & Preſter in materia ſiccior ignem exſuscitant : Preſter etiam & Typhon vorticofi ſunt, inque gyrum rotantur.

CAP. XIII. De Terræmotu.

Terræmotus *σεισμός*, fit cum flatus in cauernioſis terræ locis ab aſtris excitati, aut per meatus paulatim ingreſſi, à calore attenuantur, & intumeſcunt; dumque exitum quærunt & terræ ſoliditate cohibentur, ipſam fluctuante æſtu quatiunt & vibrant. Montoſa maximè concutiuntur; ſæpius maritima. Contingunt terræmotus Sole ortui aut occaſui vicino, noctu frequentius, ſedatis ventis, cœlo tranquillo. Triplices ſunt; Chafmatici terra dehifcente aut ſubſidente: Braſtæ terra intumeſcente cum montes exſurgunt; Epiclintæ cum tremunt, cuius iterum tres ſunt ſpecies; Succuſſio, qua terra ſurſum, deorſumque mouetur: Inclinatione cum hinc illincque nutat: & Tremor cum vibratur. Quatitur verò grauius ſi halituum copia multa ſit: leuius ſi exigua. Atque tùm ex ſpirituum copia, tùm ſitus & concauitatum forma tremor aut ſtatim deſinit, aut in multum tempus perdurat; & vt plurimum dies quadraginta: ſi verò ſpiritus alij alijs ſubinde ſuccreſcant, & erumpentibus prioribus ob terræ humorem à calore in

auras attenuatum noui succedant, eam terræ plagam per integrum annum vel etiam biennium vexari ferunt & agitari. Friburgi Brisgoiæ anno Christi 1574. mense Augusto sub noctem media post Solis occasum hora, terræmotum vidimus: aer tranquillus erat, cælum serenum nisi quod tenues nubeculæ sparsim in longum porrectæ videbantur. Succussio fuit leuis quidem sed tractu longiore: extenderat enim sese Basileam vsque. Tacitus scribit vnâ nocte terræmotu in Asia duodecim celebres vrbes intercidisse, libro secundo. Tempore Constantini Orientem plerisque locis terræmotus anno integro concussit, referente Socrate libro quarto. Anno vno iugiter quoque terræmotu perseuerante Constantinopoli ædificia plurima & templa corruerunt, vltimis annis Leonis Isaurici. Pythagoras de terræmotibus apud Ouidium ita:

*Vis fera Ventorum cæcis inclusa cauernis
Exspirare aliquâ cupiens, luctataq; frustra
Liberiore frui cælo, cum carcere rima
Nulla foret toto, nec peruia flatibus esset
Extentam tumefecit humum, ceu spiritus oris
Tendere vescam solet, aut direpta bicornis
Terga capri, tumor ille loci permansit, & alti
Collis habet speciem, longoq; induruit æuo.*

CAP. XIII. De nubibus.

EXhalationum primum genus expositum est; alterum sequitur. Vapor *arctus* est exhalatio crassior, calida & humida. Aquea est prorsus, ob crassum humorem fumo sicco contrarium: qua ex causâ huius generis meteo-
ra Aquea vocantur. Ascendit vero vapor ad mediam regionem aeris, alteraturque: aut permanet in infima. Prior qui altius ascendit, in nubem cogitur: quæ fit cum vapor excitatus & ad medium aerem euectus, destitutus proprio calore à frigore eius regionis cogitur & con-
crescit: cuius argumentum est, nubem prius non appare-
re, quàm ad frigidam aeris partem quæ media est peruene-
rit: & ratio perspicua est. nam halitus illi sparsi & tenuio-
res ascendentes propter raritatem effugiunt visum, donec
Lij. calore

calore à frigore superato crassescere incipiant . Atque hic magna Solis astrorumque vis & occulta energia elucet, quæ tam immensas moles atque grauissimas nulli alij fundamini innitentes in aëre quo nihil subtilius propendentes sustinent : quanta enim nubium vastitas sit , visus indicium satis ostendit, cum integras regiones sæpius obducant & contegant: Et ex hisce quoque non levis ratio emergit, cur mare tot fluminibus velut in communem alueum aut abyssum receptis non exundet ; cum subinde tanti vapores ex ipso & humentibus locis in altum educantur.

CAP. XV. De Pluuia, Nive, & Grandine.

Nubes aliæ à Solis radijs propter eximium calorem attenuatæ dissipantur, atque in aërem transeunt: aliæ resoluuntur in aquam : nam exuperante aëris frigiditate, extinctoque interno calore vapores crassescunt: & in aquam mutantur, nubesque frigore constricta liquefcit. Eius resolutionis guttæ aut liquidæ decidunt, & pluuia dicitur ; aut condensantur, seu constringantur in floccos, vt nix : seu congelentur in globulos , vt grando . Pluuia fit cum nubes resoluta liquidis guttis in terram defluit ; Imberque vocatur, si guttæ sint grandiores & densiores ; qualis primo Æneid. describitur :

*Sæpe etiam immensum cælo venit agmen aquarum
Et fœdam glomerant tempestatem imbribus atris
Collectæ ex alto nubes , ruit arduus æther.*

Sic Ouidius vndecimo Metamorph.

Ecce cadunt largi resolutis nubibus imbres.

Nix fit, cum nubes iam incipiens resolui. superueniente nouo frigore ac ventis agitata in exiguas planasque partes spargitur & descendit, quæ ideo candidæ sunt, quod aërem in resolutione præ raritate admissum, intus constrictum continent. Grando fit cum iam liquefactæ nubis guttæ decedentes à frigore infimæ regionis in globulos & stirias congelantur ; maiores minoresue pro aquarum è nube distillantium copia : aut minores si altiore compactæ loco fuerint,

erint, maiores si terris propiore. De his Ouidius nono Metamorph.

Nanq̃, ferunt imbres gelidis concrefcere ventis,

Inde nives fieri: niuibz quoq̃, mole rotatis

Astringi, & spiffa glomerari grandine corpus.

Initio mensis Augufti, anno 1576. grando decidit memorabilis: dies vesp̃eri proximus erat, ftrepitus in aere tantus, quantus ingentium aquarum defluuio, & fyluarũ, impetu ventorum nutantium fonitu edi poffet: nubes terræ propinquæ admodum erant; lapides obliquo tramite in terram ferabantur magnitudinis & figuræ oui gallinæci: graffata eft per miliaria germanica amplius fedecim: dies totus fuerat nubilus & frigidus.

CAP. XVI. De Nebula, Rore & Pruina.

ALterum genus eorum quæ ex vaporibus generantur, eft quod ob imbecillum calorem ad superiores aeris regiones peruenire non poteft, fed in infima cõfiftit: hæretq̃; vel in aere, vt nebula; vel in terræ superficie, vt ros & pruina. Nebula eft vapor obliquis Solaribus radijs excitatus, leuiter humidus & calidus, in proximo aere prope terras volitans: gignitur enim Sole occafui aut ortui vicino. Causas attingit Ouidius primo Metamorph.

Et noctis faciem nebulas feciffe volucres

Sub nitido mirata die, non fluminis illas

Effē nec humenti fenfit tellure remitti.

Ros fit cum vapor tenuis Sole abfente ab aſtris clara nocte elicitur, & quamprimũ Solis radios aduentantes perſenſerit in terram liquatus descendit. Pruina eodem fit modo, niſi quod ob frigus aut ſpirantem Boream in niuis formam abeat. Tenuem admodum calorem hiſce inefſe, manifeſtum eſt, quod nebulæ obliquo & debili Sole, ros & pruina Sole nuſquam apparente euehantur.

CAP. XVII. De Iride, Halone, & Parelio.

Sequitur demum de affectionibus illis quarũ aliæ meteoræ comitantur, aliæ prænunciant. Quæ cum meteoris contingunt duæ ſunt; Colores quidam & Sonitus.

tus, Colores figuram exprimunt vel arcus, Irisque dicitur vel circuli, vt Halo; vel Solis vt Parelius. cernunturque in nubibus vel materia nubibus affini. Iris fit cum Sol hori- zonti propinquus in nubem æquabilem, concavam, & ro- ridam ex aduerso sitam, radios proijciens diuersos sibi que contiguos colores ex forma nubis incuruos arcus speciem referentes exprimit. Collectis enim radijs lucidis in ma- teria humida, atra, & aliquantulum ob æqualitatem soli- da, fulgor Solis refringitur, coloresque illi gignuntur, quo- rum frequentiores sunt purpureus, viridis, puniceus, fla- uus, aut croceus. De Iride ita Ouid. 6. Metamorph.

Qualis ab imbre solet percussus Solibus arcus

Inficere ingenti longum curuamine calum.

In quo diuersi niteant cum mille colores,

Transitus ipse tamen spectantia lumina fallit.

Et Virgilius ad finem quarti Æneidos :

Ergo Iris croceis per calum roscida pennis

Mille trahens varios aduerso Sole colores

Deuolat —

Irides sæpius binæ apparent, cum videlicet altera ex pri- oris reflexione formatur. Halo, corona; fit cum tenuis nu- becula inter visum nostrum & astrum insigne ex concur- sione radiorum vtriusque, circulum stellam cingentem re- præsentat. circa Solem est illustrior, circa Lunam crebri- or. Parelius, imago Solis, fit cum in nube æquabili, rotun- da, tenui & humida collectis in vnum radijs Solis, eius i- mago velut Sol alius relucet. Duo apparentes Soles cum tertio vero sub T. Claudio Imperatore visi sunt, quibus tres simul Imperatores portendi credebantur; & sanè sub- secuta est non multò post concertatio de Imperio inter Sergium Galbam, Othonem Syluium, & Vitelli- um: Anno quoque 1580. nono Iunij tres simul videban- tur manè ab ortu veri Solis ad tertiam horam diei; genui- no qui medius erat adeò similes, vt luminis tantum imbe- cillitate ab ipso discerni potuerint: Aiuntque hoc ipso an- no duos iterum apparuisse mense Augusto, nobis videre non contigit. Ad hunc etiam modum Luna sui imaginem efformat quandoque, quæ Paraseline dicitur.

CAP. XVIII. De Tonitru & similibus.

Sonitus fit vel in aere, & comitatur fulgur ac grandinem; vel in terræ cauernis cum terræmotu. Qui cum fulgure editur, Tonitru est; fitque cum sicca & calida exhalatio ab humida nube in frigida aeris regione conclusa, calore per antiperistasin crescente, tandem è nube violenti calore, ingenti cum fragore, erumpit. Sonitus qui cum grandine auditur nonnunquam, efficitur ex pugna & concursatione nubium & exhalatione aduersantium; iuuante non parum ventorum & impetu & flatu aduerso. De eo est illud Virgilij quarto Æneidos.

Interea magno misceri murmure cælum

Incipit, insequitur commixta grandine nimbus. ^{sup}

Pari modo terra mugitus emittit dum tremore concutitur: nam terræmotum sonitus horribiles quandoque comitantur, strepitum, murmur, fragoresque imitantes, quos flatus inclusi pulsantes, resultantes, ac meatuum infernarum lateribus incurstantes, pro cauernarum qualitate varios edunt.

CAP. XIX. De Prognosticis tempestatum.

Affectiones quæ meteora præcurrunt, sunt tempestatum prognostica; Ea sumuntur vel à siderum positu, vel à rebus animatis inanimsque, vel etiam à meteoris ipsis, cum alia per alia nunciantur. Præcipua sunt serenitatis, squalloris, ventorum, pluuiæ aut terræmotus. Serenitatis sunt, Sol lucidus exoriens, nullis in oriente nubibus existentibus, vix enim sese toto die nubibus explicabit, si in ortu obuias habuerit; claritas stellarum nocturna; Luna candida & pura; rubedo cœli vespertina, testimonio etiam Saluatoris, Matthæi sextodecimo; formicæ frumentum exponentes. Squalloris & siccitatis præsagia sunt cometa; tametsi eum qui proximè apparuit nulla sit subsequuta siccitas. Ventos prænunciat Luna rutila; stellæ discurrentes qua parte decidunt, cometa; item; halon quoque quâ primùm diuiditur:

l. iij.

scyurus

scyurus quâ ventus spiraturus est cavernas obturat ; quod & de terrestri herinaceo Basilius memorat . Apes ventos, imbrésque prædiuinant , ac tectis se impendente tempestate continent . Pluuiarum prænotiones sumuntur à nubium rubore matutino , à Luna lurida ; hinc tritus versiculus.

Pallida Luna pluit, rubicunda flat, alba serenat.

De aurora Ouidius tertiodécimo Metamorphoseon :

Luctibus est Aurora suis intema, piâsq;

Nunc quoque dat lachrymas, & toto rotat in orbe.

Sumuntur præterea à Noto vento flante si boreas præcesserit ; à ranis vehementius coaxantibus ; ab auibus aquæ se mergentibus . Terræmotus futuri signa sunt summa ventorum tranquillitas, turbidæ puteorum aquæ.

PHY-

PHYSICORVM

LIBER SEXTVS DE FOSSILIBVS.

CAP. I. *De generibus Fossilium.*



Corporibus mistis imperfectū ita est: deinceps de Perfecto agendum erit, quod perfecta concretionē constat & durat in longum. Est verò stupidum aliud, aliud viuum. Stupidum (hoc enim nomine vtendum) hebes, seu brutum, dicitur quod nulla præ se fert vitæ certa indicia: vt Fossilia quorum duo genera statuuntur; sic- cum quales Lapidēs & Terræ insignes; atque humidum, vt Metalla & Succī.

CAP. II. *De Lapidum natura.*

Fossilia igitur sicca sunt, quæ exiguo humore & magna ex parte terrea crassitie constant; nec liquari nisi vix possunt, sed partim frangibilia sunt, partim friabilia. Oriuntur in terræ cauernis e materia crassa & sicca, leui humido ac tenaci coagmentata: nam materies illa ex qua gemmæ & similia generantur, primū à calore ad maturitatem decoquitur, inde à frigore obsidente condensatur, ac demū longo temporis excursu in eum modum durescit. Etsi verò nonnulli lapides aqueæ sint substantiæ, præsertim pellucidi, maxima tamen pars terrea est, vel illo argumento, quod igne consumpti parū admodum materiæ quæ aerea aqueæue esset euanescat, sed tota potius in cineribus remaneat, longè secus quàm de ignibus euenit: & defectu quoque humidi ex ignis calore dissiliunt potius quàm liquecunt.

CAP. III. *De Gemmarum ortu & viribus.*

Lapides alij pretiosi æstimantur, alij viles; illi tenuitate præstant, hi siccitate. Pretiosi sunt gemmæ & marmora. Proueniunt gemmæ abundè in regionibus orientali-
bus

orientalibus ob cœli ad earum generationem aptam ibi temperiem: gemmiferæ sunt etiam Persia, Phrygia, Thracia, Media, Cappadocia, Arabia, Scythia, Cyprus, quin & Germania: Indicæ tamen cæteris vt plurimum sunt præstantiores durioresque. Generantur inter saxa, aliquando inter metalla, tenui materie ab impuriore segregata & temporis diuturnitate cœli virtute in lapillum purissimum cōstricta. Habent suas matrices, lapides alios; vt margaritæ conchas marinas. Sunt illis pulchræ vires & proprietates, ex quibus non iniucundè ipsarum cum cœlo consensus cognatioque animaduertitur; siquidem enim lumine, claritate atque omnis facis experte puritate cum cœlo conueniant, facile est conijcere cœlum suas virtutes in eas liberius copiosiusque transfudisse. Sed peruersum hominum iudicium ansam hinc sumit præuaricandi, dum terrena cœlestibus æquiparant; imo malunt densum lutum, calculos, concharum verrucas, & terræ minutalia (vt eleganter Abacuc propheta, & Tertullianus appellant, in mentem Plinij) cœli nimirum similitudinem, quàm cœli beatitudinem sibi comparare.

CAP. IIII. *Gemmarum genera.*

Gemmæ in primis distinguuntur colore, perspicuitate, duritie & viribus: colores tamen non ita planè describi possunt, atque oculis discernuntur. Perspicuæ aliæ sunt, aliæ opacæ, nonnullæ mixtæ: & quod quibusque color perfectior, eò minus inest luciditatis. Sunt autem hæ ferè: Adamas gemma candida, durissima, quippe quæ cæteras duritie facile omnes vincat: & pellucida. Onyx coloris candidi perspicui, sed hebetis. Sardonyx candida sed opaca. Chrysolithus aurei coloris, dura & perspicua. Sarda ignea perspicua. Carbunculus rubens, cuius species sunt Granatæ & Carchedonius: reperiuntur apud Indos carbunculi Pyropi nomine tanti splendoris, vt radios Solares lumine videantur æquare. Amethystus violacea seu vinosa & perspicua. Hyacinthus fulua sed vel in croceum, vel rubeum, vel etiam cæruleum inclinans, & medium quid inter perspicuum tenens & opacum.

Smar-

Smaragdus dura & omninò viridis. Berillus viret, quoque sed commixtos quandoque alios colores habet. Prasius virore item constant sed non diluto: atteritur vsu. Topazius ex viridi constat & croceo: perspicua est, lima que tangitur. Chrysoprasius similis est sed durior. Sapphirus opaca sereni cœli imaginem refert. Mistos colores habent & varios lapsis & Achates, omnesque quasi colores recipiunt: Ille oculis miram iucunditatem adfert, hic durior est: vterque vt mistos colores, ita permixtam opacitate perspicuitatem habet.

CAP. V. *De lapillis geminis affnibus.*

Sunt verò alia pretiosorum lapidum genera, quæ ad gemmarum naturam proximè accedunt: qualia Crystallus quæ in montibus niuosis nascitur figura hexagona, vtrum ex glacie dubium: candore & perspicuitate adamanti similis; sed quantò adamas durior, tanto hæc mollior: prouenit amplissimè Alpibus quæ Heluetiam ab Italia dirimunt. Corallium *ῥαβδιδόρον*, planta marina, lapisque ramosus, nascitur in mari: cùmque sub aqua viride sit & molle, quamprimùm aërem extra aquam perferat, rubet & lapidescit. De eo Ouidius quarto Metamorph.

Nunc quoque corallijs eadem natura remansit,

Duritiem tacto capiant ut ab aere, quodq;

Vimen in æquore erat, fiat super æquora saxum.

Nascuntur, vt ferunt, in sinu Tyrreni maris non procul à monte Argentario. Genueses hunc lapidem magna quotannis copia ad insulam Sardiniam expiscantur. Cyaneus, Lazuli dictus, cæruleus aureis stellulis micat. Magnes, lapis Herculeus, colore albus, præcipuus ferrugineus: insigni virtute attrahit ad se ferrum: eiusque partem cui illitus est ad Boream dirigit, vt videre licet in lingulis horologiorum solarium reperitur in insula Ilua seu Elba, inter Tusciam & Corsicam. Huic contrarius est Theamedes qui ferrum respuit.

CAP. VI. *Lapides animantibus innascentes.*

Asimiles non sunt istis, lapides qui in animalibus nonnullis orti, ab eis denominantur. Generantur è peculiari glutinoso semine, quod progressu ætatis natiuo

natiuo calore concoctum & frigore constrictum coalescit. Nobiliores numerantur hi: Ceraunias vel Borax, in bufone sene concretus, rotundus vel oblongus. Chelidonium, qui in ventriculo vel iecore hirundinum reperitur, colore fusco ex nigro aut subrufo permixto. Limacius in limace non corticato, candidus. Est verò & Cancrinus, qui in cancris nasci solet, lacteus & rotundus. Aleëtorius qui in galli gallinacei ventre generatur. Nobilissimæ horum sunt Margaritæ (si tamen huc referri debent) coloris lactei, quas in conchis marinis tradunt nasci, in singulis plures, rotundas ex oblongis & versa vice oblongas, ex rotundis; maiores & minores pro conchiliorum ætate. Præferuntur cæteris quæ maximè sunt rotundæ, lucidæ & læuissimæ.

CAP. VII. *De Marmoribus.*

Marmor lapidum genus est læue & nitidum: varium ita vt colores omnes admittat. Insigniora sunt Zeblicum cinereum ferè: Pærium à veteribus celebratum, inuenitur nigrum, rubrum, flauum, candidum, (cuius Annebergicum laudatissimum; ex eo namque mensæ & altaria fiunt pulcherrima) viride postremò Laconicum. Porphyrites rubrum est Ægyptium. Ophites aliud viride maculosum. Alabastrum candidum & pellucidum est. Huc referantur Cotes: optimæ sunt Lydiæ, Damascenæ & Zeblicianæ, leuigationi aptæ, nitidæ ac tenues. Lydio hoc lapide metalla affricata sincera à nothis dignoscuntur. Aqua alia illinuntur, alia oleo. Ceraunias cunei forma reperitur in montibus Epiri Acroceraunijs, fulmineus creditus, quod montes illi fulmine frequenter impeterentur.

CAP. VIII. *De saxis.*

Istis igitur humana persuasio pretium tribuit & laudem: Ignobiles porrò habentur, nec ob copiam vilius pretij qui sunt crassioris materiæ, ob idque plerunque scabri & asperi, vt Petræ, Saxa, Pumex, Tophus, Smiris durior ferro, Sarcophagus, Silex qui est squamosus. Est & niger lapis sectilis ex quo tabellæ scriptoriæ conficiuntur.

CAP. IX. *De Terris insignibus.*

Terræ insignes sequuntur : quæ qualitatibus singularibus sunt conspicuæ, velut colore, tactu & vsu. Creta, Rubrica, Ochra raræ substantiæ sunt, & partim molles, partim duræ. Creta quoque quibusdam regionibus provenit viridis & cærulea. Argilla terra est pinguis & lenta, figulinis vasis formandis apta. Gypsum terra est candida glutinosa, exigui ponderis ; conficiuntur eo vasa & pocula ; cyprium est candidissimum.

CAP. X. *De Metallis.*

VT gemmæ lapidēsque communes tenuitate & ficitate à se inuicem differunt ; ita ab vtrisque Metalla & Succi crassitie & humiditate secernuntur. Est ergo Metallum corpus ex viscoso & cohærente humido constans, durum & ductile : metallis omnibus frigida est & humida substantia ; oriunturque in locis humidis atque frigidis ; aurum tamen in calidis. Etsi verò in descriptione speciali metalla ex terrea dicuntur materia constare, tamē terreum illud si cum alijs conferatur aqueo persimile est ; sunt enim tenuia maximè & humida.

CAP. XI. *Metalloꝝ origo.*

Metalliferæ sunt regiones omnes, tametsi non omnia vbique proveniant : nam pro cœli temperie, terræq; apto tempore, nec non aquarum scatebris, alia ferri ferax est, alia auro, argentœue abundat : præ cæterisque illa est secundum autores

Insula inexhaustis chalybum generosa metallis.

Atque tum ob has causas, tum ob venas naturales (habet enim argentum suarum venarum principia ait Iob) humidum pingue & glutinosum confluens calore paulatim maturescit, ac frigore in massas licet dum impuras constringitur eaque ratione quò quid à natura artifice purius elaboratur, eò præstantius & nobilius ex officina prodit. Effoditur autem nonnunquam, reperiturque aut in propria vena, velut aurum, argentum frequenter ; argentum viuum, æs, plumbum, ferrum ; aut in pyrite, vt hæc eadem præter

III PHYSICORVM LIB. VI.

præter argentum viuum & ferrum : Aliquando colligitur in riuulis & fluminibus, vt aurum (inde apud autores Aurea flumina) ferrum & nonnunquam argentum : colligitur etiam in agris vt plerisque locis, ferrum . De auriferis fluminibus, Lucanus lib. quinto :

*Quicquid fodit Iber, quicquid Tagus extulit auri,
Quodq; legit diues summis Arimaspeus arenis.*

CAP. XII. Genera Metallorum.

Metallum omne vel est primum, vel secundarium. Primum quod ex sese constat, est purum aut impurum : purum rursus molle vel durum : molle quod minus resistit : aliud est solidum, vt Aurum, aliud liquidum, vt argentum viuum. Aurum tenuissimæ substantiæ ex puto terreo, & humido paulatim & multum decocto ; ob spissitudinem grauissimam, colore fuluum . Argentum viuum humidius ex aereo & aquoso humido, purissimaque terræ parte leuiter excoctis . Durum solidum est Argentum, candidum, licet nullum metallum tanta varietate sit præditum : exiguo humore, plurima terra sed pura constat, & aereo concreto : hinc enim illi candor . Metallum impurum crassitiei habet, quale durum est Ferrum, molle Plumbum . Ferrum etsi varium, plerunque tamen est nigrum seu fuscum : oritur ex materia terrea crassa, frigore consolidata magis, quam calore excocta . Plumbum item varij coloris, nigri tamen vulgariter, materia constat crassa sed attenuata, eaque terrea & aerea : vnde graue est, & facile liquefcit . Secundarium metallum & mistum dicitur, quod primario plurimum est affine idemque molle aut durum : molle est Stannum cui cum plumbo conuenit, ex aereo & terreo humido minus continuato, vnde stridet flexum : leuius est plumbo, coloris aquei, habet enim splendoris multum, candoris parum. Durum est Æs, medium quiddam inter ferrum & argentum vel potius aurum : humido constat aereo, terra mediocriter pura & probe concocta : firmum est & coloris aurei adulterini. Numerantur & aliæ species, quæ ta-

men

men arte potius fiunt, quàm natura; quales Chalybs fer-
rum durius; & Orichalcum æs durius & purius; vnde co-
lore propius ad aurum accedit.

CAP. XIII. De Succis.

E Fossilibus alterum humidorum restat genus, Succis:
quorum alij sicci sunt, alij liquidi. Sicci sunt quorum
humidum crassius à frigore concretum est, & ij dupli-
ces; aridi & viscosi. Aridi ex humido diluto, sunt sulphur,
sal, nitrum, thus, mirra allumen, atramentum: & simi-
les Viscosi sunt ex humido pingui, vt pix, resina quæ ex ar-
boribus distillat, bitumen, cuius multæ species, velut suc-
cinum, mattha, pissalpaltum, camphora, petroleum,
carbones fossiles. Liquidi succi dicuntur li-
quores, constant humido tenui æ-
reo; vt vinum, oleum, suc-
cus malorum gra-
natorum, mel,
lac, & huius-
modi.

PHY-

PHYSICORVM

LIBER SEPTIMVS,

DE STIRPIBVS.

CAP. I. *Quid Planta?*



Est tempus est, ut quid Viuum sit videamus. quod nimirum vita est præditum. Naturæ autem vitam habentis duæ partes sunt considerandæ, corpus externū, & anima quæ vitam subministrat. Corpus vitale dicitur cuius membris anima tanquam organis ad suas functiones vtitur. Est verò vegetum tantum velut Stirpes: aut etiam animatum, ut Animantia. Stirps seu planta est corpus viuum facultate vegeta constans: ut ea omnia quæ ex se producit: abundant plurimo humore, non quidem aquæ, denso, & benè continuato, ut metalla: sed raro & aereo; unde leuioris sunt naturæ, & aquis innatant.

CAP. II. *De stirpium partibus similaribus.*

Stirpes partibus constant similaribus & dissimilaribus: non tamen omnes omnibus. Similares sunt, Lignum quod ex humido aereo, tenui & probè concocto concretum est. Vena siue nervus eodem sed densiore. Medulla constat partibus rarioribus; est quæ veluti ligni spuma quæ ex humore exsudat & multo aere coalescit. Nodus densissima est suæ stirpis pars. Cortex crassior materies, quæ caloris vi foras propulsa durecit, plantam vestit, atque à cœli iniuria defendit. Membrana cortex est pertenuis & purior. Humor plantarum sanguis, nutrimentum caloris quibusdam lacteum est, alijs gummosus, alijs saluosus, alijs lentus & pinguis, alijs denique aquosus.

CAP.

CAP. III. *De dissimilaribus partibus.*

PArtes dissimilares sunt radix & truncus. Radix plantæ basis, ea pars est cui in terra delitescenti corpus reliquum innitur, & qua tanquam ore alimentum (quod humidum nutritium dicunt) attrahit & partibus omnibus suppeditat. Plures radices agunt frumenta & pleræque herbæ: plurimas easque latissimas arbores: legumina & olera singulas. Sunt etiam nonnullis radices duriores trunco, alijs molliores: nonnullis item prælongæ, alijs globosæ. Ex iisdem similiaribus partibus constant, quibus fermè truncus: sunt tamen alijs ligneæ, alijs nervosæ, alijs carnosæ. Truncus qui supra terra prominet, aut totus folium est, aut caudice, ramis & surculis constat. Caudex vel caulis dicitur stirpium corpus, quod ex se ramos fundit, nutrimentumque concoquit & dispertitur. Adiunctos sæpe habet stolones, qui ex eodem ad radices, vel à proprio semine exsurgunt. Caulis alius plenus est, alius inanis: plenus medullam habet largam, modicam aut nullam. Rami velut brachia è caule passim in omnes partes diffunduntur, rari, densi: contracti, patuli, sursum transversim. Surculos rami vtrinque vel vndequaue emittunt, ipsique folia atque fructus adhærent.

CAP. IIII. *De generibus plantarum.*

DVo sunt stirpium genera: vnum mancum: alterum absolutum perfectè: prioris sunt Cyemata; planta quæ vnica parte constat, tres verò habet differentias: primum cyema radix tantum est, sine caulice & perpetuò sub terra delitescit: vt tuber, antipathes, ebenum fossile: secundum totum est caudex, ac sine radice alijs plantis adhæret: vt viscum, spongia, muscus marinus, alga: tertium cuius radix perdurat, sed folium annuis vicibus amittit, iterumque profert, vt fœniculum, altilis mandragora. Perfectè absolutum deinde est duplex, gramineum & ligneum. Gramineum humido constat multo & crudo, vt herbæ & frutices. Herbæ sunt quarum folia radicibus cohærent, & caule carent: nam stolones quibus folia adnascuntur propriè caules non sunt, cum annum integrum non durent.

Herbæ primi generis sunt syluestres, quales fraga, vrtica, cardus : secundi olera, vt lactuca, nasturtium, cepe, allium ; tertij fruges, quæ duplices sunt. Frumentum, vt triticum, auena : & legumen, vt pisa, fabæ, lentes. Suffrutex herba est quæ caule constat, vt salvia, hyssopum. Lignæ stirpes sunt, quæ humidum habent maximè concoctum : ideoque duriore sunt atque durabiliores, vt frutice & arbores. Frutex, planta est quæ caulice multiplici humili-que è radice exsurgit, vt vitis, rosa, corylus. Arbor cuius simplex caudex è radicibus enatus, inque brachia ramosa diffusus, ad magnitudinem insignem crescit, vt nux, platanus, malus olea & Apta fretis abies, bellis incommoda ornus.

Quercus amica Ioui, cumulos rectura cupressus.

Ilex plena fauis, venturi prescia Laurus.

CAP. V. De Floribus.

QUæ essentia sunt stirpium, velut partes & genera, priorem habuerunt locum ; posteriorem tenent adiuncta generationis & nutritionis. Generationis sunt quæ à stirpibus enascuntur, vt germen & excrementum : Germinis sunt flos, fructus, & semen. Flos succo plantæ purissimo & tenuissimo constat ; qui caloris cœlestis vigore excitus in subtilia varijsque coloribus insignia folia formatur. Flores quibus veluti stellis suis ornatur, terrarum minimis, tum pregrandibus plantis profert fructuum ac seminum prænuncios ; etenim vt apud Ouidium 5. Fa-
storum.

Si benè floruerint segetes, erit area diues :

Si benè floruerint vinea, Bacchus erit.

Si benè floruerint oleæ, nitidissimus annus :

Poma quoque euentum temporis huius habent.

Flore simul læso pereunt vitæq; fabæq;

Et pereunt lentes aduena Nile tuæ.

CAP. VI. De fructu & semine Stirpium.

FLoribus succedunt fructus & semen quæ gignuntur, cum succus seu humidum genitale calore interno externoque percoctum foras erumpit, atque in varias
fructuum

fructuum formas iuxta interni caloris copiam, succique diuersitatem excrescit. Quibusdam fructus est sine semine adnascente, sed intus incluso, vt pomis, cerasis: nonnullis semen solum est, velut oleribus & herbaceis, alijs semen idem est & fructus, vt frugibus.

CAP. VII. *Fructuum partes.*

Partes quibus fructus constant, sunt caro, nucleus, seu granum, acinus & cortex. Carnosa sunt poma, cerasa, vuæ. Nucleus est nucibus auenis, amygdalis; durior castaneis & glandibus. Granum vel semel ligno inclusum perficis est, prunis, cornis. Acinos carne inclusos habent vuæ, mespila. Cortex alijs interior est, alijs exterior. Interior lignum est quo continetur granum: vt oliuis, prunis. Exterior multiplex est, ligno clauduntur nuces, amygdala: obducuntur putamine mala, fici, lanuginoso cotonea, persica: crusta, glandes: corio castaneæ: filiqua fabæ, pisa, baccæ iuniperinæ: cute cerasa, vuæ, corna.

CAP. VIII. *Fructuum genera.*

Tres sunt differentie fructuum: primæ sunt poma, vt mala, cotoneum, persicum, citreum, punicum, pyrum, pruna, mespilum, ficus: secundæ sunt Nuces, vt iuglans, auellana, myristica; hucque pertinent castaneæ, glandes, nux pinea, glans fagea: tertiæ sunt Baccæ: gignunt verò baccas laurus, oliua, iuniperus, vitis, hederæ, cedrus.

CAP. IX. *De Folijs plantarum.*

Excrementa stirpium dicuntur folia; proueniunt cum humidum calore augescere abundè attractum, rursumque per omnes partes qua furculi tenuiores sunt crudum emissum latè expanditur & concrescit: furculis adhærent pediculo in herbaceis ipsis radicibus. corpus ipsum neruulis cohæret, qui à medio crassiore neruo certis intervallis in vtranque partem extenduntur: carent transuersis quæ arcta sunt, & exilia, vt abietis iuniperi. Plantæ quædam annuis temporibus frondem amittunt;

quædam semper sunt frondentes, sunt autem ficcioris substantiæ & calidæ, vnde Indiæ arbores aiunt perpetuò vire-scere, quemadmodum in insula quoque Thylo perfici maris : folia ipsa plerunque sunt exigua, vt iuniperi, abietis, lauri ; item

————— *Semper frondentis Oliuæ*
Perpetuòq; virens buxus —————

C A P. X. *De differentijs plantarum.*

DE adiunctis plantarum illud de nutritione reliquū est. Ea dependet à locis vbi quæque lætiores proueniunt, atque inde terrestres quædam vocantur, quædam aquosæ. Terrestrium aliæ montibus gaudent, vt cedrus, fagus, pinus, buxus : aliæ planitiem adamant, vt fraxinus, quercus, vlmus. E reliquis nonnullæ frequentes sunt ad aquas stagnantes, nonnullæ ad profluentes : sunt verò aquosæ vt salix, populus, verbenaca, pentaphyllum, plantago. Enumerat quidem Ouidius octauo Metamorph.

Concaua vallis erat, quò se demittere riuū
Assuerant pluuiæ aque, tenet ima lacunæ
Lenta salix, vluæq; leues, iunciq; palustres,
Viminaq; & longæ parua sub arundine canne.

K. iij.

PHY.

117

PHYSICORVM

LIBER OCTAVVS, DE ANIMALIBVS.

CAP. I. *Quid Animal?*



EGE TO succedit Animatum, & de foliis dicitur animalibus. Est verò Animal corpus viuum vita simul & sensu præditum : vt aquila, leo, murena, rana, restudo, formica, etenim vt planta vitali virtute viret, pullulat ac germinat, ita animal insuper sensuum iudicio cuius opinione ad bonum fertur ac mala declinat, præcellit. Naturæ est humidæ præcipuè, tamen si similes partes habeat plurimum dissimiles. Abundat succo aquoso, & hinc ipsius molities.

CAP. II. *De partibus familiaribus animantium internis.*

VNiuerſa historia animalium comprehenditur rebus partim internis, de partibus animantium & generibus : partim externis, de victu & loco. Partes sunt familiares & dissimiles ; quæ vt variæ sunt, ita pluribus animatis multa non competunt, suasque suo generi convenientes & singulares habent. illæ sensoriæ sunt : istæ organiciæ. Similaribus partim interior structura constat, partim corpus contegitur. Interiores sunt, Sanguis ; constat is humido crasso, aquoso, & terreo : homini est purissimus, tauro & asino crassissimus ; calidus est & vitæ nutrimentum : rubeus est propter excellentem epatis calorem, quo concoquitur aduriturque : nam ex illa concoctione necesse est rubeus fiat, siquidem quod terreum & aqueum inest ad nigredinem tendat, aereumque calidum ad candorem : atque hæc æquis partibus commista rubeum colorem gignant : iuuante videlicet epatis calore, quo aqueum illuminatur, & aereum aduritur. Spiritus vitalis
K.ijj. tenuissima

tenuissima aurula, & propemodum incorporea, calidissima, utpote quæ sanguinem seu humidum radicale depascit, ac basis vigorque fit omnis vitæ. Semen humidæ & æreæ naturæ, ex purissimo alimento enascens. Medulla è sanguine per ossium meatus excreto percolato, concretæ. Caro substantia mollis ex sanguinis coagulo concocta. Pinguedo è sanguine puro, superfluo, atque in æream naturam transmutato. Membrana seu panniculus, caro tenuis calore interno spissata, qua partes interiores quædam continentur. Venæ quibus sanguis in omnes corporis partes devehitur, ex leni & pellucida membranula, originem ducunt ex epate: inde enim à vena caua tanquam à caudice ampliore emanant. Arteriæ eiusdem sed compactioris densiorisque materiæ; canales exigui à corde orti quibus spiritus vitalis cum subtilissima sanguinis portione continetur: estque hisce cum venis perpetuum fœdus, quo coniunctis humido & calido vitali, vita animantium viget & conseruatur. Villi siue fibræ tenuissima fila ex sanguinis parte tenaciore, & lentore æreo terreoque compacta: his compluribus in longum coadunatis, Nerui constituuntur: ac sanguinis coagulum esse indicio est, quod quibus animantibus desunt, eorum sanguis nunquam coëat. Ne verò animalium genus hac mollitie nimiaque debilitate collaberetur, quò consistere firmum possit, ossibus fulcitur est & cartilagine: constant ossa & cartilago terrena crassitie, cum sanguinis crassior pars calore siccata in eum modum durefcit: cartilaginis materies mollior est, ossium rigidior. Continetur ossibus medulla: sed leoni solida sunt.

CAP. III. *De tegumento animalium.*

PArtium quibus animalia obducta sunt, primaria est Cutis, qua homo sola nudus sed formosissimus obducitur: tenuis est tunica, nascitur cum humidum ob internum calorem exhalans ab externo frigore in summa superficie cohibetur, non secus atque milium calidum extrâ membranula concrefcit. Sunt deinde Pennæ æreum omnino excrementum, tenue & pingue; lanugine oblonga, à

ga, à medio stolone itidem aëreo (cuius signum leuitas, & medullæ candor) vtrunque promanente: quò pinguior est, eò magis aquam respuit. Pili & Lana eiusdem substantiæ; sed multo terreo commisto. Cornu fit cùm terreum copiosum vnà cùm tenaci humido exsudans, ob circumstans frigus solidescit: cui affinis est Vnguium natura, sed in eo differt, quòd tenuior sit: Eademque origo est crustarum & testarum, itemque squammarum: atque quantò quoduis animantium genus crassiore constat substantia, tantò corticem agit duriorem.

CAP. IIII. *De Capite.*

IAm recensendæ erant partes formales, totiusque corporis animati structura generalis; verùm cum tanta sit animalium omnium varietas, vt tam diuersæ partes redundantes in plurimis aut deficientes vna omnibus apta & conueniente descriptione nequeant compræhendi; vnus tantum speciei, ad quam cæteræ collatæ absque difficultate quacunque intelligentur, hominis nempe animantium perfectissimi delineationem proponemus. Sunt itaque corporis animalis duæ partes, caput & truncus. Caput, nobilior pars & veluti arx in summitate corporis locata, sensuum sedes, partes habet externas & internas: externæ sunt Facies & Caluaria. Frons superior faciei pars lata vtrunque ad tempora pertingit: huic subiacent Oculi duæ subtilissimæ fabricæ constantque tunicis & humoribus. Tunicæ præter illam albam quæ oculum capiti coniungit sunt quatuor. Cornea, cornu pertenui & translucida similis: vnea quæ corneæ adhæret & complectitur eam oculi portionem quæ pupilla dicitur: neruea extrema pars nerui visorij: & aranea interior. Humores sunt tres, aqueus inter corneam tunicam & araneam: vitreus crassior: crystallinus nobilissimus, figura lentis in medio oculi, vitreo humore inclusus. Medius inter oculos & genas, Nasus est; materiæ cartilagineæ & ossæ, in cuius inferiore parte nares sunt, notis foraminibus, quibus supra os intus porosum imminet, collatorium; quæ aditus ad cerebrum pater. Infra nares Os est labris, dentibus & lingua.

compositum. ima eius pars in Mentum desinit. Dentium duo ordines sunt; superior malarum ossi, inferior maxillæ hærens: in genera tria diuiduntur, octo anteriores dicuntur tomici à secando; quorum priores gelasini vocantur, quia ridendo deteguntur; Martialis libro septimo.

Nec grata est facies cui gelasinus abest.

Sequentes utrinque bini, canini: reliqui maxillares sunt, & horum alij molares: alij genuini, proximi genis; alij crantères à cranio denominati: alij demum serotini, quod serò gigni soleant. Radicibus nituntur singulis, præter maxillares quibus, binæ, ternæ & quaternæ sunt. Inter faciem caluariamque Aures sunt, extrâ auriculis ornata, introrsum anfractibus excauata: ubi ossicula duo sunt forma Incudis & mallei ferientis. Caluaria est quæ capillo tegitur. Eius medium Vertex est, à quo ad frontem sinciput tendit, ad ceruicem occiput.

CAP. V. De Cerebro.

Capite inclusum est Cerebrum, substantiæ spongiosæ & candidæ: distinguitur tribus concauitatibus, quarum anterior Lunæ crescenti similis est: media subest vertici: ab hac discrimine diuisus ad spinam dorsalem: posterior est ventriculus, Cerebellum dictus. Sunt quoque inter internas partes Nerui sensorij, qui ab oculis, auribus, naribus & alijs partibus orti ad cerebrum vergunt.

CAP. VI. De Collo.

Reliqua corporis moles, trunci nomine appellatur: sic enim præter alios Virgilius 2. & 9, Æneid.

—Iacet ingens littore truncus:

Tum caput ipsi aufert domino truncumq; relinquit

Sanguine singultantem—

Huius vna pars stipes dicitur; cæteræ, prominentes, quæ à stipite veluti rami dependent. Stipes collo constat, & thorace parte anteriore, dorsoque posteriore. Collum quod inter caput humerosque interiacet, porrectum propter organa Vocis, antè in gutture habet tracheam & gulam: post, ceruicem. Trachea seu aspera arteria vertebris cartilagineis

gineis continuis & concauis compacta à faucibus ad pulmonem tendit: eius orificium Larynx est qui sub mento prominet, & operitur molli cartilagine ac mobili, quæ dicitur Epiglottis: huic vicinæ sunt mēbranulæ duæ Glottis dictæ quæ spiritu cum vox editur inflantur. Gula seu stomachus ab iisdem faucibus per anfractus quibus tracheæ & Venæ aortæ cedit, in ventriculum definit; fistula item est cartilaginea. Ceruix pars extrema inter caluariam scapulâsque sita est.

CAP. VII. *De Thorace.*

THorax & dorsum membra externa primum describenda sunt: interna postea. Thoracem constituunt pectus & venter. Pectus statim à gutture inter brachia ad ventrem latum extenditur: costis constat vtrinque duodenis; quarum superiores ossæ longiores & robustiores sunt; inferiores, molliores, breuiorésque. Mamillas habet dextra, sinistrâque parte singulas; fœmellis ad lactis confectionem tuberiores & fungosâs; maribus spissiores. Venter reliquum vocatur à pectore vbi costæ maiores desinunt ad pudenda. In eius medio tanquam centrum vmbilicus est: pars superior ventri Hypochondrion est; inferior Ilia, quibus genitalia subsunt naturæ instinctu velanda.

CAP. VIII. *De Dorso.*

Dorsum pars posterior est à ceruice ad nates: coniungitur pectori supra Humeris, quos Scapularum duo lata ossa & *μετασπονδύλιον* inter scapulas situm excipiunt. Inferius sunt Lumbi, vtrunque latus vbi cinctus est complexi: succedit his Os sacrum plurium ossium iunctura constructum. Huic sub lumbis adhærent Coxæ, ossa robustiora, quibus tota corporis moles pedibus iunitur; desinuntque in Nates. Atque hanc membrorum structuram vniuersam coniungit Spina dorsi, quæ vertebri viginti quatuor à capite ad coxarum os perpetua serie connexis totum corpus sustinet. His spondylis extrâ costæ ligamentis & nervis cohærent; intus medulla spinalis à cerebro orta continetur.

CAP. IX. De Corde, & Pulmone.

INterna, superiora ab inferioribus diaphragmate diuiduntur, in illa regione, vbi pectori venter coniungitur. Est autem diaphragma panniculus qui carne, nervis & membranis compactus à dorso ad pectus protenditur. Suprà, cor situm est cum pulmone. Cor substantiæ est carnea peculiari, figura conoidali incurua, basique gibbosa, pendet ad sinistrum latus pectoris, thalamo nerueo inclusum. Sinus duos habet, priorē dextrum, qui sanguinem ab epate transmissum accipit, & partim ipso nutritur, partim ad sinistrum sinum dirigit: alterum sinistram, dextro illustriorē, quo sanguinem à dextro allatum in spiritus vitales transmutat, & aëre per asperam arteriam attracto, per arteriā quæ venosam à pulmonibus administrato refrigeratur. Ad dextrum latus cordi pulmo adiacet, qui tracheam qua aër introducit excipit, substantiæ mollis & fungosæ, quo dilatarī contrahi quæqueat.

CAP. IO. De Ventriculo, Epate, & Intestinis.

Sub diaphragmate culina est animalis, pluribus condita membris; ventriculo nempe, intestinis, epate, splene, & renibus. Ventriculus œsophago vel gulæ per diaphragma tendenti succedit teres & oblongus, carneus & nerueus, ad dextram situs: orificia habet duo, alterum quo stomachus excipitur, alterum quo nutrimentum ad intestina egeritur. Vicina sunt ventriculo intestina superiora tria, Duodenum, Ieiunum & Ileus, quorum hæc duo spiris multis inuicem inuoluuntur: ex ileo meatus duplices sunt; alij ad iecur tendunt, alij ad intestina crassiora, quæ sunt Cæcum (quod tamen in homine aut nullum aut minimū est) Colon, & Rectum. Ventriculo ad dextram adhæret Epas substantia cum pulmonibus persimili, crassiore tamen & spissiore venis plurimis intertextis: forma lunari: in eius medio vesica est quæ fel excipit. Splen altera parte dorso alligatur altera ventriculum ad sinistram amplectitur, substantiæ crassæ & impuræ: sub ipso & epate Renes vtrinque lumbis

his cohærent, densæ & compactioris substantiæ: à quibus Vrinarij canales exorti ad Vesicam ex nerueis panniculis formatam & in infima ventri regione sitam, vergunt.

CAP. XI. *De Brachijs.*

PORRò prominentes partes, quæ à corpore velut annexæ propendent, brachia sunt & pedes. nisi quòd be-
stijis loco brachiorum vel alæ sunt, vel item pedes. Brachium generali nomine intelligatur quicquid ab humeris est ad extrema manus: nam propriè est pars illa inter humerum & cubitum: neruis verò & ligamentis cohæret humeris scapulisque. A cubiti iunctura ad manum protenditur Radius. Manus, mens corporis, atque instrumentum mentis, vola constat & digitis. Vola est à *volaprio* seu flexu ad digitos planum carnosum. Digiti à seinui-
cem ita flexuosis iuncturis distincti, atque seriatim sibi que aduerso ordine locati sunt, vt mutuo auxilio & officio ad quoduis opus præstandum sint idonei, aptissimi que. Quini sunt singulis manibus; Minimus exterior, Annularis, Medius & Index, quos ex aduerso Pollex respicit, cæteris omnibus solus par in officio & æqualis. Nodis singuli flectuntur binis, pollex vnico.

CAP. XII. *De Pedibus.*

PES coxæ cauitati insinuatus, à natibus ad plantam tribus partibus porrigitur, femore, crure & planta. Femur dicitur, quod inter coxam & genu est, magno osse & multa carne constans. Genu, flexus est medij pedis: eius pars anterior Patella nominatur, posterior Poples. Crus femori succedit pari longitudine sed exilius, ossibus binis, Tibia priore, Fibula posteriore formatum: hanc sub poplite Sura circumdat, caro teres & gibba. Infigitur crus Plantæ inter Malleolos geminis ossibus vtrinque eminentes; plantæ partes tres sunt, posterior Calx; anterior Digi-
ti itidem quini vt manibus sed breuiores; inferior denique Planum pedis cui insistitur.

CAP.

CAP. XIII. *De Anibus.*

ERgo absolutis partibus, genera tradenda sunt. Animalia in vniuersum sanguinea sunt & exsanguia. Sanguinea quæ sanguine sunt prædita vel simplicis vitæ sunt, vel amphibia: simplicis vitæ vel solum in aëre viuunt vel tantum in aqua. Aerea in aere degunt ambulanteque, neque sine aëre vitam producere possunt: ipsorum terra sustentaculum est, qua vel ad quiescendum vel se sustentandum vtuntur: atque ita utroque elemento necessario opus habent. Rursum ex aëreis alia volucris sunt, alia gradientia. Volucris quod in aëre volent, dictæ sunt Aues, animal bipes pennatum, substantiæ calidæ & siccæ, agile & leue. Partes præter illas quæ illi cum homine sunt communes, peculiare habet, pro ore Rostrum, aduncum vt miluus, accipiter, psittacus, aquila: rectum vt coruus, ciconia: aut latum, vt anser, acutumve vt picus, carduelis. Collum arctum vt Cornix; oblongum porrectumque vt ciconia, grus. Alas loco brachiorum, plumis confectas maioribus & robustioribus. Pedes item binos singulos in quaternos vngues quibus fidunt diuisos: vngues quibusdam membrana coniunguntur, vocanturque planipedes, vt anser, anas. sunt & Apodes in India, depedes dictæ. Caudam prætereà habent, rectam eminentem, vt accipiter, merula; incuruam seu falcatam vt gallus gallinaceus, vel erectam vt struthio. Alarum caudæque velo vtuntur ad volatum; sunt tamen nonnullæ, quæ vix à terra se attollant, vt pavo, gallinæ, anseres. Ambulant interdum gradatim aut saltatim.

CAP. XIIII. *De Homine.*

QUæ humi gradiuntur, ambulant vt homo & quadrupedes; vel reptant vt Reptilia. Homo formæ est pulcherrimæ atque absolutissimæ: solus enim omnium viuientium faciem sursum respicientem gerit: voluit namque rerum opifex aliquem exstare qui voluptatibus ac terrenis quibuscunque despectis, superna quæreret atque saperet: Ideo

*Pronam cùm spectent animalia, cætera terram,
Os homini sublime dedit, cælumq; videre
Iussit & erectos ad sidera tollere vultus.*

Membra

Membra optimè disposita habet, summaque prudentia ordinata: qua etiam forma non leue conditoris miraculū cernere licet, quòd eiusdem vniuscūq; delineationis tanta varietas emineat, vt vix duo sibi similes reperiantur: adeoque vt apud Persium est Satyra quinta, sint

Mille hominum species —

Porro alij speciosi sunt, quorum membra apta proportionē sibi respondent: ac color ex sanguineo & lacteo mixtus est, vt Absolom, Ioseph, Rebecca, Hester, Lucretia, Helena; alij ex aduerso deformes; vt Therfites, Æsopus. Sunt deinde alij grandi robustoque corpore, vt Nemroth, Samson, Saul, Ajax, Mezentius, Diana, gigantes: alij exili & debili, vt pygmæi, &

Qualia nunc hominum producit corpora tellus.

CAP. XV. De quadrupediis.

Quadrupes animal est substantiæ inter aëream & aqueam mediæ cum terrena crassi participantis, pilis obductum, quaternis pedibus incedens. vt Leo, pardus, capra, canis. Cornuta multa sunt, vt bos, ceruus, aries, Alia auriculis grandibus, vt elephas, asinus, lepus: alia exiguis vt camelus, felis. Brachiorum vice pedes priores habent, quibus vt posterioribus ad gradum fulciendum vtuntur. Cauda nonnullis prolixior est, vt boui, leoni, vulpeculæ, sciuro; breuior alijs, vt simiæ, ceruo. Crura nervosa, non carnosæ. Planta pedis vel multifida est, vt canis, vrsus, lupo; vel bisulca, vt damæ, ceruo & cornutis plerumque, vel denique solidipeda, vt mulo & equo. Cæterum pilosa omnino sunt, præter pauca ouum gignentia, quæ vel cute integuntur, vt lacerti; vel cortice, vt testudo, si tamen inter quadrupedia numerari debent. Ex morum & ingenij diuersitate in differentias præterea alias distinguuntur: sunt namque alia cicura, alia fera: cicura vel domestica, vt canis; a vel ruralia vt armenta, velut equi, boues, cameli, elephantes, asini: & greges ouium, suum, caprarum. Ferarum alia truces sunt alia timidæ, omnes verò syluestres, vt in Venatione Adonis describuntur:

Hortaturq; canes, iustaq; animalia præda,

Aut pronos lepores, aut celsum in cornua ceruum,

Aut agitat damas : à fortibus abstinet apris,

Raptoresq; lupos, armatosq; unguibus vrsos

Vitat & armenti saturatos cæde leones.

Tametsi hæc distinctio a uibus quoque conueniat : domesticæ nam sunt gallinæ, pauones; reliquæ feræ.

CAP. XVI. *De Reptilibus.*

Reptile animal est terreæ ac frigida naturæ, corpore toto tereti, ac vno tramite à capite ad caudæ extremitatem porrecto : vt serpens. Brachijs, pedibusque caret, alis item : præter Indicos quosdam & Africanos : scribitque Gellius in Africa primo bello Punico serpentem ab Attilio Regulo repertum, diuque oppugnatum, centum amplius pedes longum. Sunt verò alij terrestres, alij aquatiles, plurimis generibus inuicem discrepantes.

CAP. XVII. *De Piscibus.*

Esimplicis vitæ animalib. supersunt quæ in sola aqua viuunt, vt pisces. Est autem Piscis animal aqueæ & frigida substantiæ, corpore oblongo, cute squammata, ac tantum in aqua viuens, vt murena, tencha, truta, salmo, fundulus. Vt verò cum reptilibus huic generi in nonnullis conuenit, ita cum cæteris corporis membrorumque figura multum discrepat. Corpus illud oblongum alijs latum est, vt cyprino carpioni : alijs teres, vt anguilla, vnde Iuuenali dicitur

— *Longæ cognata colubra.*

Collo carent; pectusque caput excipit, & venter iuxta os positus est : inter caput & pectus branchiæ sunt : os habent rescissum : linguam imperfectam ac indiscretam : iecur ferè bipertitum : lienem exiguum : pulmonem nullum, nisi quibus fistula prominet, vt balenis, delphinis. Sensuum organa præter oculos perspicua nulla : nec spina dorsalis omnibus data : brachijs postremò pedibusque destituti ipsorum vice pinnis utrunque & superius alati sunt : quarum remigazione & caudæ itidem pinnatæ agitatione motum dirigunt, desunt tamen & istæ, congro & anguilla.

læ. Squammis obducti alij sunt, vt perca, lupus: alij cute squammeis figuris distincta, vt mustela, gobijs. Marinae beluæ aëreis multis partibus sunt maiores: sed hebetiores quoque.

CAP. XVIII. *De Amphibijs.*

Amphibium animal est inter aëreum & aqueum anticipis naturæ, in vtraque sede viuens. Sunt autem partim quadrupedia, vt rana, crocodilus, lutra, taxus, fiber; partim reptilia, vt natrix: partim volucra, vt mergus, vrinatrix, anas. Atque hæc quidem in aqua degunt, cibumque ex ea petunt; aëre tamen viuunt, & extra aquam plurimum conspiciuntur. Membris corporeis ijs sunt similes, cum quibus motu gressuque conueniunt; præter Crocodili corium quod est corneum; & fibrum, cui cauda piscium, cætera species lutræ.

CAP. XIX. *De Exsanguib. carnosis.*

Huiusmodi sunt sanguinea: Exsanguia succedunt, quæ sanguinis sunt expertia; eiusque vice humido quopiam vitali alio constant. Visceribus carent, vicinumque caput alio est, & huic intestinum. Pedes multi: nam quibus animantibus plures quaternis, sunt exsanguia omnia. Duplicis habentur generis, carnosæ quæ carneæ substantiæ sunt; & insecta: illa præterea partim mollia, partim corticata. Mollia, quæ cute tantum obducuntur & carneæ sunt extrâ, reperiuntur promiscui generis maritimæ & terrena, vt polypus, sepia, loligo, nautilus, nauplius; cirros habent vtraque parte quaternos loco brachiorum, quibus cibum venantur, ori que admovent. Brachia illa pedesve alijs proluxiores sunt venterque arctior, vt polypo; alijs contractiores aliusque amplior, vt sæpiæ, loligini. Humorem continent peculiarem atro colore, atramentum dictum, quem irritata, metuque perculsa effundunt. Corticata deinde sunt quæ cortice muniuntur, vt Crustacea contexta crustis, & Testacea testis conclusa duris. Crustacea multa sunt, in pluribus sibi disparia, vt cæcer, locusta, squilla. Testacea quædam testa omnino occultantur, vt ver-

tibula

tibula, & calli; quædam caput proferunt, vt turbinata, quæ-
lia limaces terrestri, cochleæ marinæ. Cortice durior & fi-
liceo includuntur ostrea & quæ eius generis sunt, pectines,
conchæ.

CAP. XX. *De Insectis.*

Insecta, postremum animalium genus, vocantur, quodd
incisuris corpus distinctum habent. Caro illis est nulla,
nec aliud quicquam, præterquam humor fuscus & cras-
sus, membranula inclusus, cui minutissimi cohærent pedi-
culi. Caput suis membris, quantumuis exiguis, manifestis
tamen constat; vt naturæ opificium etiam in minimis his-
ce mirari liceat. Partes corporis tot sunt, quot ab incisuris
vertebræ constituuntur, tenui fistula cohærentes. Duo au-
tem insectorum sunt genera, pennata & impennia. Penna-
ta quædam binis constant pennis, vt muscæ, culices, papili-
ones; quædam quaternis, vt apes, vespæ, cicadæ, scarabæi,
cantharides, & quorum pennæ tenuiores crustula integun-
tur. Illis in ore aculeus est tam ad pungendum quàm su-
gendum; acuminatus simul & concavus: hæc in extremi-
tate alui spiculum gerunt. Impennia sunt quæ humi gra-
diuntur, pennisq; carent: atque ex his nonnulla ambu-
lant vel gradatim, vt formicæ, aranæi, centipedes; vel salta-
tim quorum pedes postremi longiores foras inflectuntur,
vt locustæ, pulices: nonnulla denique repunt, vt vermes,
bruchus, aurelia, eruca, nitedula, tineæ, & scorpio cui soli
cauda aculeo armata.

CAP. XXI. *De victu animalium.*

Historiæ animalium pars posterior est de rebus exter-
nis, quæ de animantium essentia non sunt, sed tan-
tùm ad ipsorum vitam faciunt, vt Victus, quo cibi
potusq; genere quoduis vtatur; & Locus, de ipsorum ha-
bitatione & migrationibus. Sunt ergo generatim quæ-
dam carniuora: vt aues aduncorum vnguium, aquila, mil-
uus, accipiter: quadrupedes feræ, & quæ ferratos dentes
habent, leo, ursus, lupus, vulpes: pisces quoque seipso ma-
iores minores deglutiunt, lupus, salmo, mustela, & mollia
omnia.

omnia. Quædam frugiuora, aut omniuora sunt, & herbis fructibus, folijs fruticum, frugibusque vescuntur, vt aues planipedes columbus, coturnix, lusciniæ, carduelis; cornigeræ quadrupedes boues, oues, & quæ

Florentem cythysum sequitur lasciuia capella.

Equi item, cameli: serpentes qui tamen ex parte carniuori sunt: sus quoque radicibus delectatur: piscibus horum loco esca est alga, limus, muscus, præsertim saxatilibus; anguillæ limus: victitat prætereà humore dulci: testaceis cibus sunt conchulæ: insectis plerisque herbar & similia, maximè dulcia: sunt tamen quæ rore viuunt, veluti stelliones vt putant. Homini primo mundi æuo olera fructusque cibus erant: atque

Arbutos fœtus montanaq; fraga legebat,

Cornaq; in duris horrentia mora rubetis,

Et quæ deciderant patula Iouis arbore glandes.

Barbaræ multæ nationes antequam agriculturam edoctæ essent agrestibus cibus utebantur, Arcades glandibus, Archiui apijs, Athenienses ficu, Tirynthij syluestribus pyris, Indi arundinibus, Carmani palmis, Sauromatæ milio, Persæ terebintho & nasturtio. Postea homini carnes quoque concessæ sunt; quibus etsi suauibus minimè contentus, nihil non nouarum deliciarum excogitat, quò palato inseruiat. Potus auium exiguus est: aduncis etiam nullus aut perrarus: bibunt autem sorbendo. Quadrupedes aliæ bibunt lambendo, vt canes & quibus dentes serrati: aliæ sorbendo, vt equi, boues & quæ dentes habent continuos. Versus potum morfu sumit: homo sorbet quoque. Est verò potus animantibus omnibus aqua, homini præter aquam vinum.

CAP. XXII. De sede animalium.

Sedes cuique animantium generi conueniens, præter aërem communem & aquam, varia est, ac multis singulæ regiones peculiare, vt elephanti India tantum & Africa; & eadem Africa ceruum, aprumque non gignit, vt nec Hibernia serpentes, & Creta nocium animal vllum. Crocodilum solus Nilus profert & Niger eiusdem

L.

Africa

Africae amnis, Caystro flumine gaudent cygni: atque huius generis sexcenta licet inuenire: sic enim pisces eadem ratione alij alijs locis sunt lautiores; vt in Lucrino lacu Campaniae, vnde Martialis.

Tu Lucrina voras —

Suntque aquae multis piscibus certis locis exitiales, vt aër feris: nam in lacu Lemano anguilla nec gignitur, neque illata viuit. Horum causa est, quod regionis temperies eiusmodi animantibus sit aduersa propter frigus inusitatum caloremve: aut quod alimenta quae propria essent ad vitae propagationem non proferat: vel ita profert, vt saeco nociuo imbuta sint: aut demum quod animalia illa ab alijs infestis perimantur. De commigratione idem iudicium est, aëris iniuria compulsa sedem nonnulla statis temporibus gregatim mutare, vt ciconias, grues palumbes, coturnices: pisces etiam ad Aquilonium mare per Propontidem, Euxinumque infinita multitudine transmigra- re, Basilius author est. Alia porro sunt quae hyemis rigorem non ferentes, minimè quidem recedunt, sed sese terrae latibulis occultant, vt vrsi, mures alpini, & serpentum quidam: limaces terrestres delitescunt testa quâ patet regmine obducta: latent item pisces complures, atque conchae, auiumque; magna pars suadente naturae instinctu temporì cedendum esse; do-

nec redeunte Sole, inuitanteque;

veris amenitate tu-

tum sit in aper-

tum pro-

dire.

PHY-

PHYSICORVM

LIBER NONVS DE

ANIMA.

CAP. I.

Quid Anima.



ATVR Æ vitam habentis partes duæ fuerunt constitutæ, corpus & anima. Pertractato itaque corpore quod animæ organum est, vitæ domicilium carinæque sensuum, nunc de altera parte agendum esse ordo postulat. Est autem Anima essentia corporeæ, quæ corpori organico vegeto vitam sensumque affert.

CAP. II. *De Animæ essentia.*

ANIMÆ substantia corporea est; ob idque mortalis: & quia non immortalis, ideo nec incorporea. Hæc verò est eius origo. Progignitur simul vnâ generatione & corporis & animæ materies, atque vt in communi rerum ortu ex elementorum plurium commistione vnum corpus; & ex multarum materialium coalescentia vna tantum corporis forma efficitur; ita ex duplici materia corporis & animæ vnum tantum animal aut planta propagatur: & ex materiæ diuersæ coadunatione vna & simplex animati forma, non dupla: vt nec ex elementorum mistione trigemina exsurgit. Itaque ex hac vtriusque materiæ vnione, coalescente paulatim & augescente corpore, crasis siue temperamentum partim in organa abit, partim in animæ vires. Ita animæ essentia ex sua origine perspicui præcipue potest: nam & Geneseos primo capite, creatur ex elementis, vbi terra iubetur Dei voce Animam viuentem, quadrupedum, reptiliumque producere: & aqua natatile atque volatile Animæ viuentis: & iterum terra herbam, lignumque fructiferum germinare: quibus locis animam e crasi elementari ortam esse perspicue innuitur. Et in Moyse Leuitici septimo decimo, Animam carnis in sanguine esse extat: vt & Deuteronomij

duodecimo; Hoc solum caue ne sanguinem comedas: sanguis enim animalium pro anima est, ideò non debes animam comedere cum carnibus: Vt rectè senserit Crytias ex veteribus philosophis, Animam in sanguinis crassi contineri, quod eo effluente ac deficiente, vita, sensusque collabatur.

C A P. III. *De Vita.*

Potentia vel partes animæ duæ sunt, Vita & Sensus: illa stirpibus sola inest, animantibus verò vtraque. Vita est potentia animæ vegetans, qua corpus viget: nam huius virtute cum stirpes tum animantia virent, augescunt, fructus foetusque progignunt. De ea considerantur duo, facultates & ætates. Facultates sunt de ortu cuius est Generatio; & incremento; cuius Accretio & Nutritio.

C A P. IIII. *De Generatione.*

Quæ vita sunt prædita, voluit natura certa lege alterum ab altero perpetua successione propagari. Est ergo Generatio facultas qua corpus vegetum ex apto semine ad suæ speciei similitudinem nascitur; vt homo ex homine, bos à boue, pyrus à pyro. Oriuntur porro multæ herbæ, atque bestiolæ, præsertim ex sanguine è terra humida, & conueniente calore temperata; multæ ex putredine: quæ licet non à sua specie edantur; tamen ad eandem similitudinem ac naturam accedunt: habentque illud naturalis legis proprium vt species eadem ad suæ speciei conseruationem à nulla specie, ex competente tamen semine proueniant: vt herbæ syluestres, muscæ, scorpius, & quæ sunt similia. Sponte itaque gignuntur non à suo genere, sed è semine ex imbre, & putredine à natura fabricato.

C A P. V. *De similitudine prolis cum parentibus.*

Causæ similitudinis qua foetus & naturam & imaginem parentum, aliorum etiam quandoque referunt, duæ

duæ sunt, semen & imaginatio in conceptu. Per semen mores, & actiones, tum sermo idem in liberos deriuat; quin etiam morbi nonnulli: nam à calculosis parentibus aut comitialibus progeniti, iisdem ferè morbis subiecti sunt. De dissimilitudine morum Iuuenalis satyra 8. in hunc modum:

*Malo pater tibi sit Therfites, dummodo tu sis
Acacide similis, Vulcaniaq, arma capeffas,
Quàm te Therfite similem producat Achilles.*

Surculi pariter eiusdem saporis ac magnitudinis fructus edunt, vt plantæ illæ à quibus præcisi fuerunt. Mirum verò quantum imaginatio valeat quæ parentibus in conceptu animo obuersatur; vt illud Quintiliani ostendit, quod Hieronymus in Quæstionibus hebraicis repetit de muliere quæ sola imaginationis vi æthiopem peperit, cum ipsa & maritus candidi essent, ac propterea in iudicium ob adulterij suspicionem vocata fuerat. Memorabilis est quoque Patriarchæ Iacob ille diuinæ benedictioni gratus dolus, quo in canalibus ouium virgas varicolores sparferat, vt dum oues conciperent, ac varietatem intuerentur, ex imaginatione prolem maculoso vellere propagarent. Itaque vt semen quod è toto corpore prouenit naturam induit parentum, eamque in id quod procreatur transfundit: ita imaginatio fortis semen ad suam ideam in matrice effingit formatque. Neque verò solum in conceptu, sed etiam dum proles iam formata in vtero gestatur vim suam imaginatio illa exercet; quum concupiti, si eo priuentur, grauidæ mulieres maculam genitiuis notis corpori infantis imprimant: tantum valet desiderium & fortior imaginatio. Hoc modo Laodice Antiochi vxor prægnans per quietem annulum ab Apolline anchora insignitum accepisse sibi visa, Seleucum multis postea præclare gestis celebrent cum iisdem in fœmore insignijs est enixa: ac deinceps filij nepotesque eius anchoram in fœmore, velut notam generis naturalem habuere.

CAP. VI. De Sexu.

Sexus quo animalium species ferè distinguuntur, duplex est, mas & fœmina: in gressibus discrimen ma-

nifestum est, in insectis, corticatisque non item. Marina-
tura est calidior, foemellæ humidior; unde ille robustior
atque animosior; hæc imbecillior & ad affectus pronior.
Mas vocem habet gracilem ac validam; foemina exilem
tenuemque. Discrimen sexus genuinum sunt genitalia &
interior vterus, foeminæque laxiores mamillæ. Bestijs
quibusdam aliæ insuper sunt differentia, vt ceruo cornua,
ceruæ nulla. Differunt communi modo taurus & vacca:
hircus & capra, aries ouisque, gallus gallinaceus & gallina.
Auium sexus multum colore præterea distinguitur.
Sunt denique mares plerunque foeminis corpore grandi-
ore.

CAP. VII. *De propagatione stirpium.*

Modus generationis suus cuique viuientium gene-
ri peculiaris est. Stirpes pluribus modis proueni-
unt: primum semine, vt triticum, cepe, linum,
quercus, nux & pleraque: semine prius putrefacto, mox-
que radices in terram agente: atque stolonem vel caudicem
foras producente: deinde insitione radicis: vt lilium:
habent huiusmodi radices vim seminis, in sese: & cum hu-
midum nutritione aptum hauserint, herbas floresque pro-
ferunt: vel insitione surculi, vt rosa, vitis, salix; cum extre-
ma surculi pars in radices transit, alimentumque attra-
ctum suppeditat: præterea intrusione surculi inter lignum
corticemque alius trunci, vt malus, pyrus: dum surculi
materies sese temporis processu in lignum trunci insinuat.
postremo omnibus modis, vt olea cerasus.

CAP. VIII. *De generatione ani-
malium.*

ANimalium quædam in vtero formantur, quædam
in ouis: illa à viuiparis quæ viuum animal gignunt,
hæc ab ouiparis ouum parientibus. Animalia in v-
tero gignuntur homo; quadrupedes sanguine præditi: &
inter pisces balena, delphinus, cete. Hominis generatio
fit hoc ordine. Primum semen maris & foeminæ permi-
stum tenui membranula obducitur: inde à septimo die
epar,

epar, cor, & cerebrum formantur: tum vsque ad quadragessimum quintum circiter diem corpus vniuersum paulatim formatur & membra distinguuntur. tertio à conceptu mense moueri incipit, & nono demum vt plurimum, editur: ac secundum naturam septimo editi viuunt licet, octauo non item: nam foetus ex motu in alteram partem vteri, qui initio fit mensis octauo, imbecillis factus & tenerior partus dolores non fert: nonnulli mense decimo in lucem prodeunt, maxime foemellæ: vnde illud Virgilij

Matri longa decem tulerant fastidia menses.

Cuius rei causa ad humani partus tempus priscis annum spatium demensum fuit. sic enim Ouidius primo Fastorum de Romulo narrat,

Quod satis est vtero matris dum prodeat infans

Hoc anno statuit temporis esse satis.

Et apud Homerum puellæ à Neptuno proles anno elapso promittitur. Ad hunc modum formatio foetus de cæteris viuiparis intelligatur, licet tempus ferendi vteri sit inæquale. Quæ ex ouo generantur sunt quadrupedum quidam, vt crocodilus, lacerti: Aues ac pisces omnes, & insecta partim: velut formicæ. Ouum in vtero formatur ex semine. Aues enixæ ouis incubant, atque incubitu cum calorem natium fouent, tum calorem vitalem virtute genitali infundunt: qui calor humidum oui in animal ad superiorem modum effingit, quod perfectum demum ouo excluditur. Maxima pars foemina masque alternatim incubant. Qua piseum obseruatum est non omnia animal proferre sed ea tantummodo quæ edita masculi semen genitale aspersum contigerit, quæ sola fecunda sunt. Quadrupedes multifidæ & aues, piscesque, plures foetus vno partu edunt: solipedes & bisulcæ vnicum tantum, & quandoque bina.

CAP. IX. De Nutritiane.

Incrementi sunt modus crescendi & vis. Modus dicitur Nutritio, quæ est vis animæ vegetantis quæ alimen-

tum congruum ad corporis sustentationem transmutat. Eius quatuor sunt facultates; Attrahens quæ alimentum suscipit; Retinens quæ concoquit, Alterans quæ puriorem partem cibi digesti in corporis substantiam mutat, & Expellens qua reliqua pars crassior egeritur. Ergo acceptum ore cibum ac dentibus comminutum stomachus in ventriculum deducit, vbi in chylum conuersus atque per duodenum ieiunumque transmissus separatur & transcolatur: nam fecibus ad intestina inferiora demissis pars purior ad epas venis mesaraicis deducta vertitur in sanguinem non purum sed alijs humoribus infectum: quibus statim segregatis, emissa nempe magna ex parte cholera ad fel, melancholia ad splenem, ac phlegmate aquoso per renes in vesicam, sincerior sanguis omnis vena caua exceptus in totum corpus per venarum ramos sursum deorsumque tendentes spargitur; præter riuulum exiguum qui ad cor, pulmonesque defertur quò & ipsa alantur, & spiritus vitales in sinistro cordis thalamo generentur. Atque hic est digestionis ordo, quo cibus primum à ventriculo in chylum liquatur; deinde ab epate in sanguinem; ac postremò à singulis membris in sui naturam & formam. Famis porro hæc est causa. Cum membra propter calorem natium, humida depascentem ad vitæ conseruationem continuo alimento indigeant, nisi administretur, venas exsugunt, ex quo ventriculus corrugatus atque atræ bilis simul affluentis dolore vexatus, famem, sitimue excitat. Plantis membra nutritionis nulla sunt: nam alimentum à radicibus attractum per truncum ad ramos ascendit; est tamen humidum copiosum inter lignum & corticem. Cæterum nutrimentum corporis genuinum, humidum est calidum & pingue, quale in animantibus sanguis est; in plantis & exsanguibus simile quippiam. Causa vero mutationis alimenti in essentiam membrorum, calor est: ex hisque duobus humido radicali & calore vitali, alente altero, altero fouente vita omnium constat. Axiomata de nutritione sunt illa: primum, Omnia iisdem aluntur quibus constant: vnde cum omnia humido nutriantur, theologi pagani antiquissimi Oceanum Thetynque, id est aquam omnium paren-

parentem cecinerunt : alterum, Nutrimentum ei quod alitur sit contrarium.

CAP. X. De Accretione.

VIs crescendi dicitur Augmentatio siue Accretio: quæ est facultas animæ vegetantis qua corpus ad iustam magnitudinem excrescit. Vitæ hæc est ratio, vt nutrimenti non solum id capiat, quod ad suam conseruationem sufficit, sed etiam appetat quantum corpori augmentando necessarium est. Duplex est accretio: prior qua corpus in omnes dimensiones crescit, vsque ad vigorem ætatis, *αἰών*: qui homini statuitur annus vicesimus quintus: huiusque incrementi lex est vt omnia membra totumque corpus apta proportionem augeat: vt cum trunco simul & radices & rami; cum carne ossa, corium, caput, cornua, pedesque in boue. Tradunt hominis futuram proceritatem in trimatu depræhendi, si eæ altitudini quæ tum puero est duplum addatur. Altera accretio imperfecta est, cum à termino vigoris calore languescere corpus in latum tantummodo augetur. Accretioni contraria est Diminutio cum corpori flaccescente vi naturali ex defectu caloris de sua magnitudine decedit. huius rara exempla in rerum natura sunt, aut nulla; nisi quis pyra aut poma cum diutius asseruantur marcescentia, aut homines ex diutina ægrotatione tabescentes diminui in hunc modum, asserere velit.

CAP. XI. De Iuuentute & Senectute.

Altera pars eorum quæ ad Vitam spectant, est de Ætatibus; quæ tres sunt, iuuentus, virilitas, & senectus. Iuuentus est ab ortu ad *αἰών*; abundat & humore & calore: calorque tum maximè feruet, vnde ardor iuuenilis & feruor affectuum in præceps ruens, sanamque mentem præcurrens. Talis in Alcanio describitur, quarto Æneid.

*At puer Ascanius medijs in vallibus acri
Gaudet equo: iamq; hos cursu, iam præterit illos,
Spumantemq; dari pecora inter inertia votis
Optat aprum, & fuluum descendere monte leonem.*

L.v.

Et

Et libro octauo.

_____ *mihî mens iuuenili ardebat amore.*

De Gya quoque libro quinto :

Tum verò exarsit iuueni dolor ossibus ingens.

Nec lachrymis caruere gene, segnemq; Menetem

Oblitus decorisq; sui, sociumq; salutis

In mare precipitem puppi deturbat ab alia.

Virilitas est vigoris constantia & robur : ab ætate ad senectutem perdurans, moderatè calida & humida ; rebus gerendis ac virtuti exercendæ idonea : in hac ætate corpus se extendit & crescit in latum, motus animi sedantur, postquam feruores efferbuerunt, affectusque subacti sunt & decocti. Ouidius quintodecimo Metamorph.

_____ *Posito feruore iuuentæ*

Maturus, mitisque inter iuuenemq; senemq;

Temperie medius.

Horatius quoque de Arte in hunc modum

Conuersis studiis ætas, animusq; virilis

Quærit opes, & amicitias, inseruit honori.

Commisisse cauet, quod mox mutare laboret.

Senectus est vigoris naturalis diminutio, cum languescit calor, humorque arescit. Atque in his ætatum gradibus prouida naturæ lex depræhenditur, qua uetusta neuis cedere voluit, nouaque antiquis succedere, ne ad immensam infinitatem omnia auferrentur ; neque quicquam temporis successu deficeret : & vetera quidè eo ordine cõsumerentur, vt nihil ex abrupto interiret, sed paulatim vt ad naturalem habitum, atque perfectionem peruenisset, ita decederet. Vigor ergo vt primùm feruidus est, deinde plenus ; sic postremò languidus sensim ad corruptionem tendit. Quid, eodem loco.

Tempus edax rerum, tuq; inuidiosa vetustas

Omnia conficitis ; vitiatq; dentibus æui

Paulatim lenta consumitis omnia morte.

Hinc sensus gressusque debilis, vires exiguae, memoria minimè tenax, caliditas propè nulla ; affectus verò sedati, matura deliberatio, & multa experientia, vnde senes prudentes : omnia tamen pro ætate variant ; nam cum calor

omnino

omnino refrixit, velut in extremo senio: prudentia in delirium definit. Debilitatis exemplum est Entellus apud Virgilium 5. Æneid.

Non laudis amor, nec gloria crescit,

Pulsa metu: sed enim gelidus tardante senecta

Sanguis hebet, frigentq; effæta in corpore vires.

Sic Ælianus Platonem ab Aristotele oppugnatum scribit, cum iam memoria amplius minimè valeret: sic Dauid regi puella quæ sita, quæ eius corpus effœtum ac frigidum calore foueret. Huc pertinent exempla Milonis Crotoniata & Helenæ apud Ouid. 15.

Subruit hæc cui demoliturq; prioris

Robora, fletq; Milon senior cum spectat inanes

Illos qui fuerant solidarum morte ferarum

Herculeis similes, fluidos pendere lacertos:

Flet quoque ut in speculorum as conspexit aniles

Tyndaris, & secum, cur sit bis raptâ requirit.

Et Nestoris apud Homerû Iliados penultimo, & Oui. 2.

O facunde senex, cui prudentia nostri,

Tum senior, Quamuis obstat mihi tarda vetustas

Multaq; me fugiant primis spectata sub annis.

Senectutem ad extremum Mors terminat, quæ est interitus omnium quæcunque vita prædita sunt; cum naturali consumpto humido calor viuificus extinguatur. In homine etiam mens incorporea tum à corpore separatur: dolore tantò acerbior quantò animi corporisq; vnio ætior est.

CAP. XII. De longitudine & breuitate vitæ.

QUOD viuentium quædam vitæ sint longioris, quædam breuioris causæ sunt & internæ & externæ.

Prima est constitutio corporis seu vt vocant, complexio: Melancholica & cholericæ potius decurtât: sanguinea optima & commodissima est longæuitati, si nempe primò calor humidumq; correspondente proportionē & inuicem misceantur, & frigidum siccumq; exsuperent: deinde si calor tenuis ac temperatus sit, humidumque æreum pingue nec crassum: sic enim calori viuifico alimentum

non

non deficit, ne humidum calorem opprimit aut extinguit. Est & alia prorogandæ vitæ causa interior, moderatio affectuum, si animus curis, vigilijs intempestiuis, somno nimio, crapula, libidine aut ira perturbari non permittatur: nam perturbationes illas corpus enervare, cor excedere, cerebrum fatigare, plurimumque vitæ longitudini obesse cum alia ostendunt, tum matura illorum canities quibus multa sollicitudo & graua negotia incumbunt. Exterior est cœlum & regionis temperies: nam pluribus locis senes perrari conspiciuntur, alijs frequentes: vt de Italia tradit Plinius. Stirpes quæcunque longo æuo durant naturâ tarda crescunt: & animalia viuaciora tardius pariunt; maius enim tempus ad foetus in vtero perfectionem requirunt. Est quoque quibus vita longior datur, corpus grandius ac nervosius. Terminus vitæ humanæ statutus à Deo erat post Diluuium centum viginti annorum: restrictus est postea ad septuaginta: aitq; Psaltes quicquid præterea restat, dolorem esse & laborē. Anticipari potest, terminus: prolongari minimè: nam multi immatura morte cedunt ex crapula, bello, peste.

CAP. XIII. De Sensu & Respiratione.

Altera animæ facultas Sensus succedit: qui est potentia animæ qua corpus animatum sentit. Vitæ sensuumque in animalibus fons & dominus est Cor. est enim officina spirituum vitalium à quibus sensuum vigor omnis promanat. Inest autem cordi tantus calor, vt nisi subinde aere recenti refocillaretur, suffocaretur statim: quare ad vitæ conseruationem natura Respirationem requirit, quæ fit attractione aeris per asperam atteriam in pulmones; qui ibi attenuatus atque ad cor transmissus, quò refrigeretur, per aspirationem rursus emittitur. Carent verò multa animalia pulmone, quæ non respirant, sed aerem per poros admittunt, vt insecta: nam oleo perfusa, quod meatus obstruit, suffocantur. Pisces non respirant præter delphinum, vitulum marinum & balenam quibus est pulmo: cæteri autem eius loco aquam branchijs admittunt, emittuntque. Sensus porro operationes sunt vel exteriores,

vt

vt Sensus propriè sic dicti, & Motus, vel interiores. Exteriores sunt qui res externas animæ intro offerunt, interpretes rerum & nuncij appellati. Obiectum quibusque proprium est, sed non nisi cum materia coniunctum. Medium inter obiectum sensumque intercedit aer, aqua & caro exterior. Sensibus præterea organa quibuslibet sunt peculiarioria; & qui ea mouet, spiritus vitalis est.

CAP. XIII. *De Visu.*

Sensus externi alij obiectum ex longinquo percipiunt vt Visus, Auditus, & Odoratus: alij ex contactu vt Gustus & Tactus. Visus est sentiens facultas qua corporis obiecti color & magnitudo conspicitur. Medium est aer & perspicuum quodcunque, quod Sole aut lumine illuminatum sit necesse est ad videndum opaca; lucida, obscurum licet: colores enim non cernuntur nisi interdiu aut ad lumen: faces verò longinquæ & stellæ per aerem non illustratum noctu per se apparent. Instrumentum visus sunt bini oculi: res verò ipsæ obiectæ ad hunc modum conspiciuntur. Vis visoria crySTALLINO humore compræhensa radios foras emittit ad obiectum obuium pertinentes, hi radios alios ab obiecto quolibet excurrentes excipiunt & ad oculos referunt: tumque species illa obiecta in pupilla (virtute ac natura crySTALLINI humoris) velut in speculo relucens per nervos visorios ad sensus communis sedem quæ in cerebro est deferretur: atque quamprimum imago externa siue obiecta in pupilla refulget, sensusque communis interior sentit, dicitur anima videre. Radij visuales figuram constituunt pyramidalem, cuius basis obiectum corpus compræhendit, conus in oculo est: Quoque angulus coni acutior est, eò res minor apparet: quò obtusior, hoc maior: vnde fit, vt corpora cominus maiore videantur, quàm eminus, vt hic vides, vbi ex A loco, arbor maior apparebit, propter angulum laxiorem, quàm ex B:

Spatium



Spatium requiritur conueniens inter oculum & obiectum: nam si minus sit, radij confunduntur; sin longius, euanescent priusquam speciem vllam apprehendant, referuntque nihil. Corpus omne radios ex sese emittere, argumento est speculum, quod radios illos corporum excipit, colligit ac imaginem refert: radios quoque ex oculis profilire indicant perspicilia illorum quibus visus brevis est paulumque remotiora non valent conspicerere: nam ad-mota oculis radios visuales debiles exceptos firmant, deducuntque vltcrius. Sed alia ratio est eorum quibus senes vtuntur, nam ipsis ob membranulas oculorum incrassantes, radij confusi res subtiles ac minutas discernere nequeunt, nisi intercedente medio crassiore, quo radij rei visæ dilatentur: ob idque vitro etiam communi ad legendum vtuntur: atque eodem modo quæcunque sub aqua videntur, maiora apparent, quam reuera sint. Visus animantibus communis est omnibus, præterquam paucis, talpæ, formicæ, limaci qui oculis carent, eorumque vice corniculis viam prætentant. Auius propter pertenuem oculorum ac copiosum humorem visus acutior est; acumen etiam præ cæteris excellens lynxi, & ossifragæ marinæ.

CAP. XV. De Auditu.

Auditus est sentiens facultas, qua sonus percipitur. Fit cum sonus à corporum collisu aut animalium voce editus in aures delatus, ossiculum malleolo simile mouet, cuius commotione ossiculum alterum simile incudi percussum, spiritus audituios excitat, qui sonum per neruos sensorios ad sensum communem traducunt.

CAP. XVI. De Odoratu.

Odoratus est sentiens facultas odoribus deprehendendis apta: excipiuntur primum naribus, inde per os colatorium transmissi cerebrum feriunt; sensuque communi discernuntur: est enim cerebrum odoribus obuium, unde ijs facile si foetidi aut graues sint offenditur. Olfactus eo acrior est, quo cerebrum siccius: nam in humido abundantiore odor perit: & hinc est quod canes sagacitate multum præstant, quod cerebrum habeant siccum venationibusque sint aptissimi: unde secundum Claudianum, secundo Raptus.

Delia Parthenium canibus scrutatur odoris.

Medium est aer: extant tamen nonnulla experimenta, quæ pisces in aquis odorari ostendunt.

CAP. XVII. De Gustu.

Gustus est sentiens facultas, qua saporis percipiuntur. Organum quo dignoscuntur pellicula est sub porosa carne linguae & ea qua palatum obducitur; ea contacta nanque nerui sensorij mouentur. Medium est caro linguae & palati salinose humore perfusa: qui si purus sit, gustus acrior est: hinc ieiunis quibus nondum infectus est sensus gustatilis discernendis saporibus aptissimus est. Piscibus perexiguam esse conijcitur, tum quod linguam obscuram habeant, tum quod rebus insipidis victitent, & escas integras deglutiant.

CAP. XVIII. De Tactu.

Tactus est sentiens facultas, qualitates primas & secundas tractabiles percipiens. Sensus hic item pellicula neruea per totam corporis superficiem distenta continetur & viget: eaque commota, nerui mouentur, vna cum ipsorum origine, quæ est spinalis medulla atque cerebrum. Medium est cutis & caro pelliculae illi adhærēs. Tactus commodissimus omnium est sensuum, ac sine eo nec animal sentire dicitur.

CAP.

CAP. XIX. De motu locali.

Sensitiuæ animæ operatio exterior est Motus quoq; : facultas videlicet, qua corpus ex vno loco in alium, aut membrum in quamvis partem ad imaginationis dispositionem mouetur. Motus corporis vniuersi species sunt quatuor: Gressus cum animal pedibus incedit; vt homo & quadrupedes: Volatus cum alis è solo sublatum per aerem fertur, vt volucres: Natatio cum pinnis aquæ innatat, vt pisces: Reptatio cum corporis constrictione & dilatione super terram promouetur vt reptilia. Membrorum singularis motus est sursum, deorsum: dextrorsum, sinistrorsum; in partem anteriorem & posteriorem: cum brachium, pedemue mouemus, aut annuimus capite. Est verò motus naturalis hic ordo: Imaginatione ab obiecto exteriori per sensus commota, vt vel ad bonum feratur, vel malum euitet, cerebrum statim spiritu vitali nervos vibrat & musculos: inde chorda iuncturarum seu *τῶν* cietur qui membrum quodlibet aut corpus totum mouet: sic lupo visa oue, cibum ratus, à spiritu imaginationis impellitur, accurritque, sic apud Virgil.

*Ostendit dextram insurgens Entellus, & alie
Extulit, ille ictum venientem à vertice velox
Præuidit, ceteriq; elapsus corpore cessit.*

Vbi Dares ictum vibratum conspicatus, malum imminens præcauendum iudicans, ac spiritu nervos musculosque ciens, seipsum amouit. Animalium velocissimum censetur Delphinus quippe qui tela emissa præcurrat. Immota sunt marina nonnulla saxi affixa, aut limo, vt spongia, vrtica, conchæ, ostrea & similia.

CAP. XX. De Voce Animalium.

Morui sensibusq; succedit tractatio de Voce & Sermone. Est autem vox sonus per spiritum à pulmone ad dentes propulsum, & in palato collisum editus. Quæ enim animalia pulmone, collo & lingua carent, vocem non edunt, vt pisces, præter delphinum qui gemitus exprimit. Vox ergo tantò perfectior est, quanto animal quod emittit perfectius: vnde exanguia quæ à perfectione

fectione absunt plurimum, aphona sunt: extant tamen quæ sibilum cient, ut muscæ, apes, cicadæ, & huiusmodi, in quibus aër conceptus & fistula qua totum corpus cohæret emissus lingulam stridulam feriens bombum illum procreat. Vox secundum quantitatem est vel grandis, quæ plerunque grauis est; ut Stentoris apud Homerum, leonis, tauri: vel exigua ut puerorum, mulierum, & est acuta: vel mediocris ut virorum magna ex parte. Secundum qualitatem est vel canora & plena, quæ vitio caret: ut auiû prope modum omnium; vel exilis & fusca, ut leproforum, & qualis manium apud inferos à Virgilio fingitur sexto Æneid.

— *Pars tollere vocem*

Exiguam, incaptus clamor frustatur hiantes.

Est etiam clara ut merulæ, allaudæ, aut stridula siue tremula, ut caprarû, cicadæ: Aspera ut corui; aut flexilis, ut luscinix. Homo non solum perfectissimam sed articulatam etiam profert, quæ Sermo dicitur: eò longè illustriore magisque miranda ratione, quòd formatis, gutture vocabulis, labris atque lingua consonantibus, cum affectus & opiniones, tum mentis voluntatem explicare queat.

CAP. XXI. De Somno.

Operationum itaque sensus exteriorum vigor dum suo officio funguntur, eiusmodi est: sequitur quies quæ dicitur Somnus, cum Sopiti quiescunt: sic enim à natura constitutum fuit, ut externæ operationes alterna vice & vigerent & quiescerent, ne cerebrum novarum subinde idearum superuentu fatigatum ad amentiam ageretur, & corpus motu continuo fractum succumberet; ut rectè Ouid. 4. Epist. concludit,

Quod caret alterna requie, durable non est.

Somnus ergo est quies virtutis sensuum externorum: sic verò apud eundem describitur, vndecimo Metamorph.

Somme quies rerum, placidissime Somne deorum,

Pax animi, quem cura fugit, qui corpora duris

Fessa ministerijs mulces, reparasq; labori.

Oritur ex ciborum halitu cerebrum irrigante: nam ven-

M.

triculo

triculo cibos ingestos concoquente, halitus lenes ad cerebrum, ascendunt, qui eius frigiditate liquefacti ad nervorum meatus diffluunt, ipsosque obstruunt; ex quo sensuum virtus paulatim consopitur ac deficit: nihil enim tum auditur amplius, alijsue sensibus percipitur, cessatque vox, motus localis; & quaecunque nervorum egent ministerio. Friget in somno magis corpus, nam calor omnis ab interioribus membris reuocatur ad concoctionem. Etsi autem somnus propria sit sensuum exteriorum quies, tamen cum illis & sensus Communis interior consopitur: observata nempe glandula quæ est inter anteriorem & mediam partem cerebri: sunt enim sensus interiores à somni impedimento immunes: præterquam Communis, qui nihil agit nisi exterioribus moueatur. Est autem somnus omnibus animantibus communis, nam & pisces dormire depræhensum est, ad terrarum vel lapides procumbentes, sub saxis etiam aut imis gurgitibus: dormiunt parvæ, velut aërea quoque, quibus cerebrum ficius est. Vitulus marinus etiam in littore stertens reperitur. Sunt porro animantia quædam, quæ somnum in multum tempus protrahunt; ut scyurus, mures alpini, per totas hyemes: vrsi hyemis initio per dies quatuordecim continuos: apes sexaginta. Quod nonnulli dormientes noctu in ædibus obambulent, manibus viam prætentent, audiant quin & loquantur, causa est imaginatio fortior, quæ obstructions nervorum dissipat, aperta & amota glandula illa, qua medium cerebrum versus anterus clauditur: sicque commoto impetu, remoto obstaculo membra à nervis moventur, ac sensus vigent nihil autem horum experrecti reminiscuntur: nam actiones istæ occluso itinere ad memoriæ sedem pertingere non poterant. Primus sopor gravissimus est, quod tum halitus à ventriculo affatim ascendunt. Soluitur animal à somno naturaliter, cum diffusi illi halitus à natura absorpti calori in omnes partes penetranti cedunt; eoque nervi ac sensus refocillati primum vigorem recipiunt. Expergiscitur etiam alijs modis, sed importunius; obiecto videlicet excellenti sensuum obstructions rumpente, ut fulgetro, tonitru & impulsu vehementiore; sed eiusmodi horrorem iucutiunt,

incutiunt, animúmque grauiter turbant : exemplum est septimo Æneid. de Turno à Furia excitato :

*Olli somnum ingens rupit pavor, ossaq; & artus
Perfudit toto prorupit corpore sudor.*

CAP. XXII. *De Sensibus interioribus.*

Sensus interiores sequuntur ; qui interioribus organis, cerebro nempe formantur; nec externo obiecto mouentur, sed interno ab exterioribus allato. Horum alij rerum formas effingunt, vt Sensus communis & imaginatio; alij formatas retinent, vt Memoria. Sedes sua cuiq; propria est. Cõmuni pars cerebri anterior, imaginationi media & memoriæ cerebellum. Ideæ igitur omnes quæcunque interioribus his operationibus formantur; quæq; rerum externarum aut nouarum ad ipsarum similitudinẽ formatarum imagines referunt, opus sunt cerebri, à quo, adminiculo spirituum vitalium effinguntur non secus atque è luto vasa à figulo.

CAP. XXIII. *De Sensu communi.*

Sensus communis est facultas animæ sentientis qua species ab exterioribus sensibus oblata colliguntur atque discernuntur: vt visa pictura, primùm colores colligit vniuersæ picturæ; mox nigrum à rubro, candidum à flauo, lucidum ad vmbroso, magnum à paruo, hominem à boue discernit. simili modo auditis symphonijs, voces omnes excipit; tùm acutum & graue, pueri vocem & viri dijudicat. Neque verò vnum tantum sensum admittit, sed plures simul: vt hircum videt, audit ambulantem, virúsque simul adoratur. Israelitæ buccinas audiunt, & muros Iericho vident corruere eodem temporis momento. Nihil autem probè percipitur, nisi discretio fiat: nam intenta firmitus anima in rem quampiam, multa & audiuntur & videntur, quæ tamen non animaduertuntur: hinc vetus dictum, Mens (de sensu communi verò intelligatur) videt, mens audit.

CAP. XXIII. De Imaginatione.

Imaginatio siue Phantasia est facultas animæ sentientis quæ de rerum simulachris à sensu communi apprehensis, cogitationes & æstimationes format. Iuuatur non parum à memoria; nec fermè vlla fit compositio sine rerum præteritarum collatione. Hæc solertia brutorum est: & in quibusdam adeo acuta & subtilis, vt multi ob eam rem eis rationem attribuerint: verum omnium illarum actionum origo, facultas sentiendi est quædam nostra longè exactior quæ eis inest: qua cuique vel suum facile dignoscere, vel futurorum euentus quodammodo prænosce-re licet. In quam sententiam præclare scripsit Virgilius, non ideo illis rationem tribuendam esse si futura quandoque prædiuinent, quum illa sagacitas non ex animæ iudicio, sed ex cœli temperie potius & aëris mutatione contingat: Sed hæc eius sunt verba, i. Georg.

*Haud equidem credo, quia sit diuinitus illis.
Ingenium, aut rerum fato prudentia maior.
Verum ubi tempestas & cœli mobilis humor
Mutauere vias & Iuppiter humidus austris,
Densat erant quæ rara modo, & quæ densa relaxat,
Vertuntur species animorum: & pectora motus
Nunc alios, alios dum nubila ventus agebat,
Concipiunt: hinc ille auium concentus in agris
Et lætæ pecudes, & ouantes gutture corui.*

Quod quædam in actionibus solentia vtantur, naturæ lex est peculiaris insita & insculpta (quemadmodum magneti non æs aut argentum sed ferrum attraheudi) id semper quod agendum est demonstrans. Est verò hæc causa primaria, Deum omnibus proprium quid indidisse, quo sapientiam sui creatoris testarentur, eiusque scintillas circumferrent. Atque virtutes illæ licet variæ, ac inter se maximè dissimiles sint, omnes tamen ex vna animæ facultate emanant.

CAP. XXV. De Memoria.

Memoria est sentiens facultas quæ ideas à sensu communi imaginatione formatas conseruat, rursusque imaginatione

imaginatione reposcenti suppeditat : vt viso quis leone imaginem eius semper retinet, & quæ puer quis didicerit, multo tempore reminiscitur. vt autem imaginatione non omnes æquè pollent, ita memoria alij felices sunt, quibus cerebrum moderatè siccum; infelices alij quibus nimis est humidum : in liquida enim materia imagines minus hærent. Memoriae aduersa est Obliuio, cum omnia statim effluunt, nec propter ineptam cerebri constitutionem diu retineri possunt : sic lupo conspecta elca, si resperit, cibi obliuionem subrepere aiunt, digressumq; quærere alium : lacertam ouis non incubare, quod locum ubi enixa est obliuiscatur : & Thraces quosdam ad quatuor tantum numerare, quòd ultra meminisse nequeant. Infantibus ob nimiam cerebri humiditatem nulla propè memoria est. Amittitur morbo quandoque : atque hac ratione Messala Coruinus etiam sui nominis oblitus est. Data opera nihil è memoria euelli potest : nec enim quisquam studio præteritorum obliuiscitur : ideo Themistocles cuidam interroganti an memorandi artem vellet discere, respondit ; se potius multis muneribus affecturum illum qui quæcunq; inuito memoriæ inhærebant extirparet. Quapropter in condonanda iniuria, non reminiscencia sed affectus animo est exuendus ; nec cordis rancor qui in nostra potestate est, memoriæ bruta natura excusetur. luatur multum arte, hoc est dispositione & ordine rerum : itemque signis.

CAP. XXV. De Cogitatione.

Officina & operationes imaginationis duæ sunt : Cogitatio atque Æstimatio. Cogitatio est quæ species componit : vt si columba accipitrem aliam columbam deuorantem viderit, quoties eius à memoria admonetur, eam ideam de nouo componit, ac si accipitrem coram videret. Huius operationis est Cognitio singularium : vt viso quis leone, alium statim ex imaginationis opera cognoscit : sic quid calidum, quid humidum, dulce, amarum sit cognoscere, cogitationis est ex similitudine experientiarum præteritorum : & hinc similitum agnitio : qualis

M.ij.

illa

illa Andromaches viso Ascanio; tertio Æneid.

O mihi sola mei super Astianaëtis imago;

Sic oculos, sic ille manus, sic ora ferebat.

Componit præterea species rerum absentium; exemplum in Tarquinio est, qui de viso Lucretiæ gestu hæc secum absens reuoluit, secundo Fastorum:

Sic sedit, sic culta fuit: sic flamina neuit:

Neglectæ collo sic iacuerunt comæ.

Hos habuit vultus, hæc illi verba fuerunt;

Hic color, hæc facies: hic decor oris erat.

CAP. XXVII. De Æstimatione.

AEstimatio est quæ cogitationibus altius expensis, iudicium adhibet, diciturque Ingenium ac naturalis indoles. Tardi & stupidi ingenij sunt pisces & aquea omnia, perpaucis exceptis: nec quadrupedum & aurum vllum sagax & prudens ferè nisi caniuorum: non minor autem ex sanguibus sagacitas est, quàm sanguineis. Munera æstimationis quatuor sunt, Solertia, Notio; docilitas & prænotio. Solertiæ exemplum est canis illud apud Basilium qui cum herum aut feram persequens in diuortium inciderit, sagacitate indice feram nec hac neque ilhac, ergo isthac transisse colligit. Admirabili solertia aues in nidulis compingendis vtuntur: leuem materiem adhibent ad structuram mediam, firmiorem extra & infra qua basis est; hæc omnia luto tanquam glutine coagmentata, intus molli stramento fouendis pullis apto contegunt. Apes præter insignem architecturam, ordinem in opere, leges in regimine, pulcherrimè obseruant: nec verò minore industria formicæ democratiam: laborant æstate, quo hyeme comedant. Mantuanus in Eclogis.

En formica brevis, sed prouida bestia condit

In brumam noua farra canis æstate latebris,

Næue renascantur, fruges secant ore sepultas.

Ceruus æstate quo tempore pinguescit, latet vt plurimum, quòd propter corpulentiam tardiores se ad fugam sciat: Canes Ægyptij in Nilo non nisi obiter bibunt, ne si moram

moram trahant à crocodilo latitante vorentur. Iam quantum araneo ingenium in texenda tela ? primum à centro quod flocculo signatur, radios in omnes partes ducit, deinde spiras in gyrum radijs annectit, ea seruata proportione, vt propriores iuxta centrum, laxiores sint in extremitate. Polypodi astus in venandis escis hic est; colorem scopuli cui adhæret, induit : sicque adnatantes pisciculos incautos cirris suis implicat ac deuorat.

Sic captam pedicis circumdat aranea muscam

Notio in agno hæc est, vt licet plurimæ nobis oues vnius gregis colore, odore, & voce similimæ videantur, matrem tamen inter omnes absq; vlla difficultate cognoscat. Ceruus à phalangio ictus nouit cancrum commansum aut hæderam syluestrem sibi mederi : suntque plura animalia quæ morbo infestata herbas salubres & norunt & petunt. nouitque serpens inter alios incantatorem. Gallus galinaceus horarum interualla metitur, cantuque denuntiat. Dociles porro in primis sunt aues, quæ soluta lingua ad imitationem sermonis quem audiunt, loquuntur: sic coruus edoctus fuit Cæsarem populumque Romanum salutare : camelus ad lyram saltare: elephas addiscit genua submittere & regem adorare. Vireo & psittacus docilitate quiduis imitantur lingua. Prænotio ea muribus inest, vt minitante ædificio ruinam, præmigrent : formicæ pariter imminente sereno cœlo frumentum exponunt : vultures audito strepitu armorum, pugnam conuolantes præsagiunt ac cadauera expectant : apes deniq; matutino diem mitem aut turbidum prædiuinant.

CAP. XXVIII. De Somnio.

INteriorum sensuum operatio in somno, appellatur Somnium. Est verò Somnium imago seu phantasia quæ per quietem in animo videtur : estque duplex ; diuinum cui cum naturæ actione nihil commune, vt oraculum, & naturale. Oraculum est apparitio in somno, quæ de rebus gerendis diuinitus admonet : vt Angelus Iosepho *Διοτρεῖς* dormienti apparet, hortaturque Christum in M.iiij, Ægyptum

Ægyptum deducat. Octauij Augusti medico Artorio noctu Mineruæ species præcipit, ipsum Octauium quamuis aduersa valetudine laborantem, vt castris egressus prælio intersit, moneat; nam postera luce dum in acie est, castra illa, quod minus firma essent ab hoste sunt occupata. Æneas apud Virgilium à parente Anchisa admonetur, vt ad Inferos duce Cumana Sibylla descendat. Naturalium alia diuinatoria sunt, vt Visiones & Somnia: alia nihil significant. Visio est cum quæ in somno videntur, eodem modo postea eueniunt: vt literas quis accipit, quas allatas per quietem præuidit: sic de aduentu amici. Calphurnia Iulij Cæsaris vxor illa nocte quæ eius cædem præcessit, vidit eum multis vulneribus confossum in suo sinu iacentem. Somnium propriè est, cuius euentus in somno per figuras & umbras obscuras significatur, ac interpretatione eget. Tale fuit Pharaonis regis Ægyptij cuius somnij boues præpingues alij, alij macilenti fertilitatem, famemque portenderunt. Huius generis vbique sunt obuia: ac prænunciant quidem futura, sed præsagium prorsus est incertum, vt si quandoque euentus respondeat, iterum obseruatum decipiat ac frustret: ideoque obseruari sacris prohibitum est. Quæ postremò nihil significant duo sunt: Phantasma cum semisopitis sensibus inter vigiliam ac quietem variè & hominum & rerum ideæ ob oculos veniunt, quæ vel lætitiæ vel terrores afferunt: oriuntur ex calore corporis præternaturali, quo cerebrum vim passum huiusmodi phantasmata ac si vera essent animo obtrudit, ac propter caloris excessum qui morbis calidis aut peste impliciti sunt, multum ijs infestantur. Insomnium denique est cum aut memoria per vigiliam recondita simulachra reuoluenda offert; aut complurium concursu alia ac noua ab imaginatione finguntur. Frequenter ea animo obuersantur, quæ ad studia actionesque cuiusque spectant: de quibus Claudianus:

*Omnia quæ sensu voluuntur vota diurno,
Tempora nocturno reddit amica quies.
Venator defessa toro cum membra reponit,
Mens tamen ad syluam, & sua lustra redit.*

Iudicibus

*Iudicibus lites, aurige somnia currus,
Vanaq; nocturnis meta canetur equia.*

*Fartio gaudet amans, permutat nauita merces,
Et vigil elapsus querit auarus opes.*

*Blandaq; largitur frustra sitientibus agris
Irriguus gelido pocula fonte sopor.*

Noua & varia occurrunt somnia pro cuiusvis constitutione, victu & ætate: nam alia sunt sobrij, alia temulenti: alia sanguinei, alia melancholici: cholericis communes sunt rixæ, bella: phlegmaticis lauacra, inundationes: nonnunquam exsurgunt terrores, mortuorum occurfus, visiones & actiones graues, quæ postea euigilans

——— *Gaudet non vera fuisse.*

Vt idem: tantaque est imaginationis in somno libertas, vt actus indecentes effingat tales, quales vigil mentisque compos nequaquam conficeret.

C A P. XXIX. De Affectibus.

EX sensuum tam exteriorum quàm interiorum operatione oriuntur Affectus & perturbationes: sunt enim sensitiuæ facultatis effecta. Est verò Affectus, motus cordis à notionis opinione excitatus, appetens bonum, aut fugiens malum. Vt autem sensuum facultas spiritibus in cerebro formatur: ita affectus ex sanguine, cholera, atra bile cordis commotione excitantur. Moto namque ab obiecto sensu exteriori, atque inde concepta per cogitationem & æstimationem opinione, spiritus per arterias à cerebro descendentes cor stimulant, vnde affectus mouentur. Consideranda primùm sunt affectuum adiuncta: deinde genera. Adiuncta sunt duo: Voluptas quæ est affectio corporis suauis qua delectatur: vt cum frigus manus calore delinitur. cum res prosperè ad votum succedunt: & Dolor, qui est affectio corporis grauis qua offenditur: vt cum igne manus aduritur: cum rebus aduersis anima aut morbis corpus afficitur. Brutorū hæc summum bonum, summumque malum.

DVo sunt affectuum genera, Appetens & Irascens: Appetens fit opinione boni vel præsentis, vt Lætitia quæ est dilatatio cordis voluptate boni quo fruitur: vt Iacob lætatur viso Ioseph filio, quem mortuum putabat: Nero gaudet de flammæ pulchritudine ac magnitudine incensa vrbe Roma, sub hac comprehenduntur Amor: qui est lætitia perdurans, vt inter Ionatham & Dauidem, Pyladem & Orestem; & *σὺν ᾧ ποιεῖται*, seu amor parentum mutuus; qualis in ciconijs quarum seniores pullos educant; iuniores verò parentes debiles dorso alisque sustinent. Opinione boni futuri procedit Desiderium & Cupiditas, cum cor spiritu interno in spem eius rei cui inhiat erigitur: vt in Ænea terram oraculis promissam acquirendi: in Alexandro Macedone de vniuerso orbe deuicto triumphandi: & apud Virgilium quinto Æneidos desiderio palmam in certamine obtinendi

*Intenti expectant signum, exultantiaq; haurit
Corda pauor pulsans, laudumq; arrepta cupido.*

Hic motus si vehemens sit, sanguinem quoque excitat, paritque Audaciam: vt Nisus & Euryalus stimulantur desiderio hostem inuadendi: Alexander sine vlllo satellite Sicambrorum urbem aggrediendi, atque omnia omnium tela fortiter elidendi. Irascens affectus turbidus est & concitatus, duplex item: fit enim vel opinione mali præsentis, estque Ægritudo vel Tristitia; quæ fit cum ex obiecto aduerso cor constringitur & languet, vt Agar Abrahæ domini domo pulsa in solitudine tristatur: Cicero de morte filiæ dolet: Athenienses rebus aduersis & strage suorum bello Peloponnesiaco fracti lamentantur. Quod si ægritudinem spes vlciscendi leuet, exurgit Ira, cum propter sanguinem circa cor ebullientem, spiritus accenduntur, & fel effunditur sic Alexander offensus vindictæ cupiditate Clytum optimum amicum perimit: Cyclops ægritudine oculi eruti & vlciscendi furore Vlysssem insequitur, clamoribus omnia implet, frustra de rupibus abruptit atque post nauem iaculatur. Inueterata ira in odium transit; ta-

le regis Saul in Dauidem, Catonis inexprabile in Carthaginem, Iunonis in Troianos. Tristitia hostis est vitæ, ira mentis: vt enim spiritus tristis ossa exsiccat, ita ira viri iustitiam Dei non operatur. Qui futuri mali opinione concipitur, Metus est: fit verò constrictiōe cordis, & recessu sanguinis ad intima. Virgil. tertio Æneid.

————— *Mihi frigidus horror*

Membra quatit, gelidusq; coit formidine sanguis.

Et de Turno à Diris pauefacto, ad finem duodecimi:

Illi membra nouus soluit formidine torpor,

Arrectaq; horrere comæ, & vox faucibus hæsit.

Est enim ea vis timoris vt ob sanguinis fugam membra exteriora torpore perfundat. Mali imminentis periculo terrentur Romani à Germanorum exercitu & virtute duce Ariouisto, vt ne aciem quidem ipsorum ferrent. Versantur in metu perpetuo tyranni ac principes, qui terrorem magis quàm amorem suorum quærunt: declarauit hoc Dionysius Syracusanus cum Damocle assentatore, quem cum tyrannorum vitam degustare & fortunam illorum experiri velle intellexerat, collocari iussit in aureo lecto, iussit & adesse vnguenta, coronas, incendi odores, mensam conquisitissimis epulis exstrui; in medio verò apparatu gladium seta equina appendi, qui illius ceruicibus impenderet: vt iam nihil illi optatius esset, quàm vt abire liceret. Quoniam autem cordis temperatio non eadem est omnibus, ideò affectus in quibusque non sunt ijdem: nam in calidæ & siccæ naturæ animantibus vehementes sunt & concitiores: in frigidis moderati & tardi: sanguinei læti plerunque sunt, sic & equi: melancholici tristes, vt asini: calidi sunt animosi, vt leones: frigidi & quibus parum sanguinis timidi sunt, vt cerui, lepores. Affectuum omnia genera Virgilius sic expressit, sexto Æneid.

Hinc metuant, cupiuntq; dolent, gaudentq; nec auras

Respiciunt, clausæ tenebris, & carcere cæco.

PHYSICORVM

LIBER DECIMVS,

DE MENTE.

CAP. I. *Quid Mens.*



NITIO huius doctrinæ, Natura distributa est in corpoream & corporis expertem: dictumque est hactenus de corporea: sequitur ergo postremò de incorporea, quæ est Mens siue Animus humanus, cuius tanta vis est & præstantia, vt si in alteram lancem libræ Critolai animalium quorumcunque ingenia ac vires quæ multæ sunt imponas, in alteram mentis criteria, lumenque cœleste, tantum hæc propendere videatur, vt illa in ventum leuissima exiliat: Dedit namque Deus vt animam corpori brutorum, sic mentem animæ in homine, qua & à cæteris distaret multum, & regium in illa eadem imperium tractaret. Mens autem est essentia incorporea de vitali fonte spiritus Dei, homini indita; è qua intellectus & voluntas procedunt.

CAP. I. *De essentia & origine animi.*

Homo ergo constat non tantum corpore ex elementorum concretionem, sed anima etiam rationali cœlitus infusa, quam philosophi partem cœli ex illis sempiternis ignibus desumptam crediderunt, atque ignis nomine denotarunt: vt Virgilius prodidit sexto *Æneidos*:

Ignæus est ollis vigor & cœlestis origo

Seminibus: quantum non noxia corpora tardant.

Quod causam postea præbuit figmenti de Prometheo, hominem è terra ab ipso formatum, ac furato de cœlo igne animatum fuisse. Atque hoc modo naturam mentis quodammodo adumbrabant veteres, diuinum quid in ea deprehendentes: essentiam eius tamen & originem nequitquam perscrutati sunt. Est itaque mentis essentia spiritus incorporeus & idea Dei sui conditoris imagini similis.

lis, motus principium quo ratione utitur, vera à falsis, bona à malis discernit, in sese habens. Et si verò perpetua duratione vivat, tamen ab æterno, aut ab initio mundi principium non habet; omni enim nascenti nova creatur; & in corpus masculinum ut putant quadragesimo à conceptu die, in foemineum nonagesimo diuinitus immittitur: moriente autem corpore discedens per omne ævum immortalis permanet, ut cum dogmate de Resurrectione, tum Christi veri hominis exemplo, veri que Dei testimonio abundè constat, dicentis; Animam occidere non possunt: fuitque huius sententiæ tota retrò antiquitas, quæ quia vera melius cernebat, quod ab ortu & diuina progenie propius abesset, immortalitatem animorum, sepulchrorum ceremonijs, *ἡρώδης* heroum, gentium propemodum omnium consensu asseruit ac comprobavit.

CAP. III. *De sede mentis.*

MEntis incorporeæ sedes corporea in humano corpore peculiaris nulla est, qua ad vires & operationes suas formandas indigeat: tametsi multa eius vis sit partim in capite tanquam summa arce, partim in corde vitæ domicilio, in quo homines secundum apostolum Paulum legem cognitionis & æquæ inscriptam habent: qualis ex antiquis historiarum monumentis, in Scythicis populis fuisse deprehenditur, quibus licet nulla sapientum doctrina esset; innocentia tamen & tolerantia à natura inerant; & iustitia perinde gentis ingenijs colebatur, ac legibus apud cultissimas nationes. Instrumenta verò mentis quibus in exercenda exterius virtute utitur, Sermo mentis interpres dictus; & manus sunt: gaudet plurimum quiete & tranquillitate, præsertim in perspicientia veri & boni contemplatione.

CAP. IIII. *De Intellectu.*

DVæ sunt illius partes: Intellectus & voluntas: Intellectus est pars animi rationis & intelligentiæ particeps: & quicquid in rerum natura est, aut excogitari potest, quod Græcis *τὸ ὄν καὶ μὴ ὄν*, siue id corporeum est

seu corporis expers: siue etiam singulare, seu vniuersale; id omne est intellectus obiectum; non quidem vt sensuum, sed eo modo vt & illa omnia cognoscat, discernatque, & se illa ipsa intelligere nouerit. Et sanè nihil esse quod homo mentis ope non assequatur, illustrium euentuum experientia declarat: nulla est volucrum tanta pernecitas, nec aquatiliū agilitas, quæ eius industriam & artes effugere queat: nulla tam immanis belluarum moles, quæ à minimo puero non regatur: atque licet ipse nudus inermisque nascatur, ac natura nullum præter ipsum inermem produxisse videatur, mentis tamen ope ferocissima quæque domat, frenisque iniectis ad libitum gubernat: nec etiam vllum est animal quantumuis nocuum, quin hominem conspectum formidet. Age, astrorum rationem licet infinito à terra interuallo distent, mentis acumen assecutum est: nec solum cœli vniuersi regionem perlustrauit, sed vltius etiam progressum est, ad supra mundanam nimirum infinitatem, beatarum mentium & summi Dei sedem: adeò nihil est quod animi subtilitas non peruestiget. Et certè memorabilis illa vis est & audacia propè Archimedis, qui mentis robore ad machinas corporeas traducto fretus, ad Hieronem regem diceret: Da mihi vbi consistam, & mouebo terram: vt mirum sit, ait Plinius, quò procedat improbitas cordis humani, paruulo aliquo inuitata successu.

CAP. V. De Intelligentia.

Intellectus duplex est, simplex & compositus. Simplex, *νοητικός*, intelligentia, est cum vnum tantum consideratur enunciatum, seu propositio sola. Hæc notitias infinitas habet, quæ *κεντήρια*, normæ certitudinis, *νοηταὶ ἐννοαὶ*, appellantur: triplices verò sunt; primæ sunt criteria, notiones principiorum, quæ velut lex naturalis animo sunt ingeneratæ, vt intelligentia & notio boni & mali: quæ est virtutum vitiorumque fons & origo: ex quibus bonum agnoscit, Deum vereri, iustitiam exercere; pro patriæ libertate pugnare: malum, fraude quempiam circumuenire, libidini aut crapulæ operam dare. deinde cogni-
tio

tio veri & falsi, quæ est fons iudicij, cuius vsus plurimus est in intellectu composito. Secundum genus certitudinis est Experientia, quæ ex pluribus singularibus collecta, animo pro axioma est cognitionis: vt certum est experientia, ignem vrere, Solem calefacere; lapides & graue quodcunque tendere deorsum, ex incontinentia morbos gigni. Tertium est Fides diuinitus reuelata, cuius dogmatis nihil certius: vt Deum remuneratorem esse bonorum, mortuos ad iudicium resurrekturos, mundum non esse æternum, plures esse cœlos. Cæterum præter insitas & infusas hæc notiones, alias quoque extrinsecus apprehendit ac intelligit: & primum singularia, vt, quid argentum, ferrum, quid ignis, ligna, lapides, quid canis, lupus, quid cœlum, terra: secundo vniuersalia abstracta, vt quid animal, metallum sit, mente concipit, etiamsi nusquam in rerum natura existant. Sic absurda fingit, vt Syrenas, Sphingem: aureos montes: loquentes canes. Vulgò simplex intellectus vocatur patiens, quod tantum rerum imagines concipiat, nec quicquam ex se effingat, solumque aliorum imitationi sit deditus.

CAP. VI. De Ratione.

Compositus intellectus, *διανους* est, cum cognitiones ad certitudinum normam ab intellectu examinantur atque dijudicantur: vnoque nomine dicitur Ratio; ad quam referuntur deliberationes, consultationes de rebus futuris, collationes similium & proportionum; iudicium de dissimilibus & æqualitate. Sunt autem rationis vires seu officia compositio, diuisioque: & ratiocinatio. Compositio fit coniunctione plurium singularium; vt architectus fundamentum, parietes ex omnibus partibus ac tectum componit & coaptat, vt domum extruat: Cæsar pluribus legionibus exercitum conficit: sermo & oratio ex verbis & sententijs pluribus componitur: atque hinc Numerandi ratio est, qua multa singularia discretionem & ordine recensentur, in vnâque summam coguntur: vt Monarchia Assyriorum, Persarum, Græcorum, Romanorum

rum si quælibet seorsim consideretur, ac per ordinem ipsæ sibi copulentur omnes, constituunt numerum quatuor monarchiarum: ita si quis Charites hic Aglaiam, illic Euphrosynem, in medio Thalamiam imaginetur, ac sigillatim conceptas ad vnum numerum reducat, ternarium reperiet, nouitque tres esse Charites: si annos omnes ac singulos à condita Roma vrbe ad Ciceronis consulatum computet, colliget numerum sexcentorum & nonaginta. Diuisio fit, cum vnum in plura distribuitur, ac membra singula separatim perpenduntur, quorum prius coniunctim ratio habebatur: vt facta à Iosue tribuum partitione, duodecim nomina considerantur, cum antè vno Palestinæ nomine comprehenderentur: logicus vt penitus rem omnem intelligat, orationem in plures partes, sententias, & argumenta partitur.

CAP. VII. *De Ratiocinatione,*

Ratiocinatio est ipsum iudicium, quo ad normam certitudinum propositio oblata examinatur & iudicatur. Hæc naturalis est logica, quæ vitæ actiones, religionem, & quæcunque humanam conuersationem, cōuietum, societatemque concernunt, instituit ac dirigit, perturbationes, moderatur ac regit; etenim vt auriga (auctore Platone) currui insidens equos lasciuientes habenis coercet, ita ratio corporis quo vehitur concitatos affectus, amore Dei, societatis humanæ necessitudine; terrore suppliciorum, conscientia, infamia; spe remunerationis æternæ, gloriæ; stimulis auxiliij diuini, conscientia virtutis, hortando, dissuadendo, tutiora & æquiora dictando excitat, compescit, gubernatque. Partes tres habet, Synteresin, conscientiam & dictamen, tametsi sæpe pauciores adhibeat ob breuitatem & rerum notitiam plenè perspectam, vt in enthymematis: constituunt coniunctæ syllogismum practicum, propositionem synteresis, quæ legem naturalem aut moralem è criterijs profert; assumptionem conscientia (deest nomen vniuersalius) quæ rei de qua consultatur naturam ac veritatem è notitia singularium indicat: ex quibus complexionem dictamen rationis concinnat: sic Bru-

rus & Collatinus ratiocinantur: Tyranni non sunt ferendi: quæ est syntheresis à criterijs & lege naturali procedens: Tarquinius tyrannide utitur, assumptio est ex notitia facinoris: ergo vrbe pellendus est. Sic Abraham: mandatum Dei exequendum est; immolabo igitur filium, ut iussit. Mezentius apud Virgilium decimo, sciebat in dominum crudelem data opportunitate subditos sæuire; seque crudelem iam prostratum illorum iram non posse effugere: quapropter ab Ænea sepulturam precatur, non à suis; verba illius sunt:

— Ora

Corpus humo patiare regi, scio acerba meorum

Circumstare odia, hunc oro defende furorẽ,

Et me consortem nati concede sepulchro.

Compositus intellectus dicitur agens seu faciens, quod multa excogitet, & absque intermissione quacunque in consultando sit occupatus.

CAP. VIII. De Scientia.

EX his itaque notitijs & ratiocinationibus si veræ sunt, scientia oritur; si falsæ, error: Scientia quidem si ingenium acuminis & perspicuitate excellat, ac bonæ indoles artem atque exercitationem adhibeat: hac ratione claruerunt in Philosophia Plato, Homerus, Aristoteles, Pythagoras: in peritia rerum bene gerendarum Alexander, Themistocles, Cato, Solon, Lycurgus, Iulius Cæsar: Nec minus animi præstantia in dicendo, quam agendo e-lucescit, cum ea quæ ratio collegit, ac approbata recepit, ordine & elegantia proferuntur: qui riuus rationis Elo-quentia appellatur: fuerunt eius dexteritatis Cicero, Demosthenes, Chrysostomus. Porro si scientia & eloquentia concurrant, perque habitum altius animo insideant, Sapi-entiam pariunt, quæ in rebus humanis nihil est diuinius: est enim Sapiencia, sapiente asserente, virtutis Dei vapor.

CAP. IX. De Errore.

Error est, cum aut normæ certitudinum obscuræ sunt, aut singularia non exactè nota, & sensus fallantur:

N

quorum

quorum si vnum contingat, error sequatur oportet. Primi generis est illud Roboam Salomonis filij, qui regis munus

Parcere subiectis & debellare superbos;

Ignorans, sic proponebat; Regis est terrorem suis incutere; populum ergo Israel em scorpionibus cadam: sed errauit, regnoque exutus est. Posterioris exemplum sit Xerxes Persarum rex, Græciam bello inuadens, sic ratiocinatus: Fortior victoriam obtinebit: mihi verò numerosissimus est & instructissimus exercitus: Græcos itaque subiugum cogam, etsi enim decies centena millia armatorum in Græciam inuexisset: atque ab eius exercitu cum maria pontibus sternerentur, tùm flumina exsicarentur, Græcos tamen ducum consilijs, regionis opportunitate, militandi peritia, inuictique animi fortitudine superiores fore non perpenderat; quare cum totis suis viribus profligatus est. Erroris adhæc aliud genus est, Animi impotentia, cum affectuum incitamentum ob voluptatis desiderium inualefcit ac prædominatur, & synteresis cum conscientia succumbat: procedit ex carnis cum ratione perpetua pugna, quæ *luxuria* dicitur. exemplum est 7. Metam. in Medea Thesei amore capta, quem ratio explodendum suadebat, cupido augebat: sic verò ratio imperat:

Excute virgineo conceptas pectore flammæ,

Si potes ———

Ad quæ verba ex affectuum parte statim respondet;

Infelix, si possem, sanior essem,

Sed irahit in vitam noua vis, aliudq; cupido,

Mens aliud suadet ———

Oppressa demùm & victa ratione, sic infert:

——— Video meliora, proboq;

Deteriora sequor ———

Achan sciebat omnes Ierichûs opes Deo deuotas; illæ tamen Babylonico pallio, & auri argentiq; cupiditate, sibi ea clâm seruauit: plus enim præsentis illecebræ, quàm cautio diuina apud illum potuit. Nec plura aliunde exempla perantur, quum natura hominum quod corrupta sit nihil afferat frequentius.

E Duabus mentis partibus superest altera, Voluntas, facultas animi quæ ad supremum intellectus decretum exequendum libera propensione fertur; ad bonum divina fauente benignitate; ad malum opinione bonum ex prauæ naturæ inclinatione: vt Salomon templum propensa religione Deo exstruit; annuente gratia Dei quam illius pater non assecutus fuit; Paulus ardet prædicandi Euangelij desiderio; gratiam adeptus: voluntariè Dauid sacrificat nomini Domini, spiritus inspiratione motus: Mutius Scæuola vt apud regem Porsennam Romanis virtutis nomen conscisceret, liberè manum igni admotam vrit. Cambyſes bonum opinatus nullum imperij æmulum habere, parricidium in fratrem parauit. Optandum itaque à Deo, & viribus omnibus enitendum, vt ratio præſit,

appetitus obtemperet: ex quo efficietur vt a-

nimus pacem tranquillitatemque

bonæ voluntatis hominibus

olim annuncia-

tam assequa-

tur.

N. ij.

FINIS.

INDEX

INDEX DOGMATVM ET RERVM.

Prior numerus librum, posterior libri
caput indicat.

A Bortus, cum natura impeditur libro 1. capite 5 & libro 4. cap. 10		Affectuum consideratio 9. 29 & 30 moderatio vitæ producit 9. 12 impoten- tia 10. 9 affectus in iuue- tute præcipites 9. 11 re- guntur à ratiocinatione 10. 7.	
Abstracta intellectus appre- hendit	10. 5	Agrestis odor	4. 16
Abyssus aquarum	3. 10	Alabastrum	6. 7.
Achates gemma	6. 4	Albus color	4. 18
Acidus sapor	4. 15	Alectorius lapis	6. 6
Acinus	7. 7	Alexander magnus	3. 8. & 9. 30
Axiū, vigor	9. 10	Alteratio	4. 12
Acris sapor	4. 15	Amerhytus	6. 4
Actio in mutatione	4. 8	Amor	9. 30
Adam rerum notitia perfe- cta præditus	1. 9	Amphibia	8. 18
Adamas	6. 4	Amarum	4. 15
Ær & eius consideratio 3 4 & sequentibus capitibus		Amœnus odor	4. 16
Aerea minus densa	4. 6	Animæ consideratio 9. 1 & seq. Anima & corpus duæ viuentium partes 7. 9 & 9. 1	
Æquans circulus	2. 25 & 2. 42	Animaliū ratio 8. 1 & seqq. generatio 9. 8 vsus 1. 10.	
Æquinoctialis	2. 4	Annus & eius partes 1. 23 a- pud Romanos primum decem mensibus consta- bat	9. 8
Æs	6. 11 & 6. 12	Antherinus odor	4. 16
Æstas	1. 23	Antipe-	
Æstimatio	9. 27		
Ætates	9. 11		
Æternitas & Æuum	1. 18		
Æther	2. 1		
Æthiopem mulier candida peperit	9. 5		

INDEX.

Antiperistasis	4.7	generatio	9.8
Apes	9.27	Auster ventus	5.10 & 11.8
Apodes	8.13	19	
Apogæum quid	2.25	Austerus	4.15
Appetens facultas	9.30	Autumnus	1.23
Apfidales Iphærarum orbes		Aura	5.9
2.25 & seqq.		Aures	8.4
Aqua elementum 3. 7 eius		Aurora	1.19 pluuiam nunciat
stillationes ex aëre	4.10		5.19
feruida quomodo in aërem, transeat	4.10	Aurum	6.11 & 12 tenue est & densum 4.14 à propheta Abacue dicitur densum
Aquarius	2.16	lutum	6.3
Aquila sidus	2.14	Axis mundi	
Ara sidus	2.15		
Araneæ tela	9.27		
Arcticus circulus & Antarcticus	2.6		
Aries signum	2.16 & 2.42		
Arefacit calor	4.3		
Arcturus stella	2.14 & 2.45		
Argilla	6.9		
Argo sidus	2.15		
Aromaticus odor	4.16		
Aspectus, constellatio	2.44		
Asperitas	4.14		
Assumptio syllogismi practici	10.7		
Astringens sapor	4.15		
Astronomia	2.1		
Astrorum ratio, vide Stellæ.			
Astra virtute non contactu agunt	4.8		
Attenuatio à calore	4.3 & 4.10		
Audacia	9.30		
Auditus	9.15		
Augmentatio	9.10		
Annum consideratio	8.13		

generatio	9.8
Auster ventus	5.10 & 11.8
19	
Austerus	4.15
Autumnus	1.23
Aura	5.9
Aures	8.4
Aurora	1.19 pluuiam nunciat
	5.19
Aurum	6.11 & 12 tenue est & densum 4.14 à propheta Abacue dicitur densum
lutum	6.3
Axis mundi	

B

Baccæ	7.8
Berillus	6.4
Bitumen	6.13
Borax lapis	6.6
Bootes	2.14
Boreas	5.10 & 11
Brachium	8.11
Brutorum solertia	9.24

C

Adauera grauiora	3.3
Cæcias ventus	5.11
Calor quid 3.2 à Sole omnis procedit	2.43 & 3.2 & 4.4 & 4.10 eius effecta 4.3 & 4.4 eius fomentum humor
	4.6
Calidum vitale in animalibus	8.2 & 9.9
Caluaria	8.3
Cancer signum	2.16 & 3.42
Cancrinus lapis	6.6
Canis maior & minor fides	2.19

N.iii.

Casus

INDEX.

Canum sagacitas	9.16 & 27	Cibus hominum & bestia-	
Canities ex frigore	4.5	rum	8.21 cibus quomodo
& ex curis	9.12	concoquitur	9.9
Capella sidus	2.14	Circuli cœlestes	2.3 & seqq.
Capræ meteoron	5.4	Cœlum	2.1 & seqq.
Capricornus	2.16 & 42	Cœruleus color	4.19
Caput 8.4 caput & cor sedes		Cogitatio	9.26
mentis	10.3	Cognitio singularium	9.26
Carbones	4.11	Collationes similitum	10.6
Carbunculus	6.4	Collum	8.6
Carchedonius	6.4	Colores	4.17 & seqq.
Cardines mundi	1.11	Coluri duo	2.4
Caro animalium	8.2 fru-	Coma Berenices	2.16
ctuum	7.7	Commigratio animalium	
Cartilago	8.2		8.22
Cassiopea sidus	2.14	Cometes	5.3
Castorea stella	5.7	Compositio rationis	10.6
Caudex vel caulis	7.3	Conchilia	2.50
Cepheus	2.14	Conscientia	10.7
Cerebrum & eius ventricu-		Consilia	10.6
li tres	8.5 odoribus	Conticinium	1.19
est obuium	9.16 sensu-	Contingentia	1.6
um sedes	9.22 officina	Cor 8.9 officina est spiritus	
cogitationum. ibidem.		vitalis	9.9 fons vitæ
Cervus	9.27 & 9.30	9.13 sedes affectuum	
Cervix	8.6	9.29 domicilium legis	
Cetus	2.15	naturalis	10.3
Chaldæi attoniti de remea-		Corallium	6.5
tionem Solis	1.5	Cornu	8.3
Chalybs	6.12	Corona borealis	2.14 au-
Chelidonium lapis	6.6	stralis	2.15
Chrysolithus	6.4	Corpus quid	1.11
Chrysoprasi	ibid.	Corpus & anima duæ viue-	
Centaurus sidus	2.15	tium partes	7.1 organum
Ceraunias lapis	6.6. alius	est animæ	9.1
fulmineus	6.7	Corporis humani descrip-	
Cerberus imago corruptio-		tio	8.4 & seqq.
nis	4.11	Corruptio	4.11
		Cor-	

INDEX.

Coruscatio	5.5	Diaphragma	8.9
Cortex 7.2 varius est fru-		Dictamen rationis	10.7
ctuum	7.7	Dies & eius partes	1.19 &
Coruus sidus	2.15	20.	
Coruus docilis	9.27	Digestionis ordo	9.9 dete-
Costæ	8.7	rior est æstate	4.3
Cotes	6.7	Digiti	8.11
Coxæ	8.8	Diminutio	9.10
Crabrones	2.50	Discretio	9.23
Craſſities	4.14	Diuination ex infomnijs non	
Crater sidus	2.15	tuta	9.28
Crepusculum	1.19	Diuiſio rationis	10.6
Creta	6.9	Docimeteoron	5.4
Criteria intellectus	10.5	Docilitas	9.27
Croceus color	4.19	Dolor	9.29
Crocodilus	8.18	Dormientes obambulantes	
Crus	8.12	9.21 dormientes sub dio,	
Crustæ animalium	8.3	stupore Luna replet	2.50
Crustacea	8.19	Dorsum	8.8
Cryſtallus	6.5	Draco	2.14
Cupiditas	9.30	Dulce	4.15
Cutis	8.3	Durities 4.14 ex calore	4.3
Cyaneus lapis	6.5	& ſiccitate	4.6
Cygnus ſidus	2.14	E	
D		ECho	4.20
Danubius	3.10	Eclipsis Solis & Lunæ	
Debilitas ſenium	9.11	2.47 & 4.8	
Deliberationes	10.6	Ecnephias	5.12
Delphinus ſidus	2.14, ani-	Elementorum conſideratio	
mal velociſſimum	9.19	3.1 & ſequentib. in ſe in-	
Denſatio à frigore	4.5 &	uicem permutatio	4.10
4.10		tria ſunt tantum	3.4
Denſitas	4.14	Elephas	2.50 & 9.27
Dentes	8.4	Eloquentia riuus rationis	
Deſiderium	9.30	10.8	
Deus omnium rerum con-		Endymion	2.20
ditor, naturæ appellatio-		Epax	8.10 eſt officina ſani-
ne intelligitur	13	guinis	9.9
		Nili	Epi-

INDEX.

Epicyclus	2.32	Fœtidus odor	4.16
Epiglottis	8.6	Fœtor ex putredine	4.11
Erichthonius	2.14	Folia	7.9
Eridanus	2.15	Fontes 3.10 hyeme calidi	
Error in ratione quomodo		cur	4.7
contingat	16.9	Formæ rerum homini ig-	
Euphrates	3.10	notæ	1.9
Euripus	2.50	Formicæ 9.27 illarum di-	
Eurus 5.10 rarò spirat	5.11	uinationo	5.19
Excentricus planetarum or-		Fortuna	1.7
bis	2.25 & seqq.	Fossilia	6.1 & seqq.
Exhalatio	5.2	Fragrans odor	4.16
Exanguia	8.19	Friabile	4.14
Experientia	10.5	Frigus 3.2. eius effecta	4.5
F		Frons	8.3
Facies	8.4	Frondem quædam plantæ	
Famis causæ	9.9	retinent	7.9
Fatum est series causarum		Fructus plantarum	7.6 &
1.4		seqq.	
Fax meteoron	5.6	Fruges & frumentum	7.4
Febris	4.7	Frutices	ibid.
Fel receptaculum cholæræ		Fulgur & fulmen	5.5
9.9 eius vesica	8.10	Fumus	5.2
Femur	8.12	Fuscus color	4.19
Ferrum 6.11 & 12 cur ig-		G	
nescit	4.4	Galaxia	2.17
Fides norma est certitudi-		Gallicinium	1.19
nis	10.5	Galli gallinacei cantus	9.27
Fibræ seu villi	8.2	Gelu	4.4 & 4.5
Firmamentum	2.2	Gemmarum ratio	6.3 &
Flamma	4.4	6.4	
Flammeus color	4.19	Gemini	2.16 & 4.2
Flauus color	ibid.	Generatio rerum	4.9 vi-
Flores	7.5	uentium omnium	9.4 &
Fluminum origo & incre-		seqq. eius perpetua lex	
mentum	3.10 flumina	1.3	
aurifera	6.11	Genu	8.12
Fœmineus sexus	9.6	Germania fert gemmas	6.3
		Gradui	

INDEX.

Gradui vni in cœlo, respon-
dent in terra quindecim
miliaria 3.11
Glottis 8.6
Gossipium 1.10
Granatæ 6.4
Grando 5.15 cum murmu-
re 5.18
Grauis odor 4.16
Grauitas 3.3 ex densitate 4.5
Gressus 9.19
Gustus 9.17
Gypsum. 6.9

H

Halo 5.17
Helena infaustum me-
teoron 5.7
Heluetia abundat flumini-
bus 3.10
Herbæ 7.4
Hercules fidus 2.14
Hesperus 2.22
Hinnulus 2.14
Hœdi siue capellæ 2.14 & 42
Homo omnium rerû finis
1.10 eius scopus, Deus i-
bidē: eius descriptio 8.4
& sequentib. formatio in
vtero 9.8 forma eius 8.14
perfectissimus & formo-
sissimus 8.3 mentis mu-
nere bestiis præcellit 10.1
dominiû in omnia ani-
mantia habet 1.10 & 10.1
eius ingenij acumen 10.4
Horarum differentia 1.21
Horizon 2.7
Humeri 8.8

Humor 3.2 effecta 4.6 hu-
mido omnia nutriuntur
9.9 & 3.7 humidum ra-
dicale 8.2 & 9.9 in plan-
tis 7.2 & 7.3
Hyacinthus 6.4
Hyades in Tauro 2.16 & 45
Hydra fidus 2.15
Hyems 1.23
Hyeme animalia nonnulla
delitescunt 8.22
Hypochondrion 8.7

I

Iacob patriarcha 9.5
Iaspis 6.4
Ilia 8.7
Ignis ratio 4.4 igne elemē-
ta resoluuntur 4.11 igne
mundus conflagrabit 1.13
Imaginatio 9.24 fortioris
imaginationis effectus
9.21 & 9.5
Imber 5.15
India gemmifera 6.3
Infantibus humidum cere-
brum 9.25
Infinitum 1.15
Influentia siderum 2.41 &
seqq.
Ingenia magna & heroes 10
8 non sine afflatu diuino
1.4
Insecta 8.20
Insipida quæ 4.15
Insomnium 9.28
Intellectus, eiusq; præstia
10.4 simplex 10.5 com-
positus, agens 10.6
N.v. Intc-

INDEX. I

Intestina	8.10	Lumbi	2.8
Ira & irascens affectus	9.30	Lumen	2.29
Iris	5.17	Luna 2.20 & 2.32 & 2.50	
Iudicij fons 10.5 forma 10.7		phases 2.49 vires 2.50 &	
Iuuetus 9.11 robusta est 4.3		3.8 prognostica	5.19
Iupiter	2.21 & 42	Lupus fidus	2.15
L		Lux	2.38
Acus	3.10	Lyra fidus	2.14
Lætitia	9.30	M	
Læuitas	4.14	Agnes	6.4
Lana	8.3	Mammillæ	8.7
Lapidum generatio 4.10 &		Manè	1.19
6.2 terreæ sunt materiæ		Manus 8.11 instrumentum	
6.2		mentis	10.3
Latitudo mundi	1.11	Mare est elementum aquæ	
Larynx	8.6	3.7 littorum terminis	
Laxat calor	4.3	cōtinetur 3.7 & 1.10 cur	
Lazuli lapis	6.5	non redundat 3.10 & 5.	
Legumina	7.4	14 eius falsedo 3.9 æstus	
Lentor	4.14	2.50 & 3.8 turbulentius	
Leo fidus	2.16 & 42	est hyeme 5.8 nauigabi-	
Lepus fidus	2.15	le quando	2.45
Leuitas	3.3	Marcidus odor	4.16
Lex naturalis cordi inscrip-		Margaritæ 6.6 sunt concha-	
ta	10.3	rum verrucæ	6.3
Libra fidus	2.16 & 42	Marmorum genera	6.7
Lignum 7.2 ligna cur aquis		Mars	2.21 & 42 & 5.3
innatant 7.1 cædenda à		Mas, virilis sextus	9.6
Lunæ posteriore quadra-		Materia prima 3.1 misto-	
tura	2.50	rum 1.8 mutatur simul	
Limacius lapis	6.6	cum forma in generatio-	
Liquores	6.13	ne	4.9
Liquefcunt metalla ex ca-		Maturefcūt poma palea ob-	
lore	4.3	uoluta	4.7
Locus	1.17	Melleus odor	4.16
Logica naturalis	10.7	Medulla animalium 8.2 spi-	
Longitudo mundi	1.11	nalis 8.8 ligni	7.2
Lucifer stella	2.22	Membrorum corporis de-	
		scriptio	

INDEX.

scriptio 8.2 & seqq.
 Membrana 8.2
 Memoria 9. 25 senibus mi-
 nimè tenax 9.11
 Mens Vide lib.10
 Mens videt, mens audit, di-
 eterium 9.23
 Menses 1.22
 Meridies pars diei 1.19
 plaga mundi 1.11
 Meridianus 2.8
 Mercurius 2.12 & 42 &
 5.3
 Mentum 8.4
 Messala Corvinus 9.25
 Metus 9.30
 Metallorum consideratio 6.
 10 & seqq. generatio 4.
 10
 Meteororum ratio 5.1 &
 seqq.
 Minutum horæ 1.21
 Mistio 4.10
 Mistum corpus 4.1
 Mollis odor 4.16
 Mollities ex humore 4.6 &
 14 & 8.1
 Monstra 1.5
 Mors 9.11
 Motus lex perpetua 1.3 ge-
 nera 1.16 cœli 2.23 & seqq.
 localis 9.19 animalis à
 calore procedit 4.3
 Mundus quid 1.11 & sequen-
 tib.
 Murium prænotia 2.27
 Mutatio 4.2 fit per contra-
 ria 4.3

N

Nasus 8.4
 Natatio 9.19
 Natura 1. 2 pro efficiente
 causa 1.3
 Nautæ stellarum observa-
 tione vsi 2. 14 numerant
 triginta duos ventos 5.10
 Nebula 5.16
 Necessitas naturalis 1.5
 Nerui 8.2
 Niduli auium 9.27
 Niger Africa fl. 3.10
 Nigrum 4.18
 Nilus 3.10
 Nix 5.15
 Nodus lingui 7.2
 Normæ certitudinum seu
 notiones principiorum
 10.5
 Notio 9.27
 Notiones simplices 10.5
 Nox & eius partes 1.19 & 2.
 40 quietis admonet 1.13
 Nubes 5.14 à Sole dissipantur
 4.3
 Nuces 7.8
 Numeratio 10.6
 Nutritio 9.9
 O
 O bliuio 9.25
 Oceanus omnium pa-
 renshabitus 9.9
 Occidens plaga mundi 1.11
 Occiput 8.4
 Oculi bini 8.4
 Odium 9.30
 Odoratus 9.16
 Odo-

INDEX.

Odorum genera 4. 16 eli-	Piscium natura, 8. 17 gene-
ciuntur a calore 4. 3	ratio 9. 8 odorantur 9. 16
Olera 7. 4	stupidi ingenij 9. 27 an
Oleraceus odor 4. 16	spirent. 9. 13
Onyx 6. 4	Planta, vide stirps.
Ophyuchus sidus 2. 14	Planetarum consideratio 2.
Oraculum 9. 28	18 & sequent.
Orichalcum 6. 12	Plumbum 6. 11. & 12
Oriens plaga mundi 1. 11	Pluuiæ caussa 5. 15 pro-
Orion 2. 15 & 45	gnostica. 5. 19
Ortus & occasus stellarum	Poli duo 2. 3
2. 45	Polypus 9. 27
Os 8. 4	Poma 7. 8
Offa 8. 2	Potus animantium 8. 21
Os sacrum 8. 8	Prænotiones brutorum 9.
Ostrea 2. 50	24 & 27
Ouū & eius cōsideratio 9. 8	Prasius 6. 4
P	Prester 5. 12
Paludes 3. 10	Prognostica tempestatum
Pan 2. 20	5. 19
Parelius 5. 17	Propositio syllogismi pra-
Palsio in mutatione 4. 8	ctici 10. 7
Pectus 8. 7	Prudentia senum 9. 11
Pedes 8. 12	Pruina 5. 16
Pegasus sidus 2. 14	Prunæ 4. 4
Pennæ 8. 3	ψυχονομία 10. 9
Perigæum 2. 25	Pulmo 8. 9
Perseus sidus 2. 14	Puniceus color 4. 19
Perspiciliorum ratio duplex	Purpureus ibid.
9. 14	Putei 6. 10
Phantasia 9. 24	Putredinis caussæ 4. 11
Phantasmata nocturna 9. 28	ex Putredine nascuntur a-
Physica quid 1. 1	nimalia. 9. 4
Pili animalium 8. 3	Pyropus carbunculus indi-
Pinguedo 8. 2	cus. 6. 4
Pisces Zodiaci 2. 16 & cap.	Q
42. & 45	Vadripedum natura
Piscis austrinus 2. 15	8. 15. generatio 9. 8
	Qua-

INDEX.

Qualitates primæ 3.2
effecta qualitatū 4.2 &
sequent. alteratio in mi-
stione 4.10 & 12
Qualitates secundæ 4.12
Quies animantibus neces-
saria 9.21

R

R Adij solares 2.43
visuales. 9.14
Radix. 7.3
Rami 7.3
Rancidus odor 4.16
Raritas 4.14
Ratio 10.6
Ratiocinatio 10.7
Reflexio radiorum 2.43
Renes 8.10
Repratio 9.19
Reptilia 8.16
Resina 6.13
Rhenus 3.10
Respiratio 9.13
Rodanus 3.10
Ros 5.16 in Africa largi-
or 3.5
Roseus color 4.19
Rubedo vespertina 5.8 &
cap. 19
Rubeus color 4.19

S

S Agitta fidus 2.14
Sagittarius 2.16
& 42
Salsus sapor 4.15
Sanguis 8.2 eius officina
est epar 9.9
Sanguinea 8.13

Sanguinei longæui 9.12
Sapientia 10.8
Sapores 4.15
Sapphirus 6.4
Sardo & Sardonix 6.4
Sationes vberes Luna cres-
cente 2.50
Saturnus 2.21 & cap. 42. &
5.3
Saxa 6.8
Scapulæ 8.8
Scientia 10.8
Scorpius fidus 2.16 & cap.
42 animal 8.20
Sclopetorum ratio 4.3
Scyurus ventos prædiuinat
5.19
Sedes animalium 8.22
Seminis germinatio 4.10
semen animalium 8.2
plantarum 7.6
Senectus mundi 1.13
Senectus animalium 9.11
senes destituuntur vigore
& calore 4.3
Sensuum ratio 9.13
& sequent. sedes est caput
8.4
Sensus communis 9.23
Septentrio plaga mudi 1.21
vnde sic ductis, vide Vrsa
maior.
Septentrionales populi 4.5
Serenitas 5.8 eius progno-
stica 5.19
Serpentes, vide Reptilia.
Serpens nouit incantato-
rem 9.27

Sermo

INDEX.

Sermo 9.20 instrumentum mentis	10.3	rum iam corrupta	1.13
Seruius Tullius	5.7	Stanum	6.12
Sexus duplex	9.6	Stellæ 2.9 & sequent. illarū motus 2.24 influxus 2.41 & seqq. altitudo à terra 2. 37	
Siccitas 3.2 eius effectus	4.6	Stipulæ, virgæ, meteorō	5.6
Sidera 2.13 & sequent.		Stolones	7.3
Similitudo prolis cum pa- rentibus	9.5	Stomachus	8.6
Silex	6.8	Stupor ex frigore	4.5
Simplex corpus	2.1	Suavis odor	4.16
Sinciput	8.4	Succi	6.13
Sirius 2.15 & cap. 45		Sudor in balneis	4.3
Smiris	6.8	Suffrutex	7.4
Smaragdus	6.4	Surculi	7.3
Sol 2.19 mēsurā temporis 1. 19 cū Luna stetit immo- tus 1.5 eius effectus 1.10 & 2.43 & 4.3.5.8.5.19		Syllogismus practicus	10.7
Solertia brutorum 9.24 & 27		Synterēsis	10.7
Somnus	9.21	T	
Somnia	9.28	Tactus	9.18
Somnus nimius vitę longi- tudini obest	9.12	Taurus Zodiaci 2.16 & 42	
Sperma	4.9	Tempestates	58
Sphæræ cœlestes 2.2 & se- quent.		Tempus 1.18 tempus feren- di vteri	9.8
Spina dorsi	8.8	Tenebræ	2.40
Spiritus vitalis 8.2 & 9.9 in cerebro ideas format 9.22		Tenue, calidum	4.3
Splen 8.10 receptaculum est melancholiæ	9.9	Tenuitas 4.14 vide etiam Attenuatio	
Spongia marina	9.19	Terra 3.11 cur solida 1.10 ro- tunda	1.12
Squammæ	8.3	Terra mistorū parens 4.10 æstate turbulētior est 5.8	
Stirpium consideratio 7.1 & sequent. generatio 9.7 à Luna incrementum ac- cipiunt 2.50 natura illa-		Terrea, sicca sunt	4.6
		Terræ insignes	6.9
		Terræmotus 5.13 sonitus 5.18 prognostica	5.19
		Testacea animalia	8.19
		Testæ animalium	8.3
		Te-	

INDEX

Testudines palustres	2.50	Vegetatio	9.3 & 4.3
Thales milesius	2.41	Veri & falsi notio	10.5
Thearmedes lapis	6.5	Vertex capitis	8.4
Themistocles	9.25	Vesica	8.10
Thetys	9.9	Vinum aquæ supernatat	3.3
Thorax	8.7	nouum cur efferueat	4.3
Thraces	9.25	Violaceus color	4.19
Ticinus	3.10	Virgo sidus	2.16 & 4.2
Tonitru	5.18	Viridis color	4.19
Topazius	6.4	Virilitas	9.11
Torrida à putredine immu-		Visio	9.28
nia	4.11	Visus	9.14
Trachea	8.6	Vita quid 4.3 eius longitu-	
Tranquillitas aëris	5.3	do & breuitas	9.12
Trigonum sidus	2.14	Viuum corpus	7.1
Tristitia	9.30	Vumbra 2.40 grauis	4.3
Tropici circuli	2.6	Vmbilicus	8.7
Truncus pars stirpis 7.3 ho-		Vngues	8.3
minis	8.6	Voluntas quid 10.10 causa	
Typhon	5.12	contingens	1.6
V			
Vacuum	3.6	Voluptas	9.29
Vapor	5.2	Volatus	8.13 & 9.19
Venus	2.22 & 4.2	Vox	9.20
Ventorum consideratio 5.9		organa	8.6
& sequent. prognostica		Vrinarij canales	8.10
5.19		Vrsa maior & minor	2.14
Venz	8.2	Z	
Venter	8.7	Zephyrus	5.10 & 11
Ventriculus	8.10	Zodiacus	2.5 & 16
		Zonæ quinque	3.5

FINIS.

ERRATA

Pag. 30. Versiculo 36. lege *Te memorant fratrem & suum &c.*
Ceteræ, cuius inter legendum facile sint obuia.



LONDINI,
Ex Officina Typographica
Henrici Bynneman.

CIC. IC. LXXI.

*Cum Serenissima Regia Maiestatis
Privilegio.*

59479